

Saaka wù jone kune Jiso no
Luka
gè san
Fiε fi le a Nwa wu Luka wunε
le

Nwa wu Luka wunε duunyi le Jiso le Mbvuse wù Nyo gè ka bamii ba Ishwala yu, ka nyu Mbvuse wu kingoge ki bamii bachii. Wu jeme mwεε mumu kune Jiso mù le a nwa wunε le maa. Wu jeme no ba gè boyε Jiso banchendaa ba Nyo tu bo yeεne, bamii ba chieεne shón gεεη bo bijε mwa. Wu jeme te no mwa wù Jiso gè sheshe yeh yi kintanyε le, wu jeme nğan wù Jiso gè ma kune muh wù jone wu Samaliya be wù kune mwa wù gè leεε. Nwa wu Luka wunε jeme baan kune buunε, wu jeme te kune Kiyo ki Yuude mo kune bikese. Nwa wunε jeme no Nyo leεshi bimbefe bi bamii, nyu fi fi Jiso gè to fekuu fεεε nje fi.

Bikwεε bi mwεε mù le a Nwa wunε le

1:1-4 Fεηkεε

1:5-2:52 No ba gè boyε Jon Nleεajoo be no ba gè boyε Jiso bo tu bo kuu

3:1-20 Lεme chi Jon Nleεajoo

3:21-4:13 No ba gè leesε Jiso a joo be no Satan gè mone wu

4:14-9:50 Kune lεme chi Jiso Galalee

9:51-19:27 No Jiso gè ja Galalee wu gεεne Yelusalem

19:28-23:56 Kune kima ki Jiso ki kimεε Yelusalem

24:1-53 No Jiso gè bu yi kwe le, wu bunε a bamii jii, fε wu bεεη fεwe

Fεηkεε

¹ Muh wù baan Teofilus, bamii ba duude le bo mon wa ki bo san kune mwεε mu gè kooshe a bee ntεnεε.

² Ba gè san mwεε mune gεh yεεηyεεη no bee gè yu wa a bamii ba gè yεde bε ajii aboo, bo ka feeji saaka wεε no mu gè kε.

³ No nle njo wa kife ki ntaa mwεε mune munchii kεge fεηkεε, mo n'yεη lε, fi jonε lε mbanyε nsan tε fε wo le a je yì kooji le.

⁴ Nge finε lε wo kêε kinchiεεη wu mwεε mù ba gè feje wa wo le.

Nchεndaa wu Nyo tee lε ba lé ba boo Jon Nlεεajoo

⁵ Sege Nfon Hεlod gè sage won wu Judia, chiji kintanyε wumu gè bee jee che nyume lε Sakiya. Wu gè lene a kinchvu ki bachiji kintanyε ba Abija le, kwεε gè bu tε a kfuu chi Alon le, ba tεnje wu lε Alisabε.

⁶ Bamii ba bafεε banε gè bee bamii ba chaan a Nyo jii, bo gεεde banchi ba Tada bachii, bo keme gε jialε gε.

⁷ Geenε, bo gè keme gε mwa gε, nje Alisabε gè bee kaa, bo bachii gè bee bo jun wa.

⁸ Kife gè to ki kojε, ki kinchvu ki Sakiya bo lene yeh yi kintanyε yi Tada le. Wu gè bee chiji kintanyε a Nyo jii abvu,

⁹ bo gè baa wu, bii no bo to bo baade bachiji kintanyε yi kinche kiboo le. Wu mo wu lee yeh yi kintanyε le, ki wu tōη jiin.

¹⁰ Kife gè koje kǐ wu ton jiiṅ, bamii bachii ba gè bee akfuunḡ, buune.

¹¹ Nchɛndaa wu Tada ja wu bunɛ a wu jii, wu lɛɛṅ kibo kinchiɛɛṅ ki kitana ki jiiṅ le.

¹² Sege Sakiya gè yɛṅ wu le, njanḡ koo wu, wu kɛmɛ nfaanḡ baanḡ.

¹³ Geenɛ, nchɛndaa wɛɛ jɛmɛ wu le lɛ, “Keefɛ wo fãane gɛ. Nyo le wu yu wa buunɛ chunḡ. Kwoo, wu Alisabɛ lé wu tô wu bôo mwa wù jwɛṅsɛ, wo nya jee che lɛ Jonḡ.

¹⁴ Wu lé wu gè wu tô bɛ kinlanḡyɛ fɛ wo le, bamii ba duude le bo yuge njonḡ nje boyɛ che.

¹⁵ Wu lé wu gè wù nyû muh wù baanḡ a Nyo jii. Keefɛ wu yu wu to wu muu mbvuunḡ gɛ, fɛ nyume mo ma tɛɛmɛ gɛ. Kiyo ki Yuude lé ki gè ki yɛsɛ ye ye le wu baanḡ a bwee shɛṅ.*

¹⁶ Wu lé wu gè bamii ba Ishwala ba duude bo kuse muntele muboo bo kaasɛ bo tu bɛ Tada wù Nyo wuboo.

¹⁷ Wu lé wu sâ fwe a Tada bɛ fitele mo bvunḡa bvu Alaja, ki wu kûsɛ muntele mu bachiji boonḡ, mu nyu yi boonḡ baboo le. Wu lé wu gè bamii ba tɛɛmɛ bintunḡ chinɛ bintunḡ bi tɛmɛ le, bo kuse kinche kiboo, bo kɛmɛ banḡkwajɛ nyu ba bamii ba chaanḡ. Wu lé wu gè noo, lɛ bamii nyû bo seesɛ bo chiɛɛne Tada.”

¹⁸ Sakiya biih nchɛndaa wu Nyo le lɛ, “Fiɛɛ fi yu fi ge ṅkɛɛ, besa kwaanḡ nyu bee junḡ wa nɛ, le la?”

¹⁹ Nchɛndaa Nyo wɛɛ chvuu lɛ, “Le mɛ wù Gabliya, nlɛmɛ bvushi bvu Nyo le segechii, nyu wu wù tunḡ mɛ ki nto nsɛɛṅ wo saaka wù jone wunɛ.

* **1:15** Kɛnɛ lɛ, “sege ba boo wu.”

²⁰ Bije yêṇ, no wo baan beṇ gè saaka wunε le gε, kife lé ki tô ki kojε kî fi kεmε ki fi kooshε, wo lé wo tû kinchifε, wo gε ka wo jεme gε, gεṇ bu sege fiεε finε lé fi kôoshε.”

²¹ No fi gè kooshi noo, bamii ba gè lεme akfuun bo chiεene Sakiya bo kεmε lo ṇgha laa le la fi ge wu she yu baan nε le.

²² Sege wu gè bu yu, wu ka kee gε ki wu jεme bo le gε. Bo mo bo kεε le Nyo le wu dunyε fiεε fi ghage wu le yu. Wu mo wu fege lo mwεε bε chiaaṇ, wu ya jεme gε.

²³ Sakiya gè mεse lεme che yeh yi kintanyε le, wu mo wu kaase wu tu jin fε wu kfuun.

²⁴ Aju gè fe, kwεε wu Alisabε kεmε fwe, wu mo wu nyume yeh yeh yi kii le yitεṇ.

²⁵ Alisabε mo wu jεmε le, “Mεese Tada le wu koo wa yii fε mεne, wu bvuse bvuya yi kikwεε kaṇ le.”

Nchɛndaa wu Nyo tee le ba lé ba bôo Jiso

²⁶ Fwe chi Alisabε gè bu kii bvusoo, Nyo tun nchɛndaa we wù Gabliya nte wumu wu Galalee le jee nyume le Nasalε. ²⁷ Wu gè gεṇ bε ntun fε ṇgoon kwεse wumu le jee che nyume le Mεele, wu baan mwa wuchile. Wu ge bee ba seese wa le wu lé wu nyûme kwε Yosεf wu a kfuu chi Nfon Dabi le.

²⁸ Nchɛndaa wu Nyo wεε gεṇ wu yεṇ Mεele le, wu jεmε wu le le, “N'yεse wo le! Tada le wu baa wo wu ka nyume bε wo.”

²⁹ Mεele yu fi ya wu baan, wu tu wu mane laa kfuu chi wunε n'yεse le wu nεε nε le.

³⁰ Geene, nchɛndaa wu Nyo jεmε wu le le, “Mεele fε wo fâane gε, Nyo le wu cha wo.

³¹ Bíje yêñ, wo lé wo gê wo kême fwe, wo boo mwa wù jwɛɲsɛ, wo nya jee le Jiso.

³² Wu lé wu gê wu nyû muh wù baan, ba lé ba tɛɲɛ wu le Mwa Nyo, Nyo wu le Kikwɛɛ ki Mwɛɛ Munchii. Tada Nyo lé wu gê wu shɩshɛ wu yi kala wu Nfon Dabi wu chiji kfuu chiboo le.

³³ Wu lé wu sâge kfuu chi Yakob segechii, gɛ bvunfon bwe nyu bvɔ to bvɔ ka gɛ.”

³⁴ Mɛɛle biih nchɛndaa wu Nyo le le, “Finɛ lé fi fɛ nɛɛ, mbaan mwa wuchile.”

³⁵ Nchɛndaa wu Nyo chvuu wu le le, “Kiyo ki Yuude lé ki tô yi ye yo le, bvunɔa bvɔ Nyo wu le Kikwɛɛ ki Mwɛɛ Munchii ki ge ki yisɛ yi ye yo le. Noo, mwa wu wo lé wo gê wo bôo le wu yuude, ba mo ba tɛɲɛ wu le Mwa Nyo.

³⁶ Bíje wo yêñ, mwa bwee chijo wù Alisabɛ wu le wu nyuufɛ wa wu jun ba chi tɛɲɛ wu le kaa, wu le mɛɛsɛ bɛ fwe kii bvusoo, wu lé wu bôo mwa wù jwɛɲsɛ.

³⁷ Gɛ fiɛɛ nyu yu fi tanlo fi ya Nyo gɛ.”

³⁸ Mɛɛle mo wu jɛmɛ le, “Nɛ mɛ wunɛ fɛnɛ wu le mwa lɛmɛ wu Nyo. Wu gê, fi kôoshɛ bɛ mɛ no wo jɛmɛ.” No wu jɛmɛ noo, nchɛndaa wu Nyo mo wu ja.

Mɛɛle la jigɛ a Alisabɛ le

³⁹ Gɛh aju ayu le, Mɛɛle seesɛ wu ja wu mo wu yanse wu gɛɛnɛ ntɛ wumu wu won wu mbegɛ wu Juda le,

⁴⁰ wu gɛɛɲ wu bu yo, wu lee a Sakiya ye wu yɛsɛ kwɛɛ wù Alisabɛ le.

⁴¹ No Alisabɛ gɛ yu n'yɛsɛ wu Mɛɛle, mwa janɛ a wu shɛɲ baan. Kiyo ki Yuude yisɛ yi ye ye le. ⁴² Wu

mo wu wulɛ fɛwɛɛwe, wu jɛmɛ lɛ, “Kimbonɛ ki Nyo le yi ye yo le fede bikɛsɛ bachii, kimbonɛ kɛ le yi mwa wu wo lɛ wo bɔo le.

⁴³ Finɛ fiɛɛ fi baan jienyi nɛɛ nɛ, lɛ bwe Tada wan le wu la jigɛ a mɛnɛ?

⁴⁴ Bɪjɛ wo yɛn, sege mbe n'yu n'yɛsɛ wo, mwa mo wu janɛ a mɛ shɛn bɛ kinlanɛ kɪ baan.

⁴⁵ Kinlanɛ kɪ baan le fɛ wo le, nje wo le wo bɛɛn lɛ nka wu Nyo gɛ ka wo lɛ wu tɔ wu kɔjɛ.”

Mɛɛle yuuse Nyo

⁴⁶ Mɛɛle jɛmɛ lɛ, “Fitele fian yuuse Tada Nyo,

⁴⁷ shɛn yan yuge njon nje Nyo wu le Mbvuse wan.

⁴⁸ Wu le wu kwajɛ mɛ, nle gɛh lo muh we wu lɛmɛ wu nchɛ. Kɛge yi mɛɛsɛ le gɛɛnɛ lo, kingogɛ kichii lɛ ki jɛmɛ lɛ, Nyo le wu non kimbonɛ yi ye yan le,

⁴⁹ nje Nyo wu Bvunga Bvuchii le wu ge wa mwɛɛ mɔ baan baan fɛ mɛnɛ. Gɛ jee che tanlo ba beji bɛ chimi gɛ.

⁵⁰ Wu koode yii fɛ bamii ba ngvuune wu le. Yii yinɛ le fɛ kingogɛ le kichii.

⁵¹ Wu le wu dunyɛ bvunga bvɔ kibo kɛ, wu taasɛ bamii ba chiaasɛ yɛ, bantan baboo bo laayɛ.

⁵² Wu le wu shwa wa banfon ba baan baan yi bakala le, wu bɛɛnɛ nyu bamii ba nchɛ nchɛ.

⁵³ Wu le wu nyanɛ wa bamii ba jɛn yuu bo, bo fuu bɛ mwɛɛ mɔ jonɛ, wu kun ba kwa bo gɛɛn chiaan chiaan.

⁵⁴⁻⁵⁵ Wu le wu fi muh we wu lɛmɛ wu Ishwala, wu kwajɛ ki wu kɔo yii fɛ Ablaham bɛ kfuɛ che

le, gɛɛne mɛɛse gɛh no wu gɛ ka wa bɛ bachiji chiji besa.”

⁵⁶ No Mɛɛle jɛmɛ noo, wu che bɛ Alisabɛ kii yi tɛdɛ fɛ wu kaasɛ wu tu jin fɛ wu kfuun.

Alisabɛ boo Jon Nlesɛajoo

⁵⁷ Kife ki Alisabɛ ki boyɛ gɛ to ki kojɛ, wu boo mwa wu jwɛɲsɛ.

⁵⁸ Kfuu che, bɛ bamii ba gɛ chee kimbe kɛɛ le, yu lɛ Tada le wu koo yii fɛ wu le baan, bɛ bo tu bo laneye.

⁵⁹ Aju gɛ to a bu nyaan, ba to lɛ ba chvuu mwa yeh, bo mo bo goone ki bo chu jee lɛ Sakiya nyu jee chi chiji,

⁶⁰ geenɛ bwɛɛ faɲ, wu jɛmɛ lɛ ba tɛɲɛ wu lɛ Jon.

⁶¹ Bo jɛmɛ wu le lɛ “Gɛ muh nyu yu a kfuu chena le bɛ jee chinɛ gɛ.”

⁶² Bo ja bo fege bɛ chiaan chiji mwa le, ki bo kɛɛ laa wu be goone lɛ ba chu jee chi mwa lɛ yɛɛɲ la.

⁶³ Wu mo wu fɛ tɛ, lɛ ba to bɛ fiɛɛ wu san yu we. Lɛ ba to bɛ fi wu mo wu san lɛ, “Jee che le Jon.” Bo yɛɲ noo jwe yun bo.

⁶⁴ Kimimia, jwe wu Sakiya mo wu gwenyɛ, lɛmɛ che yaafɛ, wu kaasɛ wu tu wu jɛmɛ. Wu mo wu kɛ wu tume mankun ma Nyo.

⁶⁵ Bamii ba ntɛ wuyu le kɛmɛ ɲgha baan. Saaka wu mwɛɛ munɛ munchii saanɛ wu gɛɛɲ wonɲ wu mbegɛ wu Judia wuyu le wuchii.

⁶⁶ Bamii bachii ba gɛ yu mwɛɛ munɛ munchii bo kɛmɛ faan bo biide laa wunɛ mwa lɛ wu yu wu tɔ wu nyume nɛɛ lɛ, nje fi gɛ duunyi lɛ kimbonɛ ki Nyo le yi ye ye le.

Sakiya tee ntun wu Nyo

⁶⁷ Kiyo ki Yuude ja ki yiɛ ye yi Sakiya wu chiji Jon le, wu mo wu kɛ wu jɛme nje muh wu ntun wu Nyo, wu duu le,

⁶⁸ “Besabɛɲ bɛɛɲse Tada Nyo wu bamii ba Ish-wala. Wu le wu to wa ki wu sɔun bamii be yi nge le.

⁶⁹ Wu le wu gɛɛ wa muh we wu bvunga wu lɛ wu gɛ besabɛɲ bɔnɛ, wu bu kfuu chi muh we wu lɛme wu Nfon Dabi le.

⁷⁰ Finɛ le no wu gɛ ka wa jwe wu bamii be ba ntun ba yuude le baan lo nchensɛɲ no wu gɛ gɛɛ,

⁷¹ le wu lɛ wu bvɔsɛ bee chiaaɲ yi bamii ba goone ki bo lɛɛshɛ bee le, mo bamii besa ba kimbanɛ.

⁷² Wu gɛ ka le wu lɛ wu koo yii fɛ bachiji chiji besa le, wu mo wu chee wu kwaji mankan mɛ ma wu gɛ gwo bɛ Nyo.

⁷³ Wu gɛ ka fɛ Ablaham wu chiji bachiji besa wu ji leh le,

⁷⁴ wu lɛ wu gɛ wu bvɔsɛ bee chiaaɲ yi bamii besa ba kimbanɛ le, le besabɛɲ lɛne wu le bee ya faane gɛ,

⁷⁵ besabɛɲ chɛɛ kinche kɔ yuude bɛ kɔ chaan a wu jii aju achii yi nshilɛ wese le.

⁷⁶ Wo wu mwa yaɲ ba lɛ ba tɛɲe wo le muh wu ntun wu Nyo, Nyo wu le Kikwɛɛ ki Mwɛɛ Munchii, nje wo lɛ wo sɔ fwe a Tada ki wo sɛsɛ je ye.

⁷⁷ Wo lɛ wo fɛɛji bamii be je yɔ tanlo bo kɛmɛ mbvuse yu, fi le nlɛshɛ wu Nyo lɛ wu gɛ wu lɛshɛ bimbefɛ biboo,

⁷⁸ nje yii yɔ baan yɔ wu kole fɛ bamii le. Wu lɛ wu chɔɔɲ Mbvuse wu shiide wu too we gɛh nje juu fɛ chi le chi saan.

⁷⁹ Wu lé wu nyâ n'yu bamii ba le yi kijibe le mo bamii ba le jwe wu kwe le, wu mo wu gɛɛ besaben je yĩ kimbone le.”

⁸⁰ Mwa Sakiya wɛɛ mo wu tu wu kuu yi nyan yi ye le, wu kuu tɛ a kiyo le. Wu mo wu ja wu gɛɛn wu tu wu chee nyu nchvuun, gɛɛn bu juu chi wu gè bu ki wu dûnye kikwɛɛ ke bamii ba Ishwala le.

2

Mɛɛle boo Jiso (Macho 1:18-25)

¹ Gè bee kife kɛɛ le, nchi bu le ba san mankun ma bamii bachii ba le yi bitun bi won wu Lum le. Wu gè bu a Kaisa Augustu wù gè bee Nfon wù baan wu yo le.

² Kintan kinɛ gè bee kɪ fwe kife kɪ Kwelino gè bee muh wù baan wu Lum wù gè sage kimbe ki won ki Silia le.

³ Noo, bamii bachii mo bo kaase bo tuu jin bantɛ baboo le, le bo gɛɛn bo san ajee aboo ki ba tan bo.

⁴ Yosef tɛ mo wu ja Nasalɛ ntɛ wumu wu Galalee le, wu bɛɛn wu gɛɛn Betɛhem kimbe ki won ki Judia le a ba gè boyɛ Nfon Dabi yo. Wu gè gɛnɛ yo nje wù gè bee muh wu a kfuu chi Nfon Dabi le.

⁵ Yosef gè gɛnɛ bɛ Mɛɛle wù wu gè lesɛ le wu lé wu gè wù nyu kwɛɛ ki bo san ajee, wù nyu bɛ fwe.

⁶ No bo gè gɛnɛ bo bu yo, kife ke ki boyɛ to ki kojɛ.

⁷ Wu boo mwa ye wu bvuchile nyu mwa wù jwɛnɛ, wu kujɛ a nju le, wu ginɛ a nguh wu nyán le, nje bo gè kɛme gɛ kibuu ki kinche ki bamii ba jienyi le gɛ.

Nchɛndaa wu Tada sɛɛŋ boyɛ bamii ba chiɛne shón le

⁸ Gè bee kife kiyu le, bamii ba chiɛne kiji ki shón bamu nyu mbebe ntɛ wɛɛ le, bo chiɛne shón yiboo antan.

⁹ Nchɛndaa wu Tada jágɛ nɛ wu bu a bo jii, n'yu wù Nyo baan fɛ bo gè bee fo, bo kɛmɛ nfaan baan.

¹⁰ Geenɛ, nchɛndaa wu Tada wuyu jɛmɛ bo le lɛ, “Keefe bɛŋ fáane gɛ. Bɛŋ yû, ntoo nyu bɛ saaka wù jonɛ fɛ bɛŋ le, wu lé wu gɛ wu nyâ njon wù baan fɛ bamii le bachii.

¹¹ Yi juu chi abɛŋ le ba le ba boo Mbvuse ntɛ wu Nfon Dabi le wù le Kletu wù Tada.

¹² Finɛ le nyu njɛŋ ki wu dûnyɛ mwa wuyu bɛŋ le. Bɛŋ lé bɛŋ gɛ bɛŋ gɛɛŋ bɛŋ yêŋ wu le ba kujɛ a nju le ba ginɛ a ŋguh wu nyán le.”

¹³ Gɛh noo, bo ja bo janɛ bo yɛŋ nchɛndaa wu Nyo wɛɛ le bɛ kinchvu ki bamu ba duude le bo tume mankun ma Nyo bo duu lɛ,

¹⁴ “Mbɛɛŋsɛ nyûme fɛ Nyo wù le fɛwe le, kimbonɛ nyume fɛkuu fɛnɛ fɛ bamii ba Nyo yuge njon bɛ bo le.”

¹⁵ Sege banchɛndaa ba Nyo baa gè ja bo chinɛ bo le bo kaasɛ bo bɛɛŋ fɛwe, bamii ba chiɛne shón bayu jɛmɛ ye yiboo le lɛ, “Bee gɛɛŋ mɛɛsɛ wunɛ Bɛtɛhɛm, bee gɛɛŋ be yêŋ fiɛɛ finɛ fi kooshi le fi Nyo le wu gɛ lɛ bee kɛɛ.”

¹⁶ Fo ki sege, bo mo bo ja bo gɛɛne chige chige, bo gɛɛŋ bo yɛŋ Yosef bɛ Mɛɛle mo mwa, wu gime a ŋguh wu nyán le.

¹⁷ No bo yɛŋ noo, bo mo bo kɛ bo feeji mwɛɛ munchii mu nchɛndaa wu Nyo be sɛŋɛ bo le kune mwa wuyu.

¹⁸ Jwe yuŋ bamii bachii ba gè yu mwεε mù bamii ba chiεene shón baa gè jεme bo le.

¹⁹ Geenε, Mεεle yu wu gεε fε fitele fie le wu tu wu kwaji segechii.

²⁰ Bamii ba chiεene shón baa kaase bo tuu jīŋ bo yuuse Nyo bo tume maŋkuŋ mε nje bo gè gεεŋ bo yeŋ mwεε munchii nyu gēh yeŋyeŋ no nchendaa wu Nyo gè seŋe.

Bo gεεŋ bo nya mwa wu Jiso yeh yi kintanyε ki Nyo le

²¹ Mwa wuyu bu aju nyaan, ba chvuu wu yeh, ba mo ba chu wu jee le Jiso, jee chinε nyu gēh chi chí nchendaa wu Nyo gè seŋe bwee le fε wu ge wu kεmε fwe.

²² Kife gè koje kí ba ge kintanyε ki ba kfuŋ bikwεε biboo no nchi wu Musε gè goone. Bo mo bo jo mwa bo beεŋ be wu Yelusalem ki bo gεεŋ bo nya Tada le.

²³ Fine le no ba gè san a ŋwa wu banchi ba Tada le le,

“Muh nε le wu boo mwa wu bvuchile nyume mwa wu jwεŋse,

wu nya nyu Tada le.”

²⁴ Bo gè gεεŋ tε ki bo ge kintanyε kinε be bimbembε bifeε, no nyu be boon ba mndonε bafeε bii no fi gè bee a Ŋwa wu banchi ba Tada le.

²⁵ Lε nyu kife kiyu le, chiji la wumu nyu Yelusalem ba teŋe le Simuŋ. Wu gè bee muh wù chaan wù gee no Nyo goone, wu gè chiεene muh wù lé wu gē wu tô ki wu jīεεε muntele mu bamii ba Ishwala. Kiyo ki Yuude gè bee yi ye ye le,

²⁶ Ki gè ge wa wu kεε le gε kwe nyu yi jo wu, nje wu yeŋ muh wu Mbvuse wù Tada gè ka le gε.

27 Kiyo ki Yuude ja ki ge Simun gɛɛn yeh yi kintanyɛ le. Yosɛf bɛ Mɛɛle gɛ doo bo to bɛ mwa yeh yi kintanyɛ le ki bo ge no nchi gɛ goone,

28 Simun fi mwa wu kɛmɛ wu mo wu kɛ wu tu wu tume mankuɲ ma Nyo, wu duu lɛ,

29 “Tada, no wo le wo ge wa ŋka wo wu to wu koɲɛ, jôo lɛ muh wo wu lɛme yi kimbonɛ le.

30 Ajii a wan le wo yɛn wa Mbvusɛ le,

31 wu wo le wo chiɲsɛ le, bamii bachii lé bo gɛ bo yɛn wu le.

32 Wu lé wu gɛ wu nyû kin'yesɛ fɛ bamii ba kee gɛ Nyo gɛ, wu lɛ bo tɛ kee wo, wu gɛ bo bɛɛnse jee chi bamii bun ba Ishwala we.”

33 Chiji mwa bɛ bwe mwa yu mwɛɛ mu Simun jɛme kune mwa wunɛ, jwe yun bo.

34 Wu mo wu gɛ kimbonɛ ye yiboo le, wu jɛmɛ Mɛɛle wu bwee le lɛ, “Nyo le wu cha wa mwa yo wunɛ, nto we lé wu gɛ bamii ba Ishwala ba duude bo gwêeyi, bamu jâde lo we. Wu le njinɛ wu fiɛɛ fi bamii lé bo gɛ bo jɛme mwɛɛ yi ye ye le.

35 Noo, finɛ mo fi duunyi mwɛɛ mù bamii nyile a muntele muboo le. Mwɛɛ munɛ munchii lé mu gɛ fitele fiun nyu nɲɛ ba le ba boon bɛ finyoo.”

36 Gɛ bee gɛh kife kiyu le, kwɛse wumu nyu ba tɛnɛ lɛ Ana, wu nyu muh wu ntun wu Nyo. Wu gɛ bee mwa Fanuel wu le muh wu a kfuu chi Ashɛl le. Kwɛse wɛɛ gɛ bee wu jun wa baan. Wu gɛ bee bɛ jwɛɛn gɛh yi bilun le bvusooshwi maa, jwɛɛn mo wu kwe.

37 Wu tu wu nyu gɛh wa fie kwɛnɲkfu, wu shee yeh yi kintanyɛ le wu yuuse Nyo antan bɛ fɛnshe, wu banɛ mwɛɛ munjile, wu buune. Bilun bie gɛ bee wa mbanyaan ncho binɛh (84).

³⁸ Gèh kife kiyu le kɪ ba gè to bɛ mwa yeh yi kintanyɛ le, kwɛsɛ wɛɛ gè yɛŋ bo le, wu mo wu nya kiyone fɛ Nyo le, wu jɛmɛ kune mwa wunɛ bamii bachii ba gè chiɛɛne kife kɪ Nyo le wu suun bamii ba Yelusalem chiaaŋ yi ŋɛ le.

³⁹ Sege Yosef bɛ Mɛɛle gè mɛsɛ mwɛɛ munchii no nchi wù Nyo gè goone, bo mo bo kaase bo tuu jin nte wuboo wu Nasalɛ le a kimbe ki won kɪ Galalee le.

⁴⁰ Mwa wuyu mo wu tu wu kuu wù kɛmɛ bvunɔa, wu yisɛ bɛ bvufɛe bvɛ baan, chiaaŋ yi Nyo nyume yi ye ye le.

Jiso gɛɛŋ wu shɛɛ yeh yi kintanyɛ ki Nyo le

⁴¹ Chiji Jiso bɛ bweɛ gè bɛɛne Yelusalem bilun bichii fɛ Nka wu Ndanfɛ le.

⁴² Jiso gè bu bilun yuufe ncho bifɛɛ, bo ka bo bɛɛŋ fɛ ŋka wɛɛ le gèh no bo gè to bo bɛɛne.

⁴³ No bo gè ji wa Nka bo mɛsɛ, bo doo bo kaase bo tuu jin, mwa wù Jiso shɛɛ ajin Yelusalem, geenɛ chiji bɛ bweɛ gè baan kɛɛ gɛ.

⁴⁴ Bo jienyɛ juu chi chile, bo kwaji gèh lɛ wu le antɛnɛɛ a ŋgoo yi bamii ba bɛ bo gè jienyi le. Bo mo bo kɛ bo goone wu antɛnɛɛ a kfuu chiboo bɛ nsáa yiboo,

⁴⁵ lɛ bo goon sɛɛŋ, bo mo bo kaase bo tuu jin Yelusalem ki bo goon wu yo.

⁴⁶ Gèh doo nyume ajin a aju atade no bo gè kɛ bo goone wu, bo yɛŋ wu le nyu yeh yi kintanyɛ le, wu shii yu bɛ bamii ba n'yeyɛ, wu yege ba n'yeyɛ, wu biide ba mbilɛ. ⁴⁷ Bamii bachii ba gè yege mo bo kɛmɛ ŋgha baan nje wu gè kee mwɛɛ baan wu ka chvuse bambilɛ chuule.

⁴⁸ No bwee be chiji yeŋ wu le, de yuŋ bo. Bwee beŋ wu wu du le, “Mwa wo jeese la be bee ne? Bije yeŋ, besa chijo le be goon wa wo bee tu be weese lo.”

⁴⁹ Wu chvuu le, “Beŋ be goone me nje la? Ge beŋ be kee le ŋkeme ki nyûme a chii yeh fene ge?”

⁵⁰ Geenε, bo gè baan keε ge fieε fi wu gè jeme ge.

⁵¹ Wu mo wu ja be bo boge Nasale. Wu geŋ wu yuge bo le chuule. No mwεε mune gè kooshi ne, bwee geε fe fitele fie le wu kwaji segechii.

⁵² Jiso mo wu kuu, wu keme bvufee bvù baan, Nyo koŋe wu, bamii te koŋe wu.

3

N'yeŋe wu Joŋ Nleseajoo

(Macho 3:1-12; Maliku 1:1-8; Joŋ 1:19-28)

¹⁻² Gè bee kife ki Joŋ wu mwa Sakiya gè bee nchvuun, ntun wu Nyo to fe wu le. Kilun keε gè bee Tabilu sage wa nje Nfon wu baan wu Lum yi bilun le yuufe ncho biten. Bontu Balεt gè sage kimbe ki won ki Judia le, Helod sage Galalee. Filib wu mwa bwe Helod sage kimbe ki Itula be ki Talikona, Lasana sage Abilen. Geŋ bee te kife ki Anas be Kayfa gè bee bikwεε bi bachiji kintanyε.

³ No Joŋ yu ntun wu Nyo wunε, wu mo wu ja wu geŋ bimbe bi won wuchii wu mbebe Joo yi Jodaŋ le, wu tu wu feeji bamii le le bo kuse muntele muboo, wu leesε bo a joo le Nyo leεshe bimbefε biboo.

⁴ Finε le no Yosaya wu muh wu ntun wu Nyo gè san wa a Nwa we le le,
“Je yi muh jaje nchvuun le,
beŋ sêese je yi Tada,

beη nâje yi nyu chaan,

⁵ beη kêeshε bambegε ba baan baan be ba shige
shige bachii,

beη yîsε biwolo bichii,

be jé yi ηgoηe yi nyu chaan,

beη yîsε bintuge a jé le yichii bi nyu ne nlenelenε,

⁶ bamii bachii mó bo yêη no Nyo fiih bamii.”

⁷ No Jon feeji noo, binchvu bi bamii mo bi too le
wu leesε bo a joo. Wu mo wu kε wu jεme bo le le,
“Kingoge ki yó le, teefe yεεη beη le beη lêge shén yi
Nyo yî beεne wu, yi wu lé wu gê wu dúnye beη le,
fε beη too ne?”

⁸ Beη gée mwεε mù duunyi le beη le beη kuse wa
muntele mwεna. Keefe beη mo beη kê beη dūu gεh
lo fε bikwεε biεna le le Ablaham le chiji wene gε.
Nseηe beη le le tanlo Nyo fiise ata kanε wo tu boon
ba Ablaham.

⁹ Beη kée le ba le ba gεε wa tεmε fε binyi bi bite le.
Kite kichii ki baan yun gε muntan mù njoηe gε, tu
ba lé ba gwô ne ba lêe ba gêεη yi gεη le, ba tón lo.”

¹⁰ Binchvu bi bamii biεε yu, bi biih Jon le le, “Bee
lé be gê neε mεεse?”

¹¹ Wu chvuu le, “Muh wù kεme bikun bifεε wu
nyâ kimi muh mu wù kεme gε le, wù kεme mwεε
munjile wu nyâ muh wù kεme gε le.”

¹² Bamii bamu ba gè koode ηwa to fε wu le le wu
leesε bo a joo, bo biih wu le le, “Muh wu N'yεye, bee
lé be gê neε fiesa?”

¹³ Wu chvuu bo le le, “Keefe beη fii kwa wu ηwa
fede no nchi goone gε.”

¹⁴ Bamii ba nchi to tε fε wu le bo biih le, “Fiesa
fiεε fi bee lé be gê le la?”

Wu chvuu le, “Beη yêne keefe beη chûuse bamii beη lode bige, beη góone mwεε mù achiji a bamii le ge! Beη yûge njon be nlanje wene!”

¹⁵ No bamii gè bee wa bo chiεene Kletu wù Nyo gè ka wa, bo tu bo ghaade mwεε mu Jon, bo kwaji le segemu wu le Mbvuse wεε.

¹⁶ Jon mo wu kεε wu jemε bo le le, “Nleese beη nyu geh a joo maa, geenε muh wu kuge wu fede mε baan wu too ajin, ηkooji ge ki ηgvuume nfaanye jé ye ge. Wu lé wu lêese fie beη nyu chiaan yi Kiyo ki Yuude le be ηgu le.

¹⁷ Wu kemε fieε fie abo fi wu fεede agin yu, wu yeεε fe wu lé wu fêede fo, wu bânye agin wu gee a ηwan le, wu mo wu koo munyi wu ton be ηgu wù fieε wu jime ge.”

¹⁸ Le ne no Jon gè feeji saaka wù jonε wu Nyo bamii le wu ka nyaa bo be nteefe jé le wesee.

¹⁹ Geenε, wu tu wu jemε Helod wu gè sage kune kinge ke wu kaji lo, nje Helod gè jo Helodia wù kwe mwa bwee kwεε le! Wu ka wu jemε kune mwεε mù mbefe munchii mu Helod gè jiale.

²⁰ Helod gè mεε wu doose lo wu jemε le ba koo Jon ba ban yeh yi ncha le.

Jon leesε Jiso a joo

(Macho 3:13-17; Maliku 1:9-11)

²¹ Sege Jon gè baan wu leesε bamii a joo, wu leesε juu chimi le wu mεε Jiso tε to wu leesε wu a joo. Jiso geh bunε, kibvulε gwenye ye,

²² Kiyo ki Yuude shii ki to yi ye ye le fieεne kibεmbe. Je jemε fεwe le, “Wo le mwa yan, wo le fitele fian, n'yuge njon be wo baan.”

Kfuu chi Jiso

²³ Jiso gè bee nje biluŋ mbaanshe sege wu gè ke leme che. Bamii gè kwaji le wu le mwa Yosef wù mwa Ali.

²⁴ Ali gè bee mwa Mata, wù mwa Lewe, wù gè bee mwa Malki wù mwa Jana, wù gè bee mwa Yosef.

²⁵ Yosef wunε gè bee mwa Matatia, wù mwa Amo, wù gè bee mwa Nahum, wù mwa Esli, wù gè bee mwa Naga.

²⁶ Naga gè bee mwa Maa wù mwa Matatia, wù gè bee mwa Semein, wù mwa Yosek, wù gè bee mwa Joda.

²⁷ Joda gè bee mwa Joanan, wù mwa Lesa, wù gè bee mwa Selubabe, wù mwa Shalta, wù gè bee mwa Neli.

²⁸ Neli gè bee mwa Melki wù mwa Adi, wù gè bee mwa Kosam, wù mwa Emadam, wù gè bee mwa El.

²⁹ El gè bee mwa Joshwa wù mwa Elisa, wù gè bee mwa Yolim wù mwa Mata wù gè bee mwa Lewe.

³⁰ Lewe gè bee mwa Semuŋ wù mwa Juda, wù gè bee mwa Yosef, wù mwa Yonam, wù gè bee mwa Eliakim.

³¹ Eliakim gè bee mwa Melia wù mwa Mena, wù gè bee mwa Matata wù mwa Natan, wù gè bee mwa Dabi.

³² Dabi gè bee mwa Jesi, wù mwa Obε, wù gè bee mwa Boa, wù mwa Sala wù gè bee mwa Nason.

³³ Nason gè bee mwa Aminada, wù mwa Amin, wù gè bee mwa Ani, wù mwa Esloŋ, wù gè bee mwa Bele wù mwa Juda.

³⁴ Juda gè bee mwa Yakob wù mwa Asik, wù gè bee mwa Ablaham, wù mwa Tela, wù gè bee mwa Nao.

³⁵ Nao gè bee mwa Selug wù mwa Leu, wù gè bee

mwa Bελεg wù mwa Εba, wù gè bee mwa Shela.

³⁶ Shela gè bee mwa Kanan wù mwa Afasad, wù gè bee mwa Shem wù mwa Nyua, wù gè bee mwa Lamek.

³⁷ Lamek gè bee mwa Metusela wù mwa Εnok, wù gè bee mwa Jalε wù mwa Malalεl, wù gè bee mwa Kenan.

³⁸ Kenan wunε gè bee mwa Εnosh wù mwa Set, Set gè bee mwa Adam, Adam gè bee mwa Nyo.

4

Satan gè mon Jiso

(Macho 4:1-11; Maliku 1:12-13)

¹ Jiso gè ja fε Joo yì Jodaη le, wù nyu wu yiε bε Kiyo ki Yuude. Ki jo wu wu ja wu gεεη wu chee nchvuun.

² Wu nyu yo yi aju le mbaanyε, debele mone wu. Wu gè bee yo noo wu jii gε mwεε gε. Aju ayu gè fe, jεη mo yi yuu wu.

³ Debele mo wu jemε wu le ε, “Wo nε le Mwa Nyo, wo dũ tedε chinε chi tu blεd.”

⁴ Jiso chvuu wu le ε, “**Ba le ba san ε,**
‘Gε muh chee geh nje blεd maa gε.’ ”

⁵ Debele jo wu wù bεεη bε wu kijuse kimi le fεwεεwe, wu dunyε wu bitun bi yi kikwεε ki nshεη le bichii. Jiso yεη nε ηwaan.

⁶ Debele mo wu jemε wu le ε, “Ba le ba nya wa kikwεε ki nshεη kinε mεne kichii, tanlo nnya mo nyu yεεη wù ηkoηe le. Nlé nnyâ wo le wo sâge, wo kême bvukugε bε bvunga bvuyu bvuchii.

⁷ Fi le geh ε wo tûη anyuu wo ηgvûun mε, mε mo nnya fiεε fichii wo le.”

⁸ Jiso chvuu wu le ε, “**Ba le ba san ε,**

**‘Wo ngvûune Tada wu le Nyo wo,
wo lêne gêh nyu wu le maa.’ ”**

⁹ Satan mo wu jo wu wu gɛɛɛn bɛ wu a kinlaantɛn kɪ Yɛlusalɛm le, wu leesɛ wu fɛ kigo ki yeh yi kintanyɛ le, wu jɛmɛ wu le ɛ, “Wo nɛ le Mwa Nyo, wo seɛ fɛkuu,

¹⁰ nje fi le ba san ɛ,

‘Nyo lé wu dú banchɛndaa be le ɛ bo chɪɛɛn wo.’

¹¹ Fi ka nyu ba san ɛ,

‘Bo lé bo gɛ bo kân wo ɛ keefɛ wo kfûun kika yi tɛɛ le gɛ.’ ”

¹² Jiso chvuu wu le ɛ, **“Nwa wu Nyo duu tɛ ɛ,**

‘Keefɛ wo mône Tada wù Nyo wo gɛ.’ ”

¹³ Sege debele gɛ mɛsɛ wa jé yichii yɪ wu gɛ tanlo wu moɲ Jiso yu, wu mo wu ja wu gɛɛɛn wu chiɛne kife kimi.

Jiso kɛ lɛme che Galalee

(Macho 4:12-17; Maliku 1:14-15)

¹⁴ Jiso ja wu tu jin Galalee, wù nyu wu yisɛ bɛ bvunɲa bvɪ Kiyo ki Yuude. Saaka kune wu mo wu saanɛ wu gɛɛɛn bimbe bi wonɲ wu yo le bichii.

¹⁵ Wu tu wu yeyi bamii yéh yi buunɛ le, bamii bachii bɛɛɲse wu.

Ba fan Jiso ntɛ wuboo wu Nasalɛ le

(Macho 13:53-58; Maliku 6:1-6)

¹⁶ Jiso mo wu ja wu gɛɛne ntɛ wu Nasalɛ a wu gɛ ta yo. ɛ to nyume juu chiboo chi yuunɲ, wu gɛɛɛn yeh yi buunɛ le gɛh no wu gɛ shee wu gɛɛne. Wu gɛ ja wu lɛɛɲ we ki wu tɛɛɲ Nwa wu Nyo.

¹⁷ Ba nya wu Nwa wù Yosaya wù muh wu ntunɲ wu Nyo gɛ san. Wu faanyɛ wu bijɛ kijusɛ kimi kɪ ba san fo ɛ,

18 “Kiyo ki Tada Nyo le ye yan le,
nje wu le wu yefe wa me le nto,
nfeje saaka wu jone bamii ba kifufe le.
Wu le wu tun me le nto,
ntefe bamii ba le yeh yi ncha le le ba le ba bvuse bo,
nka ntefe binfeen le bo le bo yen mwee le.
Wu tun te me le nto mbvuse bamii ba ba nyiege be
bo yeh yi ncha le,

19 nka nfeje le kilun kine, le ki Tada le wu ge wu
bvuse bamii.”

20 No Jiso tene ne, wu kaase wu kebe nwa wee wu
nya muh wu to wu geede le wu mo wu shii fekuu.
Bamii bachii ba ge bee yeh yi buune le bo tun ajii
ye ye le.

21 Wu mo wu ke wu naji bo le le, “Fiee fine fi ben
yu a Nwa wu Nyo le, le fi to wa fi koje aben.”

22 Bamii yege fi jon bo le baan, bo keme ncha yi
njeme wu jone wu bude jwe we le. Bo mo bo ja bo
manje, bo biide le, “Wune le geh mwa Yosef ne?”

23 Jiso mo wu jeme bo le le, “Ge manje le ben le ben
ma njan mene le, ‘Muh wu fede bamii, fe la kikwee
kun.’ Ben duu le nge te mwee fene mu ben chi yuge
le nchi ngee Kafanahum.”

24 Jiso ka wu jeme bo le le, “Nsene ben nchienen le,
ge tanlo ba ngvun muh wu ntun wu Nyo won we
le ge.

25 Yi nchienen le, nsene ben le le ge bee kife ki
muh wu ntun wu Nyo wu Alaja le, jan ge she we yi
bilun le bitede be kii bvusoo, jen koo won wuchii.
Bakwenkfu ge bee won wu Ishwala le kife kiyu le
bo duude.

26 Geene, Nyo gè baan tun ge Alaja fe muh le a bo ntenεe ge, wu tun fie nyu fe kwenkfu wu gè bee Salafa le, won wu Sidon le.

27 Ben tane te le, gè bee kife ki muh wu ntun wu Nyo wu Elisha le, bamii gè bee Ishwala bo duude bo keme gon yi baan, gè muh le bo le ge bone ge. Gè me geh Nama wu won wu Silia le wumaa wu ba gè fe wu, wu yuu.”

28 No Jiso jeme noo, bamii bachii ba gè bee yeh yi buune le yu, muntele bedε lo bo.

29 Bo ja we, bo doone wu, bo bu be wu a kinlaantεn ki yu le, bo ben bo bu yi jwe wu kinkon ki gè bee yi mbegε le a nte wuboo le, nje bo gè goone ki bo doone wu le wu gwe yo.

30 Geene, wu fe a bo ntenεe wu geene fie.

*Jiso bvuse kiyo ki yiide yi muh le
(Maliku 1:21-28)*

31 Jiso mo wu ja wu boh Kafanahum, nte wumu wu Galalee le. Doo nyu juu chi yuun, wu geen wu ye yi bamii yeh yi buune le.

32 Bamii bayu bachii bo yuge bo keme lo ngha yi n'ye ye we le, nje n'ye ye we gè keme bvunga.

33 Muh mu gè bee yeh yi buune yiyu le, kiyo ki yiide nyu yi ye ye le. Wu mo wu ja wu wan le,

34 “Abaay Jiso wu Nasale, wo goone la a bee le? Wo to ki wo lεshε lo bee? Nkee wo chuule. Le wo weε wu le muh wu yuude wu ja fe Nyo le.”

35 Jiso wan kiyo ki yiide kiyu, wu jeme le, **“Ban lo, wo bu yi muh wune le.”** Ki mo ki ben se muh wuyu ki tun fekuu a bamii jii, ki mo ki bu ye ye le, geene ki gè baan nya ge wu nfu ge.

³⁶ Bamii bachii bije, jwe yun bo. Bo tu bo mane, bo biide le, “Wune nje me le wu ne wu muh wune keme? Wu keme bvunga bvù baan bvù wu wame biyo bi yiide bi bude ye yi bamii le.”

³⁷ Saaka wu kune Jiso jienye bante bachii ba le kimbe ki yo le.

Jiso fe bamii ba duude

(Macho 8:14-17; Maliku 1:29-39)

³⁸ Jiso gè ja wu bu yeh yi buune ye le, wu geeŋ wu lee a Samon yeh. Gè bee mweede Samon chene be kin'ya. Bo lege le Jiso fih wu.

³⁹ Wu geeŋ fe wu gè gime fo, wu leeŋ a wu we, wu wan kin'ya kiyu, ki chine wu le wu teme. Kimimia, kwese we mo wu ja we wu bije fie bo ji.

⁴⁰ Juu gè doo chi seele, bamii ba gè keme bamii ba chene be bincheŋ yeye yeye bo mo jode bo bachii bo too be bo fe Jiso le. Wu mo wu kune bo le bachii, bo teme.

⁴¹ Banchendaa ba Satan gè bude ye yi bamii bamu ba duude le te bo wane le, “Wo le Mwa Nyo.” Geene, Jiso leje le keefe bo jême ge, nje bo gè kee le Jiso le Mbvuse wu Nyo gè ka.

⁴² Akfuun gè bu ayuu, Jiso bu wu geeŋ kijuse kimi le wu maa. Bamii gè shee bo ke bo goone wu. Bo doo bo to bo yeŋ wu le, wu goone wa le wu ja nte we le. Bo mo bo goone je le wu me be bo.

⁴³ Geene, wu fan wu jeme bo le le, “**Nkeme ki nfêje saaka wu jone kune bvunfon bvù Nyo bante bamu le te, nje le fie fi Nyo tun me le nto nge.**”

⁴⁴ Wu mo wu ja wu geeŋ wu jienyi wu feeji saaka we yeŋ yi buune le, won kwee le wuchii.

5

*Jiso tɛɛŋ boon be ba kinchvu ba fwe
(Macho 4:18-22; Maliku 1:16-20)*

¹ Gè bee juu chimi, Jiso ja wu lɛme mbebe Masi wù Genesale le, gè bee bamii tun kingan bo faase wu bo yuge je yi Nyo.

² Wu ja wu yɛŋ banɗuh bafɛɛde june wu joo le, bamii ba gè kɛme bo nyu bo bu wa yo bo chuge gii yiboo yi bɛɛŋ.

³ Wu gɛɛŋ wu lee a ŋguh wumu le, nyu wu Samon, wu jɛmɛ lɛ wu toonɛ wu lee wù gɛɛŋ a joo shige. Wu toonɛ, Jiso mo wu shii yo bamii nyu kwa wu yeyi bo.

⁴ Wu gè yeyɛ wu mɛɛ, wu mo wù jɛmɛ Samon le lɛ, “Tòonɛ ŋguh wu lee wu gɛɛŋ fɛ joo njuume fo, bɛɛŋ non gii yene bɛɛŋ koo bɛɛŋ.”

⁵ Samon chvu lɛ, “Chiji kikwɛɛ, bee chi che lo we bee noon gii bvɛ yuu, bee baan fɛɛ koo gɛ. Geene, no jɛmɛ wo, nlé nòn gɛh lo.”

⁶ Bo gɛɛŋ bo non, bo koo bɛɛŋ yo weseɛ, bo doo bo bvɛuse, gii yiboo goone ki yi sũume.

⁷ Noo, bo ŋwale bamii baboo ba kinchvu a ŋguh wumu le lɛ bo to bo fih bo. Bo to bo bvɛuse bɛɛŋ yiyu yi yise banɗuh baboo, banɗuh tu bo goone ki bo shiide a joo.

⁸ Samon Bitɛ yɛŋ fɛɛ fi kooshi le, wu mo wu gɛɛŋ wu tun anyuu wu ŋgvuume a Jiso jii wu jɛmɛ lɛ, “Kii wo Tada, ja fiun fɛɛ wo chinɛ mɛne, nle fian muh wù befe.”

⁹ Wu gè jɛme noo, nje wu bɛ bamii be ba kinchvu gè yɛŋ bɛɛŋ yi bo gè kole le, ye kuufe bo.

¹⁰ Ye kuufɛ tɛ Jɛm bɛ Jon boon ba Jɛbedi ba gɛh bee tɛ a kinchvu ki Samon le. Jiso jɛmɛ Samon le lɛ, “**Keefɛ wo fâane gɛ. Kɛge mɛɛse gɛɛne fwe, wo lé wo kooɛ wa nyume bamii.**”

¹¹ Lɛ bo yu noo, bo mo bo bvuse banɗuh baboo kwa, bo chinɛ mwɛɛ munchii le bo mo bo bii Jiso le.

*Jiso fɛ muh wu gon yĩ baan
(Macho 8:1-4; Maliku 1:40-45)*

¹² Lɛ to nyume kife kimi le, Jiso nyu a kinlaantɛn kimi le, muh mu nyu yo gon yĩ baan nyu yi ji wu. Muh wuyu yɛn Jiso le, wu to wu gwe a wu jii, wu lɛgɛ wu wu jɛmɛ lɛ, “Tada, wo tanlo wo fɛ mɛ n'yu, fɛ wo nɛ koɛ lo.”

¹³ Jiso mo wu nɛjɛ kibo wu kuɗ wu le wu jɛmɛ lɛ, “**Nkoɛ lo, tɛmɛ la wo yûude.**” Kimimia, gon yĩ baan yiyu mo yi chinɛ wu le.

¹⁴ Jiso chiisɛ wu le lɛ, “**Wo yêne keefɛ wo sêɛn muh le gɛ. Geenɛ, wo gêɛn wo chûnyɛ ye yo chiji kintanyɛ le, wo mo wo nyâ nyaa yĩ Muse gè jɛmɛ lɛ muh kɛmɛ ki wu nyâ ki wu chûnyɛ bamii le lɛ wu le wu tɛmɛ yi gon yinɛ le wu mo wu yuude.**”

¹⁵ No Jiso gè chiisɛ muh wɛɛ le noo, saaka wu kune Jiso ka wu jienyɛ wu fe lo, binchvu bĩ baan baan bi bamii bi baanyi bi too ki bi yû n'yeyɛ we, bɛ ki wu fêde binchɛn biboo.

¹⁶ Geenɛ, Jiso to wu chinɛ bo le wu gɛɛn wu buune nchvuun.

*Jiso fɛ muh wu kwe kimbe kimimia
(Macho 9:1-8; Maliku 2:1-12)*

¹⁷ Gè bee juu chimi Jiso yeyi bamii, bvunɗa bvu Tada nyu yi ye ye le lɛ wu fêde binchɛn yu.

Bafalashii be bamii ba gè duunyi banchi ba Nyo shii fo, ba gè bu bante bachii ba Galalee le, mo bimbe bi Judia be Yelusaleṃ le.

18 Fi kooshe le bamii bamu gè bee bo ja bo too bo shume muh yi bvuko le, wù nyu wu kwe kimbe kimimia. Bo gè mone ki bo to bo lee be wu yeh, bo giṇṣe a Jiso fwe.

19 Geene, bo gè baan keme gè je ki bo lee be wu ge, nje bamii gè fase baan. Bo mo bo beṇ nyu a yeh we, bo chieṇ kiyē, bo shiishe muh wuyu a bamii nteṇeṇe, a Jiso fwe, a fiṇ fi wu gè gime yo le.

20 No Jiso gè yeṇ le bamii baa le bo geṇ muntele muboo ye ye le, wu mo wu jeme muh wuyu le le, “Nsaa yaṇ, nle nleeshe wa bimbefe biuṇ.”

21 Bamii ba gè duunyi banchi ba Nyo be kinchvu ki Bafalashii baa, mo bo ke bo fiṇge bo duu le, “Wune le yeṇ wù jode kijuse ki Nyo? Le yeṇ wù tanlo wu leeshe bimbefe, fuge Nyo seṇ?”

22 Jiso keṇ fiṇ fi bo shuṇshi, wu biṇ bo le le, “Beṇ keme kfuu chi banṇ banṇwaje a muntele mwena le ne nje la?”

23 Fi chige le fi la, ki njeme le nle nleeshe wa bimbefe bi muh wune noo, le wu ja we wu jienyi le?

24 Geene, nlé ngê beṇ kêṇ le muh wù jee che le Mwamuh keme bvunga fekuu fene ki wu leeshe bimbefe.” Wu mo wu jeme muh wu gè kwe wa kimbe kimimia wuyu le le, “Jeme me wo le, já we, wo jô bvuko bwuṇ wo gêene a wo yeh.”

25 Kimimia, wu mo wu ja we wu leṇ a bamii jii, wu mo wu jo fiṇ fi wu gè gime yu wege wu mo wu ja wu geene fe wu kfuuṇ, wu tume maṇkuṇ ma Nyo.

²⁶ Bamii yeŋ noo, jwe yuŋ bo bo ke me kingha, bo tume mankuŋ ma Nyo bo duu le, “Bee le be yeŋ biŋgha bi mwee le abeŋ.”

Jiso teeŋ Lewe

(Macho 9:9-13; Maliku 2:13-17)

²⁷ Jiso ge ja wu bu fo wu jienyi. Wu doo wu geene, wu yeŋ muh mu wu ge kooode ŋwale ba teŋe le Lewe, wu ge shii kijuse ke ki leme le. Jiso je me wu le le, **“Wo bii mene!”**

²⁸ Lewe chine mwee munchii le, wu ja we wu mo wu bii Jiso le.

²⁹ Noo, Lewe mo wu ge ŋka wu baan a wu yeh ki wu ŋgvuŋ Jiso. Bamii ba ge kooode ŋwa ŋeene lo fo, mo bamii bamu ba be bo ge jii mwee.

³⁰ Bafalashii be bamii baboo ba kinchvu ba ge duunyi banchi ba Nyo bo ke bo shunshi, bo biide boon ba ŋgoo ba Jiso le le, “Le nje la fi beŋ jii beŋ muu mwee be bamii ba kooode ŋwa mo bamii bamu ba befe?”

³¹ Jiso chvuu bo le le, **“Ge bamii ba teeme to bo goone muh wu nche ge. To goone nyu bamii ba chene.”**

³² **Ge nto ki nteeŋ bamii ba chaan ge. Nto ki nteeŋ nyume bamii ba befe le bo kuse muntele muboo.”**

Bo biih Jiso kune mban mwee munjile

(Macho 9:14-17; Maliku 2:18-22)

³³ Bo ge ja bo ghaayi Jiso le, “Boon ba ŋgoo ba Jon ja bo ban mwee munjile bo buune lefolefo, nyu geh no ba Bafalashii gee, geene bun boon jii lo fiboo bo ka muu mwee.”

³⁴ Jiso ma je bo le le, **“Tanlo muh teeŋ bamii fe bvuguu le bo to bo ban mwee munjile chiji bvuguu nyu be bo?”**

35 Geene, kife lé ki tô ki kôje ki ba lé ba fi chiji bvuguu wuyu, a bo le, le a bvu wu bo lé bo kê bo bâne mwεε munjile kife kεε le.”

36 Wu ka wu ma ngan wumu bo le le, “Ge muh tanlo wu saaye nju yifien wu chvuushe yi kege yu ge. Wu ge lo noo, tu wu le wu chenge be nju yifien yeε. Ge tanlo fichta fi fen fieε geen yeenyeen be nju yi kege yeε ge.

37 Ge tanlo muh te jo mbvuun ma manfen, wu gee a kolo wu mbvuun wu jun wa le ge. Wu ge lo noo, mbvuun ma manfen maa ge mo koo, mo saaye lo kolo wu kege weε, mbvuun be kolo mu mo mu lese achiji.

38 Fi kooji le le, ba keme ki ba gee mbvuun ma manfen nyu a kolo wu fwen le.

39 Ben kee te le ge muh nyu yu wu muu mbvuun ma koo wa wu ka wu konge ma manfen ge. Wu to wu duu geh le ma koo wa maa le ma jone.”

6

Jiso naje kune juu chi yuun
(Macho 12:1-8; Maliku 2:23-28)

1 Gè bee juu chi yuun chimi, Jiso be boon be ba ngoo bo jienyi bo fede mwε wu agin wumu le. Boon be ba ngoo ja bo ke bo suume bichieε bo fise abo bo jii.

2 Bafalashii bamu yen noo, bo biih le, “Le nje la fi ben gee fieε fi nchi baan been ge le muh gee juu chi yuun ge?”

3 Jiso biih te bo le le, “Fi le le ben baan a teen ge a Nja wu Nyo le no jen gè yu Nfon Dabi be ngoo ye, wu ge ge?”

⁴ Wu gè lee yeh yi Nyo le, wu jo bléd wù ba le ba cha ba gée le le wu Nyo, wu ji wu nya te ngoo ye yu, gè bee nchi fe muh ji bléd weε fede bachiji kintanyε.”

⁵ Jiso mo wu mεε wu jemε bo le le, “Muh wù jee che le Mwamuh le Chiji Kikwεε ki yuun.”

Jiso fe muh juu chi yuun

⁶ Gè bee juu chi yuun chimi, Jiso gεεn wu lee yeh yi buunε yimi le wu yeyi bamii. Muh mu nyume yu be kibo ke kinchiεεn ki kwe ka.

⁷ Bamii ba gè duunyi banchi ba Nyo mo Bafalashii bo tu bo goone fiεε fi bo kooyi yi Jiso le. Bo mo bo boon ajii ye ye le bo jiine laa wu le wu fe muh juu chi yuun la.

⁸ Jiso kεε fiεε fi bo fiine be fi, wu jemε muh wù kibo ke gè kwe weε le le, “**Já we, wo tó wo lêen fεnε.**” Wu mo wu ja we wu lêen fo.

⁹ Jiso biih bo le le, “**Mbiide nyu ben le le, fiεε fi nchi bemε le muh ge juu chi yuun le fi la? Ki muh ge fiεε fi jonε, noo fi befe le? Ki muh fi muh, noo ki muh yuuyε lo muh le?**”

¹⁰ Wu bijε bo ajii ajii wu kεnε bo bachii, wu mo wu jemε muh weε le le, “**Nêε kibo kun.**” Wu neje ki, ki mo ki tême.

¹¹ Geenε, fi toonyε lo bamii baa baan, bo mo bo kε bo chude bantan no tanlo bo ge be Jiso.

*Jiso cha boon be ba ntun ba yuufe ncho bafεε
(Macho 10:1-4; Maliku 3:13-19)*

¹² Gεhaju ayu le, Jiso ja wu bεεn yi mbegε le wu gεεn wu buune, wu gè che wu buune Nyo kintan kichii.

¹³ Akfuunᵈ bu ayuu, wu tɛɛŋ bamii ba gɛ̃ bii wu le, bo to. Wu cha bamu yuufe ncho bafɛɛ wu tɛɛŋ bo lɛ boonᵈ ba ntunᵈ.

¹⁴ Ajee a bamii bayu gɛ̃ bee: Samonᵈ, wu wu gɛ̃ nya jee che chimi lɛ Bitɛ, bɛ Andulu wu mwa bwee Samonᵈ wɛɛ. Bamu nyu Jɛm, Jonᵈ, Filib, Batolomiu,

¹⁵ Macho, Toma mo Jɛm wu mwa Alfayu, Samonᵈ wu gɛ̃ bee muh wu ka yi Bajalot le,*

¹⁶ Juda wu mwa Jɛm mo Juda Ekaliot wu gɛ̃ kɛnɛ wu to wu gesɛ Jiso.

Jiso ja wu yɛyi wu ka fɛde bamii

(Macho 4:23-25)

¹⁷ No wu gɛ̃ cha bo noo, bɛ bo bachii mo bo ja bo boge. Lɛ bo boh, wu lɛɛŋ yi bale le, bamii be ba ngoo gɛ̃ bee wa fo weseɛ mo binchvu bi bamii bi ta lo ye fo bɪ gɛ̃ ja Judia bɛ Yɛlusalem. Bamii bamu gɛ̃ ja manjuu ma mbebe joo yɪ baanᵈ le nje Taya bɛ Sidonᵈ.

¹⁸ Bo gɛ̃ to ki bo yu n'yɛyɛ wu Jiso, wu ka wu fɛ binchɛŋ biboo. Bamii ba biyo bɪ yiide gɛ̃ njinse bɛ bo too tɛ wu bvuse biyo biyu.

¹⁹ Bamii bachii mo bo goone ki bo kunᵈ wu le, nje bvunᵈga bvù gɛ̃ bude ye ye le gɛ̃ fɛde bamii bachii ba gɛ̃ kune wu le.

Bvujonᵈ bɛ nge

(Macho 5:1-12)

²⁰ Jiso gɛ̃ ja wu bijɛ bamii be ba ngoo, wu jɛmɛ le,
**“Kinlanje kɪ baanᵈ le kena, bɛŋ ba kɛmɛ gɛ̃,
 nje bvunfonᵈ bvu Nyo le nyu fɛ bɛŋ le.**

* **6:15** Selot gɛ̃ bee Bajuu ba gɛ̃ toone wonᵈ wuboo, bo juu ki bo bvuse wonᵈ wuyu yi nge le chiaaŋ yi bamii ba Lum le.

21 Kinlanɔye kɪ baan le kena, beɲ ba beede jeɲ mɛɛse,
nje Nyo lé wu gɛ le beɲ fuu.

Kinlanɔye kɪ baan le kena, beɲ ba beede mɛɛse,
nje beɲ lé beɲ gɛ beɲ kwáase chike.

22 Kinlanɔye kɪ baan le kena, sege beɲ bii muh wù
jee che le Mwamuh le, bamii bane beɲ, bo bvuuuse
beɲ a bo ntenɛɛ, bo naanyi beɲ, bo ka nyaa beɲ ajee
a befe.

23 Fi doo fi kooshi noo, beɲ mo beɲ lânɛye, beɲ
bɪnɛ, beɲ yúge njon, nje maaje wene wù kuge le
won wù fɛwe le. Beɲ kɛe le le gɛh noo no bachiji
chiji bamii baa gɛ nyiɛge be bamii ba ntun wu Nyo
ba fweele noo.

24 Geenɛ, nge wù baan le wene, beɲ bamii ba
bvukuge,
nje kinlanɔye kena ki kage nyu fɛnɛ.

25 Nge wù baan le wene, beɲ ba ate le a yiɛ mɛɛse,
nje beɲ lé beɲ gɛ beɲ béede jeɲ.

Nge wù baan le wene, beɲ ba keede mɛɛse,
nje beɲ lé beɲ gɛ beɲ béede beɲ sôge bikwɛɛ.

26 Nge wù baan le wene, sege bamii bachii beɛnse
beɲ. Beɲ kɛe le le gɛh noo no bachiji chiji bamii baa
gɛ beɛnse bamii ba chimbian ba gɛ mbiane le bo le
bamii ba ntun ba Nyo.

Muh kôɲe muh we wu kimbanɛ
(Macho 5:38-48)

27 Geenɛ, njɛme beɲ bane ba yuge fiɛ fi njɛme le,
le beɲ kôɲe bamii bena ba kimbanɛ, beɲ gɛe nyu
mwɛɛ mù njonɛ fɛ baa bô bane beɲ le.

28 Beɲ lêge le Nyo nôɲ nyu kimbonɛ yi bamii ba
buune le lon tô fɛ beɲ le, beɲ ka búune fɛ bamii ba
nyuse be beɲ le.

29 Muh sunj wo yi kilanje le, wo kaase kimu wu mese wu sunj. Muh baa kikun kunj ki akfuun, wo chine wu jo ki anten te.

30 Muh lege fise a wo le, wo nya wu yu. Muh ne jo lo mwee mwun, keefe wo she wo ka wo biide ge.

31 Ben gee bamii bamu le no ben kone le ba gee fe ben le.

32 Ben ne kone geh nyu bamii ba kone ben, maaje wuyu nyume la fe ben le? Ge bamii ba befe gee geh noo ge? Bo kone geh te nyu bamii ba kone bo.

33 Ben ne gee mwee mu njone nyu geh fe bamii ba gee te fe ben le, maaje wuyu nyume la fe ben le? Ge bamii ba befe gee geh yeenyeen no ben gee ge?

34 Ben ne foose bamii be mwee nyu geh baa ba ben jiine le tanlo bo kaase bo chvuu, fise fi bo nya kiyone yi fi le nyu la? Ge bamii ba befe foose ge mwee nsaa yiboo le nje bo kee le bo le bo ge bo kaase bo chvuu fise fichii ge?

35 Fi kooji le ben kone bamii bena ba kimbane, ben gee nyu mwee mu njone fe bo le, ben fose bamii be mwee ben jiine ge le bo le bo ge bo kaase bo chvuu ge. Noo, ben mo ben keme maaje wu kuge, ben ka ben nyu boon ba Nyo, wu le Kikwee ki Mwee Munchii, nje le geh te noo no wu gee mwee mu njone fe bamii bachii ba yede ajii le mo ba keme muntele mu yiide.

36 Ben kode yii fe bamii le geh yeenyeen no Chiji wene kode te fe ben le.

*Keefe muh sage muh mu ge
(Macho 7:1-5)*

37 Keefe ben sage bimbefe bi bamii bamu ge, noo Nyo ge sa te biena ge. Keefe ben bone bikaa a

bamii jin le bo lee nge le ge, noo Nyo ge ka wu boon te a ben jin ge. Ben foose bamii bamu, noo, Nyo to wu foose te ben.

³⁸ Ben nyaa nnyaa bamii le, Nyo le wu ge wu nyâ te ben le. Sege wu le wu nyâ, wu le wu fe chuule wu shiinshê, wu chiin fi yise fi fuushi kuu. Fiee fi muh fege fiee yo fe wu nya muh le, le geh fi fi Nyo le wu fe yo fe wu nya mwede le te.”

³⁹ Jiso ka wu ma ngan wumu bo le le, “Ge tanlo kinfeen dunye je kimi le ge. Wu mon lo, bo bachii gwe a kintuge le.

⁴⁰ Ben kee le ge mwa nwa to wu fede muh wu ye yi wu ge, le sege wu ye ye wa wu mese, wu kee nje muh wu ge ye ye wu.

⁴¹ Le nje la fi wo jiine nyu sese chi le a mwa bwoo jii, geenê wo yede ge kikesê ki le a chun jise le ge?

⁴² Tanlo wo ge nee fe wo du mwa bwoo le le, ‘Mwa bwêen, geh lêen mbvuse sese a wo jii’, geenê wo yede ge kikesê ki le a chun jise le ge? Wo le muh wu chiaase ye! Yanse wo bvuse kikesê ki le a chun jise le fe wo yen sese chi le a jise chi mwa bwoo le chuule wo mo wo bvuse.”

*Ba to ba kee kite yi muntan le
(Macho 7:16-20)*

⁴³ Jiso ka wu jemê le, “Ge tanlo kite ki jone yun muntan mu mbefe ge. Ge tanlo te kite ki befe yun muntan mu njone ge.

⁴⁴ Ba kee kite nyu yi muntan mu yune yi ki le. Ge tanlo muh ke fimbi yi kite ki mbian le ge, ge tanlo te muh ke binjele yi kite ki jiaan le ge.

⁴⁵ Muh ne keme nchvu yi mwêe mu njone a fitele fie le, tu wu le wu bvûuse nyu mwêe mu njone.

Muh wù nchvu ye le mwεε mù mbefe a fitele fie le, bvuuuse gēh nyu mwεε mù mbefe. Fi le noo nje fiεε fi le fi yiεε fε fitele fi muh le, le fi fi bude jwe we le.”

*Kinche ki jone bε kī befe
(Macho 7:24-27)*

⁴⁶ Jiso mo wu biih le, “Le nje la fi bεη tεηe mε le, ‘Tada, Tada’, bεη gee gε fiεε fi njeme bεη le gε?

⁴⁷ Muh wuchii wù too wu yuge n'yeyε wan wu mo wù gee gēh no wu duu, nlé ndũnye bεη le mεese no wuwεε muh le.

⁴⁸ Wu le gēh nje muh wu gè jone yeh, wu ya wu chin wu shii, wu gεεη wu kun kimbaan le fε wu gεε kichi, wu mo wu joon. Joo gè yiεε, yi bu yi to yi kfuun yeh yi yu, yi gè shiinshe yi gε, nje wu gè joon yi chuule.

⁴⁹ Geene, muh wù yuge n'yeyε wan wù gee gε no wu jeme gε, le nje muh wù gè jone yeh, wu taashe gēh lo nshen wu mo wu joon kichi sēη. Joo gè bu yi to yi kfuun yeh yiyu, kingane kimimia yi kesε nε wuuu, yi saanε lo.”

7

*Chiji kikwεε ki bamii ba nchi leesε fitele yi Jiso le
(Macho 8:5-13)*

¹ No Jiso gè mεse wa wu yeyε bamii bε mwεε munchii, wu mo wu ja wu gεεη a kinlaanten kī Kafanahum le.

² Kikwεε ki ηgoo yimi yi bamii ba nchi ba Lum gè bee yo, wù keme nfwa we wumu, wu koηe wù baan. Nfwa wεε chene, wù nyu wa jwe wu kwe le.

³ Kikwεε kiyu doo ki yu kune Jiso, wu mo wu tun bamii ba gè sage won wu Bajuu le bo gεεη bo lεgε Jiso le wu boh wu to wu fε nfwawe.

⁴ Bo mo bo gεεη bo yεη Jiso le bo ku chiaaη wu le, bo jεmε le, “Kee kee, to wo gεεη wo fi muh wese wunε, le muh wù tanlo wo fi wu.

⁵ Wu koηe won wese baan, le wu wù gè jone yeh yese yi buunε.”

⁶ Jiso mo wu ja bε bo gεεne. Bo doo bo fεεse fε yeh yi chiji kikwεε ki bamii ba nchi kεε le, wu tun nsáa ye yimi le yi gεεη yi chi Jiso. Yi gεεη, yi tase bε wu, yi jεmε wu le le, “Tada, kikwεε ki bamii ba nchi duu le keefe wo ka wo shé wo yêne ηge wo tóo gε. Le wu baan koje gε muh wù tanlo wo lee a wu yeh gε.

⁷ Le fíεε fi be ge tε le keefe wu to bε bikaa bie le wu yεη wo le gε. Geenε, le wo jême geh nyu je mwa ye wu lεme mo wu tεmε.

⁸ Lε wu tε le muh a bvun̄ga bv̄u muh mu kuu, bamii ba nchi tε nyume a wu kuu. Wu to wu du muh le le, ‘Gêne’, wu mo wu gêene lo, wu du muh le le, ‘Tô’, wu mo wu too lo. Wu du tε nfwawe le le, ‘Gêe nε’, wu mo wù gee lo.”

⁹ Lε Jiso yu ntun̄ wεε noo, jwe yun̄ lo wu, wu kaase ye wu jεmε kinchvu ki bamii kî gè bīh wu le le, “Nseηe bεη le le mbaan̄ n'yεη gε muh le Ishwala wu lese kfuu chi finε fitele yi ye yan̄ le nε gε.”

¹⁰ Bamii baa bachiji kikwεε ki bamii ba nchi gè tun̄ doo bo kaase bo tu yeh, bo yεη nfwawe n̄ȳu wu tεmε wa.

Jiso bvusε chumu yi kwe le

¹¹ Ajin a yu, Jiso be boon be ba ngoo ja bo gɛne nte wumu le ba teje le Nayin, kinchvu ki bamii kfuune ki bii a wu jin.

¹² No bo gɛ gɛne, bo doo bo bu jwe wu kitan wu gɛ lese nte wɛ le, bo bije bo yeŋ no bo tuu gvune chi muh bo bude be chi. Muh wuyu gɛ bee geŋ wu maa chiaaŋ yi bwee le. Bwee gɛ bee kwɛŋkfu. Ba gɛ bude yu noo, kinchvu ki bamii ba duude nte wɛ le bii bwe mwa wɛ le ne mamama.

¹³ Le Tada doo wu yeŋ kwese wɛ le, wu koo yii, wu jɛmɛ wu le le, **“Keefe wo bɛede ge.”**

¹⁴ No wu jɛmɛ noo, wu mo wu fe wu gɛɛ wu kun bvuko bvù ba gɛ tule gvune chie yu. Bamii ba gɛ tuude mo bo leɛŋ. Wu jɛmɛ le, **“Chumu, njeme wo le, ja we!”**

¹⁵ Wu mo wu ja we wu shii, wu ke wu jɛmɛ. Jiso jije wu le wu nya bwee le.

¹⁶ Bamii bachii yeŋ noo, jwe yun bo. Bo ke bo tume mankun ma Nyo bo duu le, “Muh wu ntun wu Nyo wù baan le wu bune a bee ntenɛɛ. Nyo le wu to wa ki wu fih bamii be.”

¹⁷ Saaka wu kune Jiso mo wu jienye wu gɛɛ won wu Judia le wuchii be bitun bi mbebe yo le.

*Jon Nlesajoo tun boon be ba ngoo fe Jiso le
(Macho 11:2-19)*

¹⁸ Boon ba ngoo ba Jon yu te mweɛ mune munchii, bo gɛɛ bo seɛ wu le. Wu teɛŋ bamu bafɛɛ,

¹⁹ wu tun bo fe Tada le le bo gɛɛ bo biih wu le laa lé wu wù gɛ bee ki wu gê wu to noo, bo chíɛne muh mu la.

²⁰ Bo gɛɛ bo yeŋ Jiso le, bo jɛmɛ wu le le, “Jon Nlesajoo le wu tun bee ki bee to be biih wo le laa

le wo wù gè bee ki wo tô noo, bo chíεene muh mu la?”

²¹ Bo gè biide noo, Jiso le kife kiyu wu fεde binchεη bĩ duude bε gon yi baan baan, wu ka bvuuε biyo bĩ befe ye yi bamii le, wu gwenyi ajii a binfeen bĩ duude.

²² Jiso chvuu bo le ε, “Bεη káase bεη gêεη bεη sêεη Jon mwεε mù bεη yεη mo mù bεη yu. Binfeen yεde wa mwεε le, batεηlaase jienyi chaan, bamii ba chεne bε gon yĩ baan bo tεmε wa bo yuude. Binchife yuge wa mwεε, bamii kaase bo bude yi kwe le, bo ka feeji tε saaka wù jonε wu Nyo bamii ba kifufe le.

²³ Kinlanye kĩ baan le kĩ muh wù baan mε manε gε.”

²⁴ Bamii ba Jon gè tun baa ja, Jiso mo wu kε wu jεme kinchvu ki bamii le kune Jon, wu biide ε, “Bεη chi bude bεη gεεne nchvuun ki bεη gêεη bεη yεη nyu la le? Gane chí fii fede chi shinshi le?

²⁵ No gε nyu noo gε, bεη chi bude bεη gεεne bεη yεde nyu la le? Muh wù suse ye bε njú yĩ bonε ye le? Bεη yêgε bεη yû, bamii ba suse ye bε njú yĩ tεeme kwa bo jii bikwεε biboo bo to bo nyu gεh nyu anto.

²⁶ Bεη chi gεεne noo ki bεη yêη nyu la le? Muh wu ntun wu Nyo le noo? Eεη, tu bεη chi bεη yεη. Nsεη bεη le ε, wu fede muh wu ntun wu Nyo.

²⁷ Le wu wù ba gè san kune wù Nyo duu ε, ‘Yêgε yû, nlé ngê nchiinε muh wan wu ntun wu sa wo fwe,

wu lé wu gêεη wu sêese je yo fε wo too.’

²⁸ Nsεη bεη le ε antεnεε a bamii ba le wa yi kikwεε ki nshεη le too bude mεese, gε muh nyu yu wù kuge wu fede Jon gε. Geenε, muh wu le muh wù shige

antenne a bvunfon bv Nyo, le wu wù kuge wu fede wu.”

²⁹ Bamii bachii mo bamii ba gè koode ñwa yu no Jiso jeme le Jon gè bee muh wu ntun wu Nyo bo beñse le bvunfon bv Nyo le bvù chaan, nje bo te gè beñ Jon lees bo a joo

³⁰ Geenε, Bafalashii mo bamii ba gè kee banchi ba Nyo chuule gè fan fiboo ntañ wù Nyo gè too be wu nje bo gè fan le keefe Jon lees bo a joo te ge.

³¹ Jiso ja wu gha le, “**Fieε fi tanlo mbege kinogε ki mεese kinε yu le la? Bo le nje la?**

³² **Nlé nsêñ beñ fieε fi bo le nje fi. Bo le geh nje boon ba shige shige bo le bo shiiyε manjuu ma waan le, bamu tεñe bamu bo biide le, ‘Bee tone ndon fε beñ bine sεñ? Bee nyaa ñkee wu kwe beñ mbeme ge?’**

³³ **Le geh no Jon Nlesεajoo ge to, wu shee jεñ wu muu ge mbvuun ge, beñ le wu keme nyu nchendaa wu debele ye ye le.**

³⁴ **Muh wù jee che le Mwamuh doo wu to, wu jii wu muu, beñ le ba bijε ba yeñ, wu jienyi wu wuude mwεε munjile wu yaane mbvuun, wu ka nyu nsan yi bamii ba koode ñwa mo bamii ba befe bamu.**

³⁵ **Geenε, bamii bachii ba toone bvufee bv Nyo duunyi le le bvù kooji.”**

Jiso leeshe bimbeε bi kinjikuu

³⁶ Muh wu Bafalashii wumu tεñ Jiso le wu to wu ji mwεε a wu yeh. Jiso beñ wu geñ bo shii bo mo bo jii mwεε.*

* **7:36** Bo to bo shii bo yeñ lo kimbe kimimia fε bo jii.

³⁷ Fi kooshe le kinjikuu kimu gè bee te nte wëe le. Wu yu le Jiso jii mwëe a muh Bafalashii wëe yeh, wu mo wu jo finkaan † fi mëe ma yefe ma gwee wun wu gëen be mo fo.

³⁸ Wu gëen wu lee wu læn mbebe yi Jiso le, wu ke wu beede, ajoo chiënyi yi bikaa bi Jiso le. Wu mo wu ngvuume, wu ngvuuse kikwëe ke wu shode bikaa bi Jiso be yvu ye yi kikwëe, wu shine wu, wu mo wu yefe be mëe maa.

³⁹ Muh Bafalashii wëe wù gè tənɛ Jiso le wu to wu ji mwëe, le wu yən noo, wu kwaje a fitele fie le “Be bee le muh wunə nyume muh wu ntun wu Nyo tu wu bee wu këe fië fi le kwëse wunə wù kune wu le, le le kinjikuu.”

⁴⁰ Jiso ja wu jëmɛ muh Bafalashii wëe le le, “Samon, nkeme fië fi njëmɛ wo le.”

Wu chvuu le, “Muh wu N'yeyɛ, jëmɛ.”

⁴¹ Jiso mo wu ke le, “Muh mu gè be wu foosɛ bamii bafɛɛ bige, wu foosɛ muh mu be badanale gii yitɛn, wu foosɛ muh mu badanale Mbaanshen.

⁴² Bi gè ya bo bachii ki bo kaasɛ bo lanɛ, wu mo wu chinɛ bige biyu bo le. Mëesɛ wo yɛnɛ le antənɛ a bamii ba bafɛɛ banɛ muh wù tanlo wu konɛ wu wesee le wù la?”

⁴³ Samon chvuu le, “Le muh wù ba gè chinɛ ye fioo yi duude le.” Jiso bɛɛn le, “Wo le wo chvuu chuule.”

⁴⁴ No wu mbëmɛ noo, wu kaasɛ ye wu bijɛ kwesɛ wëe, wu mo wu jëmɛ Samon le le, “Wo le wo yən kwesɛ wunɛ le? No mbe nto a wo yeh, wo be baan nya gɛ mɛ mo be joo ki nchugɛ bikaa yu gɛ. Geenɛ,

† 7:37 Finkaan fië le fi bo gè kenye be tede chimi chi ba tənɛ a jɛ yi bala le le, “alabasta”.

kwese wunε le wu chugε wa bikaa bian nyu be ajoo, wu sho be yvu ye yi kikwεε.

⁴⁵ Wo be baan yεε ge mεne wo shiηe mε ge. Geenε kεge no mbe to fεnε, le no kwese wunε shiηe bikaa bian.

⁴⁶ Wo be baan yefe ge kikwεε kan ge mo nyu be mεε ge mbeη. Geenε, kwese wunε le wu yefe wa bikaa bian nyu be mεε ma gwee wuη.

⁴⁷ Noo, nseηe wo le le, kwese wunε le wu dunye kiηkoηe ki baan nje ba le ba leεshe wa bimbefe bie bi duude baan. Geenε, muh wu ba leεshe bimbefe bie bi le shige duunyi kiηkoηe ki shige.”

⁴⁸ Jiso mo wu jεmε kwese wεε le le, “Ba le ba leεshe wa bimbefe biuη.”

⁴⁹ Bamii ba be bo gε jii mwεε mo bo ke bo tu bo shuηshi lebolebo bo duu le, “Le yεeη wunε mbeη wu mo leεshi lo bimbefe bi bamii?”

⁵⁰ Jiso mo wu mεε wu jεmε kwese wεε le le, “Wo gεene fiuη chuule fitele fi wo lese ye yaη le le fi ge fia wo bone.”

8

*Bikese ba gε jiεnyi be Jiso bo fi wu
(Macho 13:1-9; Maliku 4:1-9)*

¹ Ajiη a yu, Jiso ja wu jiεnyi a bilaanteη be bante le wu feeji saaka wu joηe kune bvunfoη bvu Nyo. Boon be ba ηgoo le ba yuufe ncho bafεε gε bii wu le,

² noo bikese bamu ba wu gε fe bincheη biboo be bamu ba wu gε bvuse biyo bi befe ye yiboo le. Bikese banε gε bee Mεele wu bo gε teηe le Madalen, wu wu gε bvuse banchendaa ba debele yi ye ye le bvusooshwi.

³ Nyume Joana wù jwεεη gè bee Chusa wù gè lene Helod le, mo Susana bε bikεse bamu wesee. Bo gè jiεnyi noo, bo bvuse mwεε a bikεε biboo le, bo fii Jiso yu bε boonj be ba ηgoo le.

Ngaη kune muh wù gè noonj muntan

⁴ Bamii gè ja bantε le bantε le bo too fε Jiso le. Kinchvu ki bamii gè yise fo, wu ma ngaη bo le le.

⁵ “Muh gè la ki wu gεεη wu nonj muntan. Wu gè doo wu noonj, mumu gweeye a je, bamii fede bo jiεnyi bε bikaa, munyiη mù fuune we gè taje mu ji.

⁶ Mumu gwe fε kijuse ki ata le, le mu doo mu buuje mu mo mu yunε nje kijuse kεε gè bee ki yeηe.

⁷ Mumu muntan gwe yi mbianj le, le mu doo mu buuje mu kuu bε mbianj yiyu, yi mo yi banje muntan mwεε le fε mu kuu gε.

⁸ Mumu gwe nyu yi nshεη yī jone le, le mu buuje, mu kuu, ba gè gweje mu bu kingane gwii fede no ba gè nonj.” No Jiso ma noo, wu mo wu janj le, “Muh wù keme bintun, wu yu.”

Fieε fi Jiso jεme nyu a banjan le

(Macho 13:10-17; Maliku 4:10-12)

⁹ Boonj be ba ηgoo gè ja bo biih wu le laa ngaη wεε duunyi le la le?

¹⁰ Wu chvuu bo le le, “Le beη ba Nyo le wu ge le tanlo beη kee mwεε mu bvunfonj bwe mù le nyile le. Geene, bamii bamu yuge fiboo nyume a banjan le. Fi le noo no fi gè bee wa le, ‘Bo lé bo gè bo jīne gεh lo mwεε bo yede gε, Bo yege gεh lo bo yuge gε fieε gε.’

Fieε fi ngaη kune muh wù gè noonj muntan duunyi

(Macho 13:18-23; Maliku 4:13-20)

11 Bɛŋ yu la fiɛ fi ŋgaŋ wɛɛ duunyi. Muntan mwɛɛ le jɛ yi Nyo.

12 Muntan mù gè gwe a je, le bamii ba yuge jɛ yi Nyo debele mo wu to wu bvuse saaka wɛɛ a muntele muboo le, le keefe bo bɛɛŋ bo tô bo lûŋ gɛ.

13 Muntan mù gè gwe fɛ kijuse ki ata le, le bamii ba yuge jɛ yi Nyo bo mo bo fi lo bɛ njoŋ, geenɛ yi baan a chime gɛ gɛŋ fɛ muntele muboo le gɛ, bo bɛmɛ gɛh nyu fɛmu fɛmu. Moŋ nɛ le wu to, wu mo wu chii bikaa.

14 Muntan mù gè gwe yi mbian le, le bamii ba yuge jɛ yi Nyo, bo doo bo gɛɛne, nfuunɛ bɛ bvukugɛ mo njoŋ wu mwɛɛ mu yi kikfuun le mo mu to mu yigɛ jɛ yiyu yi laayɛ lo yi ka kuu gɛ.

15 Muntan mù gè gwe yi nshɛŋ yɪ joŋe le, mu le bamii ba kɛme muntele mù njɔŋe, ba yuge jɛ yi Nyo, bo mo bo lee lo muntele muboo yi le, bo mo bo kaane shɛŋ, bo gee no yi goone bo gɛɛne lo fwe fwe.

*Kin'yesɛ kɪ ba kfuusɛ bɛ ŋkaa
(Maliku 4:21-25)*

16 Gɛ muh to wu chu kin'yesɛ wu ka wu jo ŋkaa wu kfuusɛ yu gɛ. Gɛ tanlo wu ka wu leesɛ tɛ agaguu gɛ. Wu to wu chu, kin'yesɛ wu tome nyu yi fiɛ fi ba to ba toome kin'yesɛ fo, le bamii doo bo lese yeh bo yɛde n'yuule.

17 Fiɛɛ fichii fi le nyile le, le fi nyu fi yɛne, mwɛɛ mù ajin ajin le mu bu n'yuule.

18 Noo, bɛŋ doo bɛŋ yege jɛ yi Nyo bɛŋ mo bɛŋ yege yi chuule bɛŋ kɛɛ le muh wù kɛme fiɛɛ lé ba nyù ba bíɛ lo. Muh wù kɛme gɛ fiɛɛ gɛ mo nyu fi

shige fi wu kwaji le wù keme lo ba lé ba fi lo a wu le.”

Bamii ba le kfuu chi Jiso

(Macho 12:46-50; Maliku 3:31-35)

¹⁹ No Jiso gè yeyi bamii noo, bwe Jiso bε boon ja ba bwe Jiso ja bo to le bo yεn wu le. Fi ya bo no bo lee nje kinchvu ki bamii gè duude baan.

²⁰ Muh mu jemε Jiso le le, “Bwoo bε boon ba bwoo leme akfuun bo goone ki bo yεn wo le.”

²¹ Wu chvuu fie le, “**Bwεεn bε boon ba bwεεn le bamii ba yuge jε yi Nyo bo gee no yi goone.**”

Jiso keme bvunga a we a nfun bε joo

(Macho 8:23-27; Maliku 4:35-41)

²² Le ka nyu juu chimi, Jiso jemε boon be ba ngoo le le, “**Bee dan mamasi bee gεεn wun kwege.**” Bo mo bo lee a nguh le bo dane.

²³ No bo gè dane, Jiso kε wu lefe. Nfun ja wu kε wu shii, wu fuge joo bε bvunga joo lese a nguh le yi goone ki yi yise yo, bo nyu wa lo jwe wu kwe le.

²⁴ Bo gεεn bo kanse Jiso bo du le, “Chiji Kikwεε, Chiji Kikwεε, bee le be kweeye.” Jiso kanse wu wan nfun bε joo yi gè fuge yiyu, nfun wuyu lu, joo mo yi chii nε shiinj.

²⁵ Wu bih bo le laa, “**Bεn leese fitele nyu yi yεn le mbεn?**” Ye kuufe bo, bo keme nfaan bo ghaade le, “Wunε le muh wù nεε wù wane nfun bε joo mu yuge wu le?”

Jiso keme bvunga a we a banchendaa ba debele

(Macho 8:28-34; Maliku 5:1-20)

26 Bo dan mamasi wεε bo bu wuŋ kwege kimbe ki Gεlasεŋ le, * bo chine wa kimbe ki wonŋ kɪ Galalee le.

27 Jiso doo wu bude a ŋguh le, ε wu fεεε kwa, bε muh mu wu a kinlaantεŋ ki yu le tase bε banchεndaa ba debele bo fuuŋse wu. Bo che wa ye ye le baan wu jienyi kichine kiyεse, wu chee nyu afuuŋ yɪ ba gε jiiyi bamii yo le. Wu ka chee gε fε yeh le gε.

28 No wu yeŋ Jiso le, wu mo wu saa wu chine kitada, wu gεεŋ wu gwe a wu jii, wu wan bε bvunga ε, “Jiso, Mwa Nyo, Nyo wu le Kikwεε ki Mwεε Munchii ε, wo goone la a mεne? Kii kii, keefe wo nyá mε ŋge le gε.”

29 Wu gε jεme noo nje Jiso gε bee wu wan wa kiyo ki debele kiyu ε ki bú yi muh wuyu le. Ki to ki tu ki chuufe wu kingane le kingane le ba koode lo wu, ki ba koo ba kaan chiaan mo bikaa bε ncha fε ba tu ba chieεne. Bo gε kaan noo, wu suume gεh lo, kiyo kiyu mo ki chuufe wu, wu mo wu tu wu lege wu gεεne nchvuunŋ.

30 Jiso mo wu biih muh wεε le ε, “**Jee chun le yeεŋ?**” Wu chvuu ε, “Jee chan le kinchvu.” Wu gε chvuse noo nje banchεndaa ba debele gε bee bo chiinŋ lo yi ye ye le.

31 Banchεndaa bayu lege Jiso ε keefe wu chiinŋse bo nyu a kintuge kɪ shiide nε ŋoonŋ le gε.

32 Gε bee ŋgoo yi munyuna yimi jii mwεε yi mbεεε le fo, banchεndaa ba debele bayu mo bo lege Jiso ε wu chiinŋse bo bo boh bo gεεŋ bo lee nyu yi munyuna muyu le. Wu bεεŋ.

* 8:26 Banwa ba kege bamu teŋe ε Gadaleŋ, bamu ε Gelegesεŋ.

33 Bo mo bo bu ye yi muh wuyu le, bo danɛ bo gɛɛɛ bo lee yi munyɔɔa muyu le. Mu sɛɛ mu boh a kinɔɔ le, mu shii a mamasi wɛɛ le, mu kweeye yo.

34 Bamii ba gɛ chieɛne munyɔɔa muyu yɛɛ fi gɛ kooshe le, bo ja fo, bo baa lo lege, bo gɛɛ bo sɛɛ saaka wuyu a kilaantɛɛ bɛ bantɛ ba yo le.

35 Bamii tu bo yuge, bo bude bo gɛɛne ki bo yɛɛ tɛ fiɛ fi kooshi le. Bo to fɛ Jiso be bee fo, bo yɛɛ muh wɛɛ le, banchɛndaa ba debele baa chine wa wu le, wu shii mbebe Jiso le, wu jii njú, bvufɛ bwe kaase wa bvɔ tu fo. Bo faɛ baɛ.

36 Bamii ba gɛ yɛɛ fiɛ gɛ kooshe le kɛ bo sɛɛ bo no fi gɛ jienye bɛ muh wɛɛ wu gɛ kɛme banchɛndaa ba debele fɛ wu tɛmɛ.

37 Bamii bachii ba bimbe bí Gelasɛ le kɛmɛ faɛ, bo mo bo choonɛ Jiso le wu gɛɛne. Jiso mo wu ja fie, wu lee a nguh le le wu gɛɛne,

38 muh wɛɛ wu banchɛndaa ba debele gɛ bu yi ye ye le mo wu lege Jiso le bɛ wu gɛɛne. Jiso faɛ, wu chvuu wu jin wu jemɛ le,

39 “Wo gɛɛne nyu fɛ wo kfuun, wo gɛɛ wo sɛɛ bamii bun fiɛ fi Nyo ge fɛ wo le.” Noo, muh wɛɛ mo wu tu jin wu gɛɛ wu jienyi kinlaantɛɛ kɛ le kichii, wu sɛɛ kinɔɔa ki fiɛ fi Jiso ge fɛ wu le.

*Jiso kɛme bvunɔa awe a binɔɛɛ bɛ kwe
(Macho 9:18-26; Maliku 5:21-43)*

40 Jiso dan mamasi, wu kaase wu tu jin kimbe kege le. Kinɔɔ ki bamii kí be sheshe ki chieɛne wu fo fi wu.

41 Jwɛɛ wumu gɛ to fo ba tɛɛ le Jailu, nyu chiji kikwɛ ki yeh yi buune yi yo le. No wu to, wu fe

wu gɛɛŋ wu tun anyuu wu ŋgvuume a Jiso jii, wu ku chiaaŋ lɛ wu to gɛh a wu yeh,

⁴² lɛ mwa ye kwee lo. Wu gɛ kɛme mwa, ka gɛh wu maa, nyu mwa wu kwese wu nyu biluŋ yuufe ncho bifɛɛ. Bɛ Jiso ja bo gɛene kinchvu ki bamii faase Jiso.

⁴³ Kwese wumu nyu a bo ntɛnɛ wu nyu wu chɛŋ wa bɛ kinchɛŋ ki bikese yi biluŋ le yuufe ncho bifɛɛ. Wu lɛɛ wa fiɛɛ fichii fi wu gɛ kɛme chiaaŋ yi bamii ba bifude le, ki gɛ ya bo ki bo fɛ.

⁴⁴ Wu kɛŋsɛ wu to a Jiso jin, wu kuŋ jwe wu nju yi Jiso le. Kimimia kinchɛŋ ke mo ki suunɛ.

⁴⁵ Jiso biih lɛ, “**Kuŋ yɛɛŋ mɛne?**” Bamii bachii maŋe lo. Bitɛ ja wu biih lɛ, “Chiji Kikwɛɛ, gɛ wo yɛde lɛ kinchvu ki bamii faase wo gɛ?”

⁴⁶ Jiso duu gɛh lɛ, “**Muh le wu kuŋ mɛne. Nle yu no bvunga le bvu bu ye yaŋ le.**”

⁴⁷ Kwese wɛɛ yɛŋ lɛ gɛ je nyu yu yi taŋlo wu nyile gɛ, njaŋ mo yi koo wu wu gɛɛŋ wu tun anyuu a Jiso jii wu mo wu sɛɛŋ bamii bachii yu fiɛɛ fi be ge wu fɛ wu kuŋ Jiso le, wu ka wu sɛɛŋ no wu be kuŋ noo kinchɛŋ ke suunɛ lo kimimia.

⁴⁸ Jiso jɛmɛ wu le lɛ, “**Mwa yaŋ, fitele fiuŋ fi wo lese yi ye yaŋ le, le fi ge wa wo tɛmɛ. Wo gɛene la chuule.**”

⁴⁹ Gɛh no Jiso gɛ baan wu jɛmɛ kwese wɛɛ le noo, muh mu fɛsɛ fo wu ja fɛ la chi Jailu wu chiji kikwɛɛ ki yeh yi buunɛ yɛɛ le, wu jɛmɛ wu le lɛ, “Mwa yo le wu mɛsɛ wa. Keefɛ wo ka wo shɛ wo nyâa ŋgɛ Muh wu N'yeyɛ le gɛ.”

⁵⁰ Wu doo wu jɛmɛ noo, Jiso yu, wu jɛmɛ Jailu le lɛ, “**Keefɛ wo fâane gɛ, lêese gɛh nyu fitele fiuŋ yi ye yaŋ le maa, mwa yo lé wu tɛmɛ.**”

⁵¹ Bo mo bo ja bo gɛɛne fɛ Jailu kfuun, lɛ wu doo wu gɛɛn wu fɛsɛ fo, Jiso fan lɛ muh yeh lee gɛ. Wu jo gɛh nyu Bita bɛ Jɛm mo Jon mo chiji mwa bɛ bwe mwa bɛ bo lee.

⁵² Gɛ bee bamii yode lo fo, kwe fiee lo fo. Jiso jɛmɛ lɛ, “**Bɛn lû bɛ kwe, mwa wunɛ baan kwe gɛ, wu lefe lo.**”

⁵³ Bamii ja bo tu bo keede lo wu fo, nje bo gɛ kee chuule lɛ mwa wuyu le wu kwe wa.

⁵⁴ Wu gɛɛn fɛ mwa wuyu gɛ gime fo, wu jije wu yi kibo le wu tɛɛn lɛ, “Mwa wù kwɛsɛ, ja wɛ!”

⁵⁵ Wu mo wu kaasɛ wu tu yu, wu mo wu ja we kimimia. Jiso jɛmɛ lɛ ba jinə fieɛ ba nya wu wu ji.

⁵⁶ Bwee bɛ chiji yɛn fieɛ fi kooshi le, jwe yun bo. Jiso leh lo lɛ keefɛ bo sɛɛn muh fieɛ fi kooshi gɛ.

9

*Jiso tun boon be ba ngoo ba yuufe ncho bafɛɛ
(Macho 10:1-15; Maliku 6:7-13)*

¹ Jiso gɛ ja wu tɛɛn boon be ba ngoo ba yuufe ncho bafɛɛ, bo taasɛ bo to. Wu nya bo bvunga bɛ je yi bo bvuuɛ banchɛndaa ba debele ye yi bamii le bo ka fɛde binchɛn,

² wu mo wu tun bo lɛ bo gɛɛn bo fɛɛji bamii kune bvunfon bvɛ Nyo bo ka fɛde bamii ba binchɛn.

³ Wu ka wu jɛmɛ bo le lɛ, “**Bɛn doo bɛn gɛɛne, keefɛ muh jô fieɛ gɛ. Keefɛ muh jô kimban gɛ, mo nyume kikɛɛ gɛ, mo nyume fieɛ fijile gɛ, mo nyu bigɛ gɛ. Keefɛ muh jô bikun bifɛɛ gɛ.**

⁴ **Bɛn doo bɛn gɛɛne bɛn lee ntɛ le, yeh yi ba gɛɛ bɛn yu, bɛn mo bɛn chɛe gɛh nyu yu gɛɛn bu sege bɛn lé bɛn já ntɛ wɛɛ le.**

⁵ Nε nte wumu le wu fan ki wu fi beη, beη ja yo, sege beη bude beη kaaje bibvune bi yi bikaa biεna le, fi ge fi nyume njine yi fiεε fi bo mon le.”

⁶ Bo mo bo ja bo γεene, bo γεεη bo tu bo jienyi bante le bante le, bo feeji saaka wu jone wu kune bvunfon bvυ Nyo, bo mo bo fede bamii ba bincheη bachii.

*Saaka kune Jiso fuuηε Helod
(Macho 14:1-12; Maliku 6:14-29)*

⁷ Helod wu γε sage kimbe ki won ki Galalee yu mwεε munchii mu γε kooshi, mu fuuηε wu nje bamii bamu γε jade bo duu ε Jiso wune le Jon Nlesajoo wu kaase wu bu.

⁸ Bamu duu ε le Alaja wu kaase wu to. Bamu duu fiboo ε le muh wu ntun wu Nyo wu fweele wumu wu kaase wu bu yi kwe le.

⁹ Helod mo wu ghaa ε, “Jon le nche mbvuse wa kikwεε ke. Wune muh ka nyume yeη mεese wu mε n'yuge kfuu chi mune mwεε kune wu?” Wu mo wu goone ε wu bee wu yeη Jiso wεε le.

*Jiso nyanε bamii banchvuge batεη
(Macho 14:13-21; Maliku 6:30-44; Jon 6:1-14)*

¹⁰ Boon ba ntun ba Jiso γε jienye bo kaase bo tu jin, bo seη mwεε munchii mu bo ge fe wu le. Wu mo wu ja wu jo bo be bo keηse yo, bo bu bo γεene je yi a kinlaanteη ki Besada le.

¹¹ Geene, kinchvu ki bamii keε ki kuηe ki bii wu le, wu fi bo wu mo wu ke wu feeji kune bvunfon bvυ Nyo wu ka fede bamii ba chene.

¹² Le juu doo chi γεene ki chi sele, boon ba Jiso ba ηgoo ba yuufe ncho bafεε bo keηse bo to bo jemε wu le le, “Dú ε bamii banε le ε bo γεεη bante be ala a

mbebe le, bo gû mwεε muboo munjile be fe bo lé bo ché fo, nje fεnε le nchvuun̄.”

¹³ Jiso chvuu fie le, “**Le beη, beη lé beη nyâ bo fiεε fi bo lé bo ji.**” Bo jemε le, “Fiεε fi bee kεme le gεh chefe yi blεd yishεη be bíεη yifiεε. Fuge noo sεη tu wo goone le bee gεεη be gu lo mwεε munjile ηguu le fe bee to be nya bamii banε le bachii.”

¹⁴ Bo gè duu noo nje bamii gè bee fo wesee, bilεηsε maa gè bee nje banchvuge batεη. Jiso mo wu jemε boon̄ be ba ηgoo le le, “**Beη du bamii baa shiiyε fεkuu manjuu le manjuu le, nje mbaanshεη, mbaanshεη.**”

¹⁵ Bo jemε, bo mo bo shiiyε bo bachii.

¹⁶ Jiso jo chefe yi blεd yi yishεη chiεε be bíεη yi yifiεε chiεε, wu bijε we, wu nya kiyone Nyo le, wu mo wu bwεεyε wu nya boon̄ be ba ηgoo le le bo gâ binchvu bi bamii baa le.

¹⁷ Bo gaje, bamii bachii ji bo fuu, boon̄ ba Jiso ba ηgoo baanyε bimbεge bí gè gweeyε, bi yiε ηkaa yuufe ncho yifiεε.

*Bitá chiεε le Jiso le Mbvuse wù Nyo gè ka
(Macho 16:13-20; Maliku 8:27-30)*

¹⁸ Le nyu juu chimi, Jiso buune wu maa, boon̄ be ba ηgoo nyu mbebe ye le. Wu ja wu biih bo le le, “**Bamii duu le nle yεεη?**”

¹⁹ Bo chvuu le, “Bamii bamu duu le wo le Jon Nlesεajoo, bamu le Alaja, bamu duu le wo le muh wu ntun̄ wu Nyo wu fweele wumu wu kaase wu bu yi kwe le.”

²⁰ Wu mo wu biih bo le le, “**Beη duu finε le nle yεεη?**” Bitá chvuu le, “Wo le Mbvuse wù Nyo gè ka.”

²¹ Jiso mo wu chiise bo le le keefe bo ka bo môn lo bo sêeñ fine muh le ge.

Jiso jemε kune banḡe bε kwe ye
(Macho 16:21-23; Maliku 8:31-33)

²² Wu mo wu jemε bo le le, “Muh wù jee che le Mwamuh keme ki wu gē wu yēñ banḡe ba duude, bamii ba sage wonḡ bε bachiji kintanyε ba baan baan mo bamii ba duunyi banchi ba Nyo fanḡ wu. Bo mo bo yuuyε wu, aju fe atade, wu kaase wu bu yi kwe le.”

Kintaanḡ ki muh wù bii Jiso le
(Macho 16:24-28; Maliku 8:34-38)

²³ Jiso mo wu jemε bamii le bachii le, “Muh nε goone ki wù nyu muh wanḡ, tu wù keme ki wu fāñ kikwεε ke, wu tūde kintaanḡ ke aju achii wu bii mēne.

²⁴ Bēñ kēe le muh wù baji kinche ke, tu wu lé wu gē wu lεε geh lo ki. Geenε, muh wù lεε kinche ke nje mε, tu wu baji lo kinche ke.

²⁵ Ba banyi wonḡ kfunε wuchii ba nya muh le, wu ji, ki wu lēε kēε ki wu jīñ kinche ke, mbe we nyu la?

²⁶ Bēñ kēe le muh keme bvuya ki wu bíi mēne mo jε yanḡ le, wu mo wu kee le muh wù jee che le Mwamuh lé wu gē wu kēme tε bvuya fε mwεdε le sege wu kaase wu to antenεε a bvukugε bwe, bvù ka nyume tε bvù Nyo wù le chiji banchendaa be ba yuude.

²⁷ Nsēñe bēñ nchiēñ le, bamii bamu lεme fεnε bo nyu gε bo to bo yu wunḡ wu kwe gε fε bo yēñ mo fε Nyo sage bvunfonḡ bwe fo gε.”

*Nfiεενε yi Jiso kuse
(Macho 17:1-8; Maliku 9:2-8)*

²⁸ Gè bee gèh nje aju nyaan, no Jiso jeme mwεε mune, wu jo Bità be Jon mo Jem be bo beεη yi mbegε wumu le le wu gεεη wu buune.

²⁹ Wu gεεη wu doo wu buune, nfiεεne ye ja yi kuse, nju ye tε kuse yi tu yi baan yi lale ne mwawmwawmwaw.

³⁰ Fi kooshe le bamii bafεε, nyu Muse be Alaja gè bee bo ja bo bune bo tu bo jeme be Jiso.

³¹ N'yule wù Nyo baan yi bo le. Be bo jeme kune kwe yi Jiso gè keme ki wu gêεη wu kwe Yelusalem ki fi gè fi to fi koje no Nyo gè gεε.

³² Bo gè jeme noo, Bità be Jon mo Jem lefε goge lo bo. Bo doo bo kanse, bo yeη no n'yule wù Nyo baan ye yi Jiso le, bo ka bo yeη bamii bafεε baa le bo leme be wu.

³³ Bamii ba bafεε bayu doo bo baa bika, Bità ja wu bune wu jeme Jiso le le, “Chiji Kikwεε, fi jone no bee le fεne. Chine bee joon chún yishede, yimi nyu yo, yimi nyu yi Muse, yimi nyu yi Alaja.” Wu gè jeme noo, wu kee gε mo fεε fi wu jeme gε.

³⁴ Gèh no wu baan wu jeme noo, kimbe ja ki to a bo we ki banε bo. Bo tu bo keme nfaan no bo gè bee a kimbe nteεε.

³⁵ Jε bu a kimbe kiyu le yi jeme le, “Wune le Mwa yan wu nle ncha. Beη yûge wu le.”

³⁶ No jε yeε jeme noo yi mεε, bo ja bo yeη Jiso leme fo wumaa. Bo gε ka bo seεη muh fεε fi bo yeη yi mbegε wεε le kife kiyu le gε.

*Jiso bvuse nchendaadebele yi mwa wù jweηse le
(Macho 17:14-21; Maliku 9:14-29)*

³⁷ Akfuun gè bu a yuu, bε ba Jiso ja yi mbegε le bo tu bo bohge. Bo doo bo bohge, bo tase bε kinchvu ki bamii kɪ duude.

³⁸ Lε bo bijε bo yεη muh mu wu ja wu tu wu wanε a kinchvu kεε ntεnεε lε, “Muh wu N'yeyε, kii wo bijε geh fε mwa yaη le. Kage mwa yaη wunε nε.

³⁹ Kiyo kimi jade kichufe wu ki non, wu tage, wu funε, bifuu bude a wu mu. Ki gεene lo bε wu, gε ki bεme lε wu yεnε gε.

⁴⁰ Mbe nlegε wa boon bun ba ηgoo lε bo bvuse kiyo kiyu bo mon sεη.”

⁴¹ Jiso yu noo, wu jεmε lε, “O oo! Kingoge kɪ achiji kɪ baan lee gε fitele yi Nyo le gε. Nlé nyû bε bεη ηgêη mbû nεε, nlé nkâaη shén bε bεη ηgêη mbû nεε?” Wu mo wu jεmε chiji mwa wεε le lε, “Tô bε mwa yo fεnε!”

⁴² Wu jo wu doo wu too bε wu, nchendaa debele wεε ka wu chiaase mwa wεε wu non fεkuu, wu tage. Jiso wan kiyo kɪ yiide kiyu ki bu yi mwa wεε le, wu mo wu tεmε. Jiso mo wu nya wu chiji le.

⁴³ Bamii bachii yεη bvunğa bvù le bvù Nyo le, jwe yun bo.

*Jiso ka wu jεmε kune banğε be bε kwe ye
(Macho 17:22-23; Maliku 9:30-32)*

No bo gè baan bo keme kingha ki mwεε munchii mù Jiso gè gee le, wu ja wu jεmε boon bε ba ηgoo le lε,

⁴⁴ “Bεη yêgε chuule fεε fi nle njeme bεη le. Muh wù jee che le Mwamuh lé ba nyû ba gê ba nyâ wu chiaaη yi bamii le.”

⁴⁵ Le wu jemε noo, bo gε kεε fiεε fi wu jemε gε, nje fiεε fimi gè banje le keefε bo kêε gε, geenε bo gè fanj ki bo biih kune njεmε wuyu.

Le yεεη wu le muh wù baan?

(Macho 18:1-5; Maliku 9:33-37)

⁴⁶ Bo gè ja bo kε kintεenyε lebolebo laa bo le nε muh wù baan a bo ntεnεε le yεεη la.

⁴⁷ Jiso kεε fiεε fi bo gè kwaji fε muntele muboo le, wu mo wu jo mwa wù shige wu gεε mbebe ye le,

⁴⁸ wu jemε bo le le, “**Muh nε fii mwa nje wunε a jee chanj le, tu wu fii nyu mε. Muh fii mε, tu wu fii nyume muh wù tunj mε. Fi mo fi nyu le, muh wù jode kikwεε ke nje mwa wù shige a beη ntεnεε le wu, wu le muh wù baan.**”

Muh wù baan baa gε jinj wo le gε, tu wu toone wo
(Maliku 9:38-40)

⁴⁹ Jonj biih wu le le, “Chiji kikwεε, bee le be yεη muh mu le wu tεηe jee chunj fε wu bvuuuse banchendaa ba debele yi bamii le, be fanj, nje gε wu nyu muh ηgoo yese le gε.”

⁵⁰ Jiso chvuu fie le, “**Keefε beη chîde kfuu chi wεε muh gε, nje muh wù baan baa gε jinj beη le gε, tu wu toone lo beη.**”

Jiso soge gεh ki wu gêεη Yelusalem,
bamii ba Samaliya fanj ki bo fi wu

⁵¹ Kife kî Nyo gè bee ki wu jô Jiso wu bæεη bæ wu we le ki to ki kojε, Jiso soge gεh ki wu gêεη Yelusalem, wu mo wu ja wu gεene.

⁵² Wu doo wu ja, wu tunj bamii bamu fwe. Bo gεεη bo lee ntε wumu wu Samaliya le le bo seesε kijusε yo wu le.

53 Bamii ba yo kunj wu be kijuse bo fan ki bo fi wu, nje bo gè kee lo le wu fede wu gɛene nyu Yelusalem.

54 Jem be Jon ba le boon ba Jiso ba ngoo gè yu fɛɛ fiyu, bo bih le, “Tada, bee tɛɛn ngu we wu shii wu to wu lɛshɛ bamii bayu?”*

55 Jiso kaase ye wu wan bo, †

56 wu mo wu ja be boon be ba ngoo bo mo bo tu bo gɛene wa je yi nte wumu le yeye.

*Keefe muh wu ngoo wu Jiso jɛɛnɛ jɛn gɛ
(Macho 8:19-22)*

57 Be bo doo bo gɛene, muh mu jemɛ Jiso le le, “Nlé mbii wo le manjuu manchii ma wo gɛene fo.”

58 Jiso chvuu wu le le, “**Binchombian kɛme bintuge biboo, munyii mù fuune we kɛme yéh yiboo, geenɛ gè muh wù jee che le Mwamuh kɛme lo fɛ wu ginɛ kikwɛɛ ke fo gɛ.**”

59 Jiso ja wu jemɛ muh mu le le, “**Wo bíi mɛne!**” Muh wɛɛ chvuu le, “Tada, chinɛ mɛne n'ya ngeɛn jiiyɛ chijan fɛ mbii wo le.”

60 Geenɛ Jiso chvuu wu le le, “**Chínɛ bamii ba kweeyɛ wa jiiyi binɛwe biboo, wo gɛɛn fiun wo fɛɛji kune bvunfon bvɛ Nyo.**”

61 Muh mu ka wu jemɛ le, “Tada, nlé mbii wo le, geenɛ ya chinɛ ngeɛn n'yɛɛ kfuɛ chan le fɛ mbii wo le.”

62 Jiso chvuu muh wɛɛ le le, “**Muh ngvuume be ji ki wu lɛn lɛme, wu ka lɛne wu jiiɛnɛ jɛn, tu mwɛɛ**

* **9:54** Banɛa ba kege bamu le bo taa fo fɛnɛ le, “Le no Alaja gè tɛnɛ nɛɛ?” † **9:55** Banɛa ba kege bamu le bo taa fo fɛnɛ le, “Le gɛ bɛn kee kfuɛ chi muntele mù bɛn kɛme gɛ. Bɛn kɛɛ le gɛ muh wù jee che le Mwamuh gè to ki wu yúuyɛ lo bamii gɛ. Wu gè to ki wu fi lo bo.”

baan koje ge ki wu nyu antenne a bvunfon bvu Nyo le ge.”

10

Jiso tun bamii mbanbvusooshwi ncho bafee

¹ Ajin ayu, Tada baaye bamii bamu mbanbvusooshwi ncho bafee. * Wu tun fwe, bafee bafee le bo geeɲ bante le yeye yeye, bo geeɲ bo jienyi manjuu ma wu le ge wu fe mo le manchii.

² Wu doo wu tune bo wu jeme le, “Ngweje duude baan geene bamii ba gweje nyu shige. Noo, ben buune le Tada wu Chiji mwe, chinse bamii ba ngweje a wu mwene.

³ Ben geene le. Bi je yen ben doo ben geene ben kee le ntune ben le ben geeɲ ben nyu nje boon ba shon antenne a bangvufe.

⁴ Ben doo ben geene, keefe muh jo kikee kene bige mo je yimi ge. Ben doo ben bu a je, keefe ben leme ben yeese bamii le ge.

⁵ Ben doo ben geene ben lee yeh yi ben le ben lee yu, ben ya ben jeme yeh ye le le, ‘Kimbone nyume yeh kfun.’

⁶ Muh wu konge kimbone ne le yu, kimbone kena me yeh kwee. Muh ne yu ge, kimbone kee kaase ki tu jin a ben le.

⁷ Sege ben lee yeh, ben mo ben me geh ben chee geh nyu yu. Keefe ben kuse yeh ge. Fiee fijile fichii fi ba nya ben le, ben jii, kene nyu fimule, ben muu, nje muh wu lene leme, keme ki wu keme nlanje we.

⁸ Ben lee nte le, ba fi ben, ba nya mo la le ben ji, ben mo ben jii lo.

* **10:1** Banwa ba kege bamu tene le mbanbvusooshwi (70).

⁹ Bɛŋ doo bɛŋ nyume yo, bɛŋ mo bɛŋ fêde bamii ba chɛne, bɛŋ ka bɛŋ feeji bamii le bachii ɛ bvunfon bvɔ Nyo le wa mbebe yiboo le.

¹⁰ Geenɛ, bɛŋ lee ntɛ le, ba faŋ ki ba fi bɛŋ, bɛŋ bu bɛŋ gɛɛŋ bifiaŋ bi jé le bɛŋ jaŋ ɛ,

¹¹ ‘Mo kibvunɛ ki ntɛ wunɛ le ki bee jo yi bikaa biɛsa le nɛ ki kinɛ fɛnɛ no bee kaaji, fiɛɛ fichii kaasɛ fi tu yi bikwɛɛ biɛna le. Geenɛ, bɛŋ kɛɛ ɛ bvunfon bvɔ Nyo le wa mbebe le.’

¹² Nsɛŋe bɛŋ le ɛ, lé tô nyûme juu chi nsa wu fɛkimɛɛɛ, mwɛɛ bonɛ fɛ kilaantɛŋ ki Sodom le fede kilaantɛŋ kɛɛ le.”

Nge wu bantɛ ba faŋe ki bo kuse muntele muboo le

(Macho 11:20-24)

¹³ Jiso ja wu jɛmɛ ɛ, “Nge wù baan le wene bɛŋ bamii ba Kolasiŋ, nge wù baan le tɛ wene bɛŋ bamii ba Bɛsada. Bɛŋ kɛɛ ɛ, nɛ ngè nge biŋgha bi mwɛɛ bí ngè nge bɛŋ le nyume Taya bɛ Sidon, tu bo gè bee bo jii wa bimbanɲkwe, bo kfuun taan ye le nchensɛŋ ki bo dunyɛ ɛ bo le bo kuse wa muntele muboo.

¹⁴ Bɛŋ kɛɛ ɛ lé tô nyûme juu chi nsa wù fɛkimɛɛɛ, mwɛɛ bonɛ fɛ bamii ba Taya le mo ba Sidon le fede fɛ bɛŋ le.

¹⁵ Mo bɛŋ bamii ba Kafanahum, bɛŋ kwaji ɛ ba lé ba gɛ ba bɛɛŋsɛ bɛŋ, bɛŋ bɛɛŋ fɛwe? Aay! Ba lé ba shiishe lo bɛŋ bɛŋ shii bɛŋ gɛɛŋ won wu banɲku le.”

¹⁶ Jiso mo wu jɛmɛ bamii ba wu gè tun baa le ɛ, “Muh nɛ yûge bɛŋ le, tu mwɛɛde yuge nyume mɛne, muh faŋ bɛŋ, tu wu faŋ nyume mɛ. Muh faŋ mɛ, tu mwɛɛde faŋ nyu muh wu tun mɛ.”

Fiεε fi muh ηgoo wu Jiso yûge njon yi fi le

¹⁷ Bamii ba mbanbvusooshwi ncho bafεε baa jienye bo tu jin bo yuge njon, bo mo bo duu Jiso le le, “Tada, bee chi tεη jee chuη, mo banchendaa ba debele, bo yuge bee le.”

¹⁸ Jiso chvuu bo le le, “Nchi n'yεη debele gwe nje jan fε yi lalε we yi lee fεkuu

¹⁹ Nle nya wa bvunga βεη le bvù tanlo βεη jienyi yó βε banjan yu. Mo ηka nya βεη bvunga bvù βεη yage bvunga bvù debele wu muh wu kimbanε yu bvuchii. Gε tanlo fiεε shinshε βεη gε. ²⁰ Geenε, keefe βεη yûge njon le banchendaa ba debele yuge βεη le gε. βεη yûge njon nyu le ajeε a wene le ba san wa a Nwa wu Nyo le fεwe.”

Jiso yu njon

(Macho 11:25-27; 13:16-17)

²¹ Gεh kife kiyu le, Kiyo ki Yuude ge njon yuu lo Jiso. Wu mo wu jemε le, “Nnyaa kiyone wo le Chii Nfon kibvule βε nshεη no wo le wo nyile mwεε munε ba bvufee le mo bankeε fiεε le, wo dunye nyu mumwone mù bwele le. Le no fi le Chii, nje le no wo gè goone le fi nyume.”

²² Jiso ka wu jemε le, “Chii le wu nya wa mwεε munchii mεne. Gε muh nyu yu wu kee Mwa wu le mε gε, le gεh Chii maa wu kee. Gε muh nyu yu wu kee Chii gε, le gεh mε wù Mwa ye mo bamii ba Mwa le wu cha wa ki wu dûnye Chii bo le.”

²³ Wu ja wu kaase ye wu jemε boon be ba ηgoo le lebolebo le “Njon wù baan le wene le ajii a wene yεne mwεε munε le.

²⁴ βεη kêe le bamii ba ntun wu Nyo ba duude βε banfon gè shee bo beede ki bo yεη mwεε mù βεη

yene le, bo gɛ baan yɛn gɛ. Bo tu bo beede tɛ ki bo yu mwɛɛ mù bɛn yuge, bo gɛ baan yu gɛ.”

Ngan kune muh wù jonɛ wu Samaliya

²⁵ Fi ja fi kooshɛ lɛ, muh mu wù gɛ kee banchi ba Nyo chuule, gɛ ja wu to ki wu mɔn Jiso, wu mo wu biih wu le lɛ, “Muh wu N'yɛyɛ, fiɛɛ fi nɛkɛme ki nɛgɛ fɛ nɛkɛmɛ kinche kɪ kage gɛ le la?”

²⁶ Jiso biih wu le lɛ, “**Ba le ba san a Nwa wu banchi ba Nyo le lɛ muh gɛɛ nyu nɛɛ? Wo tɛnɛ wo yuge lɛ la?**”

²⁷ Wu chvuu lɛ, “Ba le ba san lɛ,
‘Wo kɔnɛ Tada Nyo wo bɛ fitele fiun fichii,
wo nyâ kikwɛɛ kun wu le kichii,
wo lɛne wu le bɛ bvunɔa bwun bvuchii,
wo gɛɛde bvufɛɛ bwun bvuchii ye ye le,
wo ka wo kɔnɛ muh wù le mbebe yo le gɛh no wo
konɛ kikwɛɛ kun.’ ”

²⁸ Jiso jɛmɛ lɛ, “**Wo le wo chvuu chuule. Wo gɛɛ noo wo mo wo kɛmɛ kinche kɪ kage gɛ.**”

²⁹ Muh wɛɛ mo wu ja wu lɛɛn wu goone ki wu chũnyɛ lɛ wu le muh, wu mo wu biih Jiso le lɛ, “Muh wù le mbebe yan le le yɛɛ?”

³⁰ Jiso tu wu chvuu nyu a nɔan le lɛ, “**Muh mu gɛ ja Yɛlusalɛm wu bohɛ Jeliku, wu doo wu gɛɛne wu gwe chiaan yi bachon le. Bo sun wu, wu chidɛ, bo baayɛ njú ye bo jo bɛ mwɛɛ mwe munchii, bo mo bo non wu fo bo legɛ bo gɛɛn.**

³¹ Fi gɛ ja fi kooshɛ lɛ muh mu gɛ boge je yiyu le, nyu chiji kintanyɛ, wu yɛn muh wuyu le, wu wɛɛn lo wu fɛ.

³² Muh mu te gè ja wu too, nyu muh wu kfuu chi Lewe le, le wu to wu bu fo, wu yeŋ wu le, wu weŋ lo te wu fe.

³³ Geene, muh mu gè ja wu jienyi te wu too, nyu muh wu Samaliya. Wu gè to wu bu fo, wu yeŋ wu le wu koo yii fe wu le.

³⁴ Wu geŋ mbebe ye le, wu fuushe mbvuun be me fe banfu be le, wu kaan be nju, wu mo wu tuu wu yi nyan ye yi wu gè jienyi yu wege le, wu geŋ be wu yeh yi bamii ba jienye gè too bo chee yu wu jiŋe fe wu le.

³⁵ Be wu che, bvu bu bvu yuu, wu bvuse badanale bafe wu nya muh yeh yiyu le, wu jeme wu le le, 'Shee wo jiŋe fe muh wune le. Wo ne le wo shee wo lese bige bi fese, ndoo nkaase nchvuu wo le.' "

³⁶ No Jiso ma noo, wu mo wu bihi muh we wu gè kee nchi le le, "Antene a bamii ba batade ban, wo yene le le muh wu la wu gè dunye le wu le muh wu mbebe muh we wu bachon gè sun le?"

³⁷ Wu chvuu le, "Le muh wu gè kole yii fe muh wuyu le." Jiso mo wu jeme wu le le, "Wo gēne, wo geŋ wo gēe te noo."

Jiso ya fe Mata be Mele kfuun

³⁸ Jiso be boon be ba ngoo gè ja bo tu bo gene, bo geŋ bo lee nte wumu le, kwese wumu nyu yo ba teŋe le Mata. Wu fi Jiso a wu yeh.

³⁹ Wu gè keme jeme yimi ba teŋe le Mele. No Jiso ge gene wu lee yu, Mele mo wu geŋ wu shii mbebe ye le wu yege fee fi wu ye yi.

⁴⁰ Mata nyu fie wu luume nyu be nte. Wu gè ja wu to wu bihi Jiso le le, "Tada, wo yede geh no jeme

yaŋ le yi chinε mεne mbugε mε maa, wo ghade gε?
Du gεh lε wu to wu fih mε.”

⁴¹Tada chvuu wu le lε, “Mata, Mata, wo buge, wo
nyaa ηgε kikwεε kuŋ le yi mwεε mù duude le,

⁴²fieε fi fishaŋ le gεh fimimia. Mεεle le wu cha
wa fieε fi fishaŋ, gε muh nyu yu wu ka wu fi a wu
le gε.”

11

Jiso yεyε no taŋlo ba bûune

(Macho 6:5-15)

¹Gε bee juu chimi, Jiso buune kijuse kimi le, wu
bûune wu mεse, mwa ye wu ηgoo wumu du wu le
lε, “Tada, yεyε bee no be buune, gεh yεηyεη no
Joŋ tε gè yεyε bamii be ba ηgoo no bo buune.”

²Jiso mo wu jεmε bo le lε, “Bεŋ doo bεŋ buune
bεŋ mo bεŋ jεme lε,

‘Chiji wese,
gεe bamii ηgvûune jee chuŋ,
wo gê lε bvunfoŋ bwuŋ to.

³Wo nyâ bee mwεε munjile aju achii,

⁴lêeshε bimbefε biεsa,
no bee tε lêeshi bimbefε bî bamii bamu gee fε bee
le.

Keefε wo chinε bee lee moŋ wù ya bee le gε.’ ”

⁵No wu jεmε noo wu mo wu be bo le lε, “Bεŋ jô lε,
muh mu bεŋ le wu ja wu gεη wu kuŋ yeh yi nsaa
ye antaŋ antεnεε wu jεmε lε, ‘Nsaa yaŋ, ja gεh we
wo foose mε be chefe yi bvuleη yi shεde.

⁶Nsaa yaŋ yimi le yi ja yi bunε yi la mε jigε, n'ya
ηkεme gε fieε fi nlé ntê wu yu gε.’

⁷Ba jo lε nsaa yo yi wo be kuŋ yεε kaase yi chvuu
fie yeh wo le lε, ‘Keefε wo fûuŋse mε gε. Besa boon

baŋ le be giin wa be faa kimbun. Ge tanlo ŋka nja we le ŋgoone fiee fi nnya wo le ge.' ”

⁸ No Jiso be noo, wu ka wu jeme le, “Nseŋe beŋ le le wu ne baan ja geh we wu nya wo bvuleŋ bvù wo biide nje wu le nsaa yo seŋ, tu wu lé wu gê wu já geh we wu nya wo fiee fichii fi wo goone sege wo me geh fo wo kune.

⁹ Njeme beŋ le le, beŋ biide, Nyo lé wu nyá beŋ le. Beŋ ngôone, Nyo lé wu gê beŋ yêŋ. Beŋ kûne kimbun, Nyo lé wu gwênye beŋ le.

¹⁰ Beŋ kêe le muh wuchii wu biide, wu lé wu gê wu kême, muh wuchii wu goone, lé wu gê wu yêŋ, muh wu kune kimbun lé ba nyû ba gwênye wu le.

¹¹ Le chiji mwa wu la a beŋ ntenee wù mwa ye biide biêŋ, wu nya wù nyu yo?

¹² Noo le mwa be biide nyu gine wo nya wù nyu ngan le?

¹³ No beŋ le bamii ba befe beŋ kee ki beŋ nya mwêe mù njoŋe boon bena le, tu ge tanlo Chiji wene wù le fewe nya te Kiyô ki Yuude bamii ba biide wu le fede noo ge?”

Jiso be Besebu

(Macho 12:22-30,43-45; Maliku 3:20-27)

¹⁴ Jiso gè bvuse banchendaa ba debele yi muh mu le nyu kinchife. No nchendaa wu debele wuyu gè bu, muh wuyu mo wu ke wu jeme. Kinchvu ki bamii yeŋ noo bo kême lo kingha baan.

¹⁵ Geenê bamii bamu tu bo duu le, “Wu bvuse banchendaa ba debele ne nyu be bvunga bvu Besebu wu Nfon banchendaa ba debele.”

¹⁶ Bamii bamu tu bo lege ki bo koo wu bo duu le wu gê fiee fi duunyi le bvunga bvune ja fewe.

17 Jiso kɛɛ banƙwaje baboo wu mo wu jɛmɛ lɛ, “Kitun nɛ ja ki gade, ki tu ki juu lɛkilɛki, tu gɛ ki nyu ki lɛɛn gɛ. Kfuu ja chi gade chi juu lɛchilɛchi tu chi le chi gwe.

18 Le gɛh yɛɛnyɛɛn no Satan bɛ ngoo ye ja bo gade bo tu juu lɛbolɛbo, bvunfon bwe gɛ ka bvu lɛɛn gɛ. Njɛme noo nje bɛn duu lɛ mbvuuse banchɛndaa ba debele nyu bɛ bvunga bvu Besebu.

19 Fi nɛ lɛ mbvuuse banchɛndaa ba debele nyu bɛ bvunga bvu Besebu, tu bena boon bvuse nyu bɛ bvu yɛɛn? Fiɛɛ fi boon bena bayu gee, duunyi lɛ bɛn le bɛn gwe wa nsa.

20 Geenɛ nɛ mbvuuse banchɛndaa bayu nyu bɛ kibo ki Nyo, tu bvunfon bvu Nyo bvu yu le bvu to wa fɛ bɛn le.

21 Bɛn kɛɛ lɛ sege muh wu tɛɛme seesɛ wa mwɛɛ mwe mu jɛn wu shii wu tu wu chieɛne la che yu, muh gɛ ka wu shinshɛ fiɛɛ fie gɛ.

22 Geenɛ, nga wumu wu fede wu ja lo wu to wu juu bɛ wu, wu sun wu, wu mo wu lo mwɛɛ mwe mu jɛn munchii mù wu gɛɛde kikwɛɛ ke yu, wu ka wu banyɛ mwɛɛ mwe munchii wu gɛɛn bɛ nsáa ye ga.

23 Nɛ muh baan nyu gɛ kimbe kan le gɛ, tu wu banɛ mɛ. Muh le nje wu fiih mɛ ki be baanyi lo sɛn, tu wu saayi lo.

24 Sege kiyo kɪ yiide le ki bu ye yi muh le ki mo ki gɛɛn nchvuun ki goone fɛ ki lé ki chɛɛ fo. Geenɛ ki doo ki goon sɛn, ki mo ki jɛmɛ kikwɛɛ ke le lɛ, ‘Nlé nkáase ntú a mɛ yeh fɛ nchi mbu fo.’

25 Sege ki kaase ki tu jin ki yɛn yeh yiyu nyu ba yɛɛsɛ, ba seesɛ yi tu yi yuude,

26 ki mo ki kâase ki gɛɛɛ, ki to bɛ biyo bimi bvusooshwi bi befe bi fede ki, bɛ bi mo bi to bi lee bi chee fo. Mwɛɛ mo mu mɛsɛ mu fo lo fɛ mwɛdɛ le segeyu fede no mu gɛ shee mu nyume.”

Kilanye ki baan le ki yɛɛɛ?

27 No Jiso gɛ baan wu jɛmɛ mwɛɛ munɛ nɛ, kwɛsɛ wumu ja wu janɛ a kinchvu ki bamii kɛɛ ntɛnɛɛ wu jɛmɛ lɛ, “Kinlanye ki baan le ki kwɛsɛ wu gɛ boyɛ wo, wu ka wu yanɛ wo.”

28 Jiso chvuu fie lɛ, “Kinlanye ki baan le nyu ki bamii ba yuge jɛ yi Nyo bo gee no yi goone.”

Bamii goone ki bo yɛɛ kingha ki fiɛɛ ki duunyi fɛ bvunɔa bvɛ Jiso jade fo

(Macho 12:38-42; Maliku 8:12)

29 No binchvu bi bamii gɛ taashi bi too mbebe ye le, wu ja wu jɛmɛ lɛ, “Kingogo ki mɛsɛ kinɛ le ki befe. Ki goone ki ki yɛɛ kingha ki fiɛɛ fi duunyi bvunɔa bwan le, gɛ tanlo ndunye ki le gɛ. Geenɛ, kingha ki fiɛɛ baan ya gɛ njinɛ wu muh wu ntun wu Nyo wu Jona gɛ.

30 No fiɛɛ fi Jona gɛ ge, gɛ bee kingha ki fiɛɛ fɛ bamii ba Ninibɛ le, le gɛh yɛɛnyɛɛɛ no fiɛɛ fi muh wu jee che le Mwamuh gee lé gé nyúme kingha ki fiɛɛ fɛ kingogo ki mɛsɛ kinɛ le.

31 Lé tô nyu juu chí fɛkimɛsɛ Yaa wu gɛ sage kitun ki Shɛba wu lɛɛɛ bɛ kingogɛ ki mɛsɛ kinɛ wu leesɛ ki nɔɛ le, nje wu gɛ ja a kitun ke le a won juuse yo, ki wu tô wu yu bvufɛɛ bvɛ Nfon Salamon. Geenɛ bɛɛ yêgɛ bɛɛ yû, muh mu le fɛnɛ bɛ fiɛɛ fi kuge fi fede fi Salamon.

32 Bamii ba Ninibɛ lé bo gɛ bo lôon tɛ kingogɛ ki mɛsɛ kinɛ abvu bwɛɛ lɛ ki gɛ jiaa baan, nje bo gɛ yu

fíεε fí Jona gε feeji, bo kuse muntele muboo. Geene nε muh mu wunε fεnε bε fíεε fí fede fí Jona, bεη kuse gε muntele mwεna gε.

*Kin'yesε kiye
(Macho 5:15)*

³³ Gε muh to wu chu kin'yesε wu lee agaaguu gε. Gε tanlo tε muh ka wu jo ηkaa wu kfuuse yu gε. Wu to wu chude kin'yesε, wu toome nyu yi fíεε fí ba to ba toome kin'yesε fo, lε bamii doo bo lese yeh bo yεde n'yule le.

³⁴ Ajii a wo le kin'yesε kí le yi ye yo le. Jise chun nε yuude lo, tu ye yo yichii le yi yisε bε n'yu. Geene, jise chun nε yuude gε, tu ye yo yichii le yi yisε lo bε kijibε.

³⁵ Fí mo fí tu fí nyu lε, wo jíine laa wo jienyi nyu antenεε a n'yu noo, antenεε a kijibε le lε.

³⁶ Nε ye yo le yi yisε bε n'yu kimbe kimi nyu gε yi kijibε le gε, tu mwεε munchii le mu mo mu yuude gεh nje no kin'yesε to ki baan ki nyaa n'yule ye yo le.”

*Jiso chiεyε Bafalashii bε bamii ba duunyi banchi
(Macho 23:1-36; Maliku 12:38-40)*

³⁷ Jiso gε mεε njεmε we, muh wu Bafalashii wumu tεεη wu lε wu to bε wu gεεη bo ji mwεε. Jiso mo wu gεεη, wu lee, wu shii bε wu mo bo jii mwεε,

³⁸ wu gε baan chiaaη chugε gε.* Muh Bafalashii wεε bijε fí ya wu.

³⁹ Tada kεε fíεε fí wu kwaji wu mo wu jεmε wu le lε, “Bεη Bafalashii chuge mun̄koo bε shú ye le,

* **11:38** Wu gε keme ki wu chūgε chiaaη ye a je yi kinche kiboo le.

geene mwεε mù mbefe be kin'yeε ajii yise lo fe muntele mwεna le.

⁴⁰ Biyuη binε! Ge Nyo wù gè fe akfuuη, nyu wu wù ka fe antenη te ge?

⁴¹ Fiεε fi beη bee ki beη gêe le ε, beη nyâa mwεε mù beη keme a mwεε mwεε le bamii ba kifufe le, mwεε munchii mo mu yuude fe beη le.

⁴² Nge wù baan le wene Bafalashii. Beη nyaa kimbe kimimia Nyo le antenεε a bimbe yuufe bi mbaa yi beη kege mo mwεε mu beη geεde a mbaa le ε yi yege, geene beη ka chine ki beη gêe mwεε mù kooji fe bamii le, be ki keme kin̄kon̄ε ki Nyo. Beη be keme ki beη gêe mwεε mune munchii beη chine ge fimi le ge.

⁴³ Nge wù baan le wene Bafalashii. Beη to beη kon̄ε ki beη sh̄ide nyu fwe yéh yi buune le, beη ka kon̄ε ε ba yêese beη le fe waan be ηgvune.

⁴⁴ Nge wù baan le wene, nje beη le geh nje jén yi ba yene ge, bamii jienyi yi le bo kee ge.”

⁴⁵ No Jiso gè jeme nε, muh mu wu gè kee banchi ba Nyo chuule jeme wu le ε, “Muh wu N'yeyε, wo kee gè le mwεε mù wo jeme le mu kun̄ bee le te!”

⁴⁶ Jiso chvuu ε, “Nge wù baan le te wene beη bamii ba kee banchi ba Nyo chuule. Beη yige bamii be mwεε mujiji mù fede bvunga bvuboo nje tan̄lo beη la ge lo nyi yi kwaan yi kibo ki beη fih bo yu seη.

⁴⁷ Nge wù baan le wene. Beη ba joone jén yi bamii ba ntun̄ wu Nyo ba bachiji chiji bena gè yuuyε wa.

⁴⁸ Fine duunyi le beη toone kinge ki bachiji chiji bena. Ba gè yuuyε bamii ba ntun̄ wu Nyo, beη mo beη sheε beη keenyi beη joone jén yiboo.

⁴⁹ Le fiεε fi gè ge Nyo be bvufee bwe fe wu jεme le, 'Nlé ngê nchîînsε bamii ban ba ntun be boon ban ba ntun fe bo le, bo lé bo yûuyε bamu bo boone bikaa a bamu jin.'

⁵⁰ Noo, Nyo lé wu gê wu bíih kingogo ki mεese kinε le kune kilεmε ki bamii be ba ntun bachii ba bo gè yuuyε kege no won gè ke.

⁵¹ Wu lé wu gê wu bíihde kege yi kilεmε ki Abε le gεene bude yi ki Sakiya wù ba gè yuuyε antenεε a kitana ki kintanyε be yeh yi kintanyε le. Nsεne lo beη nchiεεη le Nyo lé wu gê wu bíih kingogo ki mεese kinε le kune kwe yi bamii bayu bachii.

⁵² Ngε wù baan le wene beη bamii ba kee banchi ba Nyo weseε. Beη le beη nyilε kingwenyε ki jwe wu fwese wù tanlo muh lee yu fe wu kεε fiεε fi kooji. Beη le beη fan ki beη lêe, beη tu beη banε bamii ba goone ki bo lee le keefe bo lêe gε."

⁵³ Jiso gè ja fo ki wu gêene, Bafalashii be bamii ba gè duunyi banchi ba Nyo bo kε bo tu bo leeshi lo wu be jé bo biide mwεε wu le weseε weseε,

⁵⁴ bo gè gee noo bo lege lo wu ki bo yu fiεε jwe we le, bo mo bo koo wu.

12

Keefe muh jême yeye wù gee yeye gε

¹ No Jiso gè jεmε, binchvu bi bamii mo bi taashi bi too fo banchvuge le banchvuge le bo faase wu. Bamu jiεnyi bikaa bi bamu. Jiso ja wu kε wu tu wu jεme nyu boon be ba ngoo le wu duu le, "Beη jôde kife be kinshilε ki Bafalashii ki le gee chiboo chi bo jεme yeye, bo gee yeye.

² Bɛɲ kɛɛ lɛ fiɛɛ fi ba nyile fi kɛme ki fi to fi bu fɛ waan. Gɛ fiɛɛ nyu yu tɛ fi ba nyile fi lɛ fi gɛ nɛ ba kɛɛ sɛɲ gɛ.

³ Bɛɲ kɛɛ lɛ fiɛɛ fichii fi bɛɲ jɛme antan lɛ ba nyû ba yû fɛnshɛ. Fiɛɛ fichii fi bɛɲ fale yeh bɛɲ chvuune lo lɛ ba nyû ba tô ba jan lo fɛ kigo ki yeh le.

*Muh wù ba fâne
(Macho 10:28-31)*

⁴ Nsáa yan, njɛme bɛɲ le lɛ keefɛ bɛɲ fâane bamii ba tanlo bo yuuyɛ gɛh nyume nyan yi ye maa, nɛ tanlo bo ka bo ge fiɛɛ fimi sɛɲ gɛ.

⁵ Bɛɲ yêgɛ bɛɲ yû muh wù bɛɲ fâane, bɛɲ fâne nyu Nyo nɛ le wu wù kɛme bvungɛ ki wu yûuyɛ muh, wu ka wu leesɛ mwɛɛ yi ngu wù baan le. Nka njɛme bɛɲ le lɛ bɛɲ fâane gɛh nyu wu maa.

⁶ Gɛ bɛɲ kee lɛ ba to ba gese munɛɲ muntɛɲ yi munini le munfɛɛ maa gɛ? Geenɛ, gɛ finɛɲ fimi nyu yu fimimia fi Nyo to wu daayi a fi le gɛ.

⁷ Fiena le lɛ Nyo kee yvú yichii yî le a bɛɲ fwa. Keefɛ bɛɲ fâane gɛ. Bɛɲ fede munɛɲ mù duude.

*Muh wu mbɛmɛ bɛ muh wù faanɛ Jiso
(Macho 10:32-33; 12:32; 10:19-20)*

⁸ Nsɛɲɛ tɛ bɛɲ le lɛ, muh bɛmɛ mɛ a bamii fwe lɛ wu kee mɛ, tu muh wù jee che le Mwamuh lɛ wu gɛ wu bɛɲ tɛ mwɛɛ a banchɛndaa ba Nyo fwe lɛ wu kee wu.

⁹ Geenɛ muh ma lo mɛ a bamii fwe tu mɛ tɛ nlé mmâ mwɛɛ a banchɛndaa ba Nyo jii.

¹⁰ Fi ka nyume lɛ, Nyo lɛ wu gɛ wu lɛɛshɛ jé yî befe yî muh jɛme kune muh wù jee che le lɛ Mwamuh, geenɛ gɛ Nyo nyu wu yu wu to wu lɛɛshɛ jé yî befe yî muh jɛme kune Kiyo ki Yuude gɛ.

¹¹ Sege ba koo beŋ ba geŋ be beŋ yéh yi buune le, keŋe nyu fwe a bamii ba sage won, keŋe nyu fwe a bamii ba keme bvunga bvù bo sage tɛ, le bo geŋ bo sa beŋ, keefe kikwee fũunse beŋ laa beŋ le beŋ geŋ beŋ taanyi jwe beŋ duu le la le, keŋe beŋ jeme nee le.

¹² Lé gê nyume kife kiyu le, Kiyo ki Yuude seen beŋ fiɛ fi beŋ lé beŋ jême.”

Ngan kune kiyun ki muh kwa

¹³ No Jiso gè teede boon be ba ngoo le noo, muh mu ja wu jeme antene a kinchvu ki bamii le, wu du wu le le, “Muh wu N'yeɛ, du Mwa bwene le le wu ga bvushɛ bwesa wu nya bwan.”

¹⁴ Jiso biih wu le le, “Jwene, gele yeŋ me le nsũune bansa bena, ŋka ngâde bvushɛ bwena?”

¹⁵ No wu biide noo wu mo wu jeme muh wuchii le le, “Beŋ jôde kife beŋ yêne keefe beŋ yêde ajii yi mwɛ le ge, nje ge kinche kimu nyu nje mwɛ mu wù keme ge, mo mwɛde tu wù keme bvukuge nee la.”

¹⁶ No wu jeme noo, wu mo wu ma ngan le, “Muh wu kwa wumu gè keme mwɛ we, mwɛ jon yu baan.

¹⁷ Wu mo wu ke wu kwaji le laa wu lé wu gê nee la? Wu lé wu gêe ngu ye ye faan la?

¹⁸ Wu mo wu ja wu chu ntan le, ‘Fiɛ fi nlé ngê le finɛ. Nlé nsâ basankwa ban, ŋkâase njôon ba kuge, mo ngêe ngu be mwɛ mwan yu munchii.

¹⁹ Ndoo nge noo, me mo ndu kikwee kan le le nle muh wu kishi. Nkeme mwɛ mù nlé ngê njii bilun bi duude le. Ge mbaan ntu mbuge ge. Nlé njii geh wa lo, ŋka mmuu n'yuge njon.’

20 No wu seese noo, Nyo mo wu tɛɛn wu lɛ, ‘Kiyun kinɛ! Kintan ki abɛn le nlɛ ɲkâase njô kiyo kun. N'yɛn laa mwɛɛ mune munchii mù wo seese wo gɛɛ lé gɛ nyû mu yɛɛn la?’ ”

21 No Jiso jɛme nɛ wu mo wu jɛmɛ lɛ, “Le gɛh yɛɛnyɛɛn no fi lé fi gɛ fi nyû fɛ muh wu banyi bvukugɛ fɛ kikwɛɛ ke le wù kɛme gɛ bvukugɛ kimbe ki Nyo le gɛ.”

*Ba gɛɛde muntele nyu yi Nyo le
(Macho 6:25-34-19:21)*

22 Wu ka wu ja wu jɛme wa nyu boon be ba ɲgoo le lɛ, “Keefɛ bɛn lûume kune kinche kena lɛ laa bɛn lé bɛn gɛ bɛn jî la lɛ, kɛnɛ kune ye yene lɛ laa bɛn lé bɛn jî la lɛ.

23 Bɛn kɛɛ lɛ kiyo ki muh fede mwɛɛ munjile, ye yi muh fede njú.

24 Bɛn jîɲɛ bɛn yɛn biɲaɲa, gɛ bi to bi lɛne gɛ, gɛ bi to bi gweji ɲgu gɛ. Gɛ bi kɛme basan̄kwa kɛnɛ ban̄wan gɛ. Geenɛ Nyo nyane gɛh bi bichii. Gɛ bɛn kee lɛ bɛn yage munyii gɛ?

25 Le yɛɛn a bɛn ntɛnɛɛ wù fuun̄se, wù tan̄lo wu bisɛ gɛh kife shige yi kinche ke le?

26 No gɛ tan̄lo bɛn ge mo fi shige finɛ gɛ, gee la fi bɛn soge bikwɛɛ kune mwɛɛ mune?

27 Bɛn jîɲɛ bɛn yêɲ no nfudɛ to wu kuu wù nyu. Gɛ nfudɛ to wu lɛne gɛ, gɛ wu shine njú gɛ. Geenɛ, nsɛnɛ bɛn le lɛ gɛh Nfon̄ Salamon̄ bɛ bvukugɛ bwe bvuchii bvù wu gɛ kɛme wu gɛ suse ye wu bu fɛ nfudɛ le gɛ.

28 No Nyo suse agaan̄ a nchvuun̄ nɛ, agaan̄ a kuu abɛn, bu antaana ba fwɛɛ lo fetan̄, tu gɛ tan̄lo wu

suse beŋ wu fe lo noo ge? O oo bamii ba mbeme wù shige le!

²⁹ Fi mo fi nyu le keefe fi fũunse beŋ ge, keefe beŋ kwâji laa beŋ lé beŋ jĩ la beŋ tu beŋ mú la le,

³⁰ nje mune mwεε to kwaji geh bamii ba bitun bi yi nshen yinε le. Beŋ kée le Chiji wene kee lo le beŋ konε mwεε mune munchii.

³¹ Beŋ gêε bvufee bwena nyu yi bvunfon bvu Nyo le, wu mo wu nyaa te mwεε mune munchii beŋ le.

³² Ngoo yan, no beŋ le shige nε, keefe beŋ fâane ge, nje Chiji wene le wu kon wa ki wu nyâ bvunfon beŋ le.

³³ Beŋ gese mwεε mu beŋ keme, beŋ ga bige biyu bamii ba fuude le, beŋ gôone bikεε nyu bĩ tanlo bi ge suume ge. Beŋ gêεde kwa wene nyu yi won wù Nyo le, fe tanlo wu ge ka ge, fe chon tanlo wu ge fe fo ge, fe shé tanlo yi ge kaan ge.

³⁴ Beŋ kée le fe muh gεεde nchvu ye fo le fe fitele fie le fo.

*Bamii ba Jiso chĩεene wu
(Macho 24:45-51)*

³⁵ Beŋ kaan bicha biεna, beŋ chu bin'yesε beŋ chĩεene leme,

³⁶ geh nje boon ba leme to bo chĩεene kikwεε kiboo wù nyu kijuse ki bvuguu le. Wu doo wu kaase wu to wu kun kimbun ba gwenye lo wu lee.

³⁷ Kinlanye kĩ baan le ki nyu fe boon ba leme le sege kikwεε kiboo fεε wu yen bo nyu we bo chĩεene wu. Nsɛn beŋ nchiεen le wu lé wu gê wu chême nju ye wu kaan, bo shiyyε fekuu wu to be mwεε munjile wu gaje bo le.

38 Kinlanje kî baan le ki nyu ki boon ba lême ba wu lé wu gê wu fêse wu yêñ bo nyu bo chiêne wu. Kene wu lé wu gê wu tô antan antene, kene sege nyishii to yi tone.

39 Ben kée le chiji yeh ne kee kife ki chon le wu to, tu wu lé wu chiêne. Wu gê chine le ba ngode yeh ye ge.

40 Ben te keme ki ben chiêne, nje muh wù jee che le Mwamuh lé wu gê wu káase wu to kife kî ben kee ge le.”

41 Bita mo wu ja wu biih wu le le, “Tada, wo ma ngan wune nyu bee le, noo bamii bachii le le?”

42 Tada chvuu le, “Mwa lême wu le wù nchiên wù ka keme bvufee le wù la? Ge nyume muh wee wù chiji kikwee ke le wu gee wu le wu jîñe fe yeh ye le, sege kife doo ki koje wu nya mwee munjile boon be ba lême le ge?”

43 Kinlanje kî baan lé ki gê ki nyûme ki mwa lême wù chiji kikwee ke, sege wu doo wu too wu yen wù gee lême geh yeyeyen no wu bee ki wù gee.

44 Nseñe ben nchiên le chiji kikwee ke lé wu gê wu bêñse wu, wu jîñe fe mwee mwe le munchii.

45 Geene, ne mwa lême wee ja wu jeme kikwee ke le le, ‘Ge chiji kikwee kan nyu wu yanse wu kaase ge’, wu mo wu ke wu sunje boon ba lême ba bilenje mo ba bikese, wu jii wu ka muu mbvuun mo koode wu,

46 chiji kikwee ke lé wu gê wu já geh wu bûne juu chimi chí wu be kwaji ge be kife kî wu be kee ge le. Wu doo wu ge wu bu noo, wu mo wu gwooje lo mwa ye wu lême wee, wu chiinse wu wu geen wù nyu be bamii ba lême ge je yi boo le ge.

47 Mwa lême wù kee fiée fi chiji kikwee ke goone

le wu gêe, wu baan seesε ge ye ki wu gêe ge, tu ba lé ba táan wu be munte weseε.

⁴⁸ Mwa lεme wεε wu kee ge fiεε fi chiji kikwεε ke goone le wu gêe ge, wu fε fiεε fi tanlo ba taan wu be munte weseε, lé ba nyû ba wêje geh lo wuwεε shige. Muh wù ba nya mwεε wu le weseε le wu wù ba lé ba gôone mwεε wu le weseε. Muh wù ba le ba gεε mwεε chiaan ye le weseε lé ba nyû ba bíih mwεε wu le weseε.”

Jiso to be kingaye
(Macho 10:34-36)

⁴⁹ Jiso ka wu jemε boon be ba ngoo le le, “Nto ki nfwεε nyu ngu yi nshen le. Muh jo le wu be bede wa lo.

⁵⁰ Nkεme kfuu chi nge wù baan wumu ki nlee wu le, fitele fian lé fi jêde geh sege nlé nlée wa wu le.

⁵¹ Ben kwaji le nto nyu be kimbone yi nshen le fεne? Ngan! Ben kêe le nto nyu be kingaye.

⁵² Kεge yi mεese le gεene fwe, yeh yi le be bamii batεn lé yi gê yi gâ ye. Bamii batεde lé bo gê bo gâ ye be ba bafεε, ba bafεε ga ye be ba batεde.

⁵³ Chiji mwa lé wu gê wu gâ ye be mwa ye wù jwεnse, mwa wù jwεnse juu be chiji. Bwe mwa lé wu gê wu jûu be mwa ye wù kwese, mwa wù kwese juu be bwee. Bwe jwεnse lé wu gê wu jûu be kwe mwa ye, kwe mwa juu be bwe jwεn.”

Bamii kεε kife
(Macho 16:2-3)

⁵⁴ Jiso gε du kinchvu ki bamii le le, “Ben to ben yεde sege kimbe bεene je ajuu seele yo, ben mo ben duu le, ‘Jan lé yi gwê.’ Yi ge yi mo yi gwe.

55 Sege beŋ yede te nfun beene je akuu akuu, beŋ mo beŋ tu beŋ duu le, ‘Kiyufe kɪ baan lé ki nyú yu.’ Ki mo ki nyúme yu.

56 Beŋ bamii ba jeme yeye, beŋ tu beŋ gee yeye banɛ, no beŋ jiine kibvule be nshen beŋ mo beŋ sene no akfuun le wo nyume, ge tanlo beŋ te kee mwee mù Nyo duunyi yi kife kine le ge nje la?

57 Ge tanlo beŋ te kwaji fiee fi chaan fi tanlo beŋ gee ge?

58 Ne muh lé wu jô wo wu gene be wo yeh yi nsa le, wo mo wo mon ki wo beŋ ki beŋ seese baan a je, keefe wo gê wu chii wo wu geen wu nyâ wo chiaan yi muh wu sage bansa le ge, wu feese lo wo chiaan yi bamii ba nchi le tu ba lé ba fâa wo yeh yi cha le.

59 Nsene wo le le ge tanlo wo bu yu nje wo mese wo lanɛ finini fichii fi ba goone sen ge.”

13

Muh wuchii kuse fitele fie le keefe wu ge wu kwe ge

1 Gè bee kife kiyu le, bamii bamu ja bo seen Jiso kune bamii ba Galalee bamu ba gè gene ki bo ge kintanye fe Nyo le, Balet tun bamii bo geen bo gwooje bo, bileme biboo taashe be bi nyán yi bo ge gee kintanye kee yu.

2 Jiso yege nee, wu biih bo le le, “Beŋ kwaji le bamii bayu ge kwe kfuu chi yee kwe noo nje bimbefɛ biboo gè fede bi bamii ba Galalee bamu noo?

3 Ge nyu noo ge. Nsene beŋ le le, beŋ baan kúse ge muntele mwena ge, beŋ bachii lé beŋ kwéeye geh noo.

⁴ Bɛɲ tane gɛh bamii ba yuufe ncho nyaan baa ba yeh yɪ ndefe gɛ kɛsɛ Silon yi yuuyɛ bo? Bɛɲ kwaji lɛ bamii bayu gɛ kweeyi noo nje bimbefɛ biboo gɛ fede bi bamii ba Yɛlusalɛm bamu noo?

⁵ Gɛ nyu noo gɛ. Nsɛɲɛ bɛɲ le lɛ, bɛɲ baan kɛsɛ gɛ muntele mwɛna gɛ, bɛɲ bachii lɛ bɛɲ gɛ bɛɲ kwɛɛyɛ gɛh noo.”

Ngan kune kite kɪ gɛ yune gɛ muntan gɛ

⁶ Jiso mo wu ma ngan wumu bo le lɛ, “Gɛ bee kife kimi le, muh mu yii kite ki muntan a wu mwɛne.* Lɛ kife kojɛ, wu to ki wu kɛ, wu gɛ yɛɲ muntan yun yi ki le gɛ.

⁷ Wu mo wu jɛmɛ muh wu gɛ jiɛɲɛ fɛ mwɛ we le lɛ, ‘Bijɛ yɛɲ, le wa bilun bitɛde mɛɛsɛ no ntoo ki nke muntan yi kite kinɛ le, n'yɛde gɛ fɛɛ le yi ki le gɛ. Gwɔo lo. Ki banɛ nshɛɲ yinɛ achiji.’

⁸ Muh we wu lɛmɛ wɛɛ chvuu lɛ, ‘Chiji kikwɛɛ, ka chinɛ gɛh yu kilun kinɛ, nɛ ki baan yun gɛ, mɛ mo nchin kinyi kiyu ngɛɛ chvune fo.

⁹ Sege bu kilun kɪ too le ki yun, fi jon, ki nɛ baan yun gɛ, mɛ mo ngwo lo.’ ”

Jiso fɛ kwɛsɛ wumu juu chi yuun

¹⁰ Gɛ bee juu chi yuun chimi, Jiso yɛyi bamii yeh yi buunɛ yimi le.

¹¹ Kwɛsɛ wumu nyu yu kiyo kɪ befe kimi nyu ye ye le, kɪ to ki ge muh tu muh wu chigon. Ki gɛ ge wa wu chɛɲ yi bilun le yuufe ncho nyaan jin ngvuusɛ wu, tanlo wu gɛ ka wu lɛɛɲ we chaan gɛ.

* **13:6** Kite kiyu le ba tɛɲɛ a jɛ yi bala le lɛ, “Fig”.

¹² Jiso yɛŋ kwɛsɛ wuyɔ le wu tɛɛŋ wu wu to wu jɛmɛ wu le lɛ, “Bwaan, wo le wo bonɛ wa chiaaŋ yi gon yɔ yinɛ le.”

¹³ No wu jɛmɛ noo, wu mo wu chiaasɛ kibo wu kuŋ wu le. Kimimia, jin yɛɛ kaasɛ yi nɛjɛ ye, wu lɛɛŋ we chaan, wu mo wu tu wu tume mankuŋ ma Nyo.

¹⁴ Chiji kikwɛɛ wu yeh yi buunɛ yiɔ yɛŋ lɛ Jiso le wu fɛ kwɛsɛ wuyɔ nyu juu chi yuun, fiɛɛ fiɔ toonyɛ lo wu baan. Wu mo wu tu wu sage bamii le wu duu lɛ, “Aju a lɛmɛ le bvusoo. Bɛŋ tɔo ba fɛde binchɛŋ biɛna nyu ajuu kaa le. Keefɛ muh ka wu mɔŋ wu to juu chi yuun lɛ gɛ.”

¹⁵ Tada chvuu wu le lɛ, “Bɛŋ bamii ba jɛmɛ yeye, bɛŋ gee yeye banɛ. Nɛ le juu chi yuun, muh wu mumwaa mumwaa abɛŋ ntenɛɛ gɛ ka wu jo kɛnɛ jaki fɛ wu chee fo wu gɛɛŋ wu nya wu juo gɛ?”

¹⁶ Kwɛsɛ wunɛ le nyu mwa Ablaham, debele nyu wu lee wa wu yeh yi ncha le biluŋ yuufe ncho nyaan, fi baan jon gɛ no ba bvusɛ wu yi nɛɛ le juu chi yuun gɛ?”

¹⁷ No Jiso jɛmɛ noo, bvuya koo bamii be ba kimbanɛ, bamii ba duude tu bo lanɛ lo ye fiboo nje binɣha bi mwɛɛ bichii bi Jiso gɛ gee.

Ngan kune fintaŋ fimi

(Macho 13:31-32; Maliku 4:30-32)

¹⁸ Jiso ja wu ghaa lɛ “Bvunfon bvɔ Nyo le nɛ la? Fiɛɛ fi tanlo mbege yu le la?”

¹⁹ Ka nyu geh nɛ ngo yi fintaŋ fimi fi muh gɛ non a wu mwɛnɛ, yi gɛ bu, yi ku yi yɛɛŋ yi tu kite ki munyii mu fuune we to mu joone yi chɛ yiɔ le.”

Ngaŋ kune kinshile

(Macho 13:33)

²⁰ Wu ka wu jemε le, “Tanlo ŋka mbege bvunfon bvun Nyo be la?”

²¹ Ka nyu geh nje kinshile ki kwese gè fe mune bintee bi baan baan biteɗe wu jo wu fiinse yu, wu toje wu gee, fi mo fi ge mune chiyyu beenyε.”

Jwe wu fwese wu fasaa

(Macho 7:13-14,21-23)

²² Jiso ge ja wu gee Yelusaleɗ. No wu ge gee wu fede bilaanteŋ be bante le wu yeɣi bamii.

²³ Muh mu ja wu bihi wu le le, “Tada, le bamii ba shige bo lé bo gè bo bône?” Jiso mo wu chvuu wa nyu bamii le bachii le,

²⁴ “Beŋ lūumε chuule ki beŋ lêe nyu fe jwe wu fwese kwεε wu le fasaa le. Nje nseŋe beŋ le le bamii ba duude lé bo gè bo gōone ki bo lee bo ge kemε je ge.

²⁵ Kife lé ki kōje, ki chiji yeh lé wu ja we wu faa kimbun. Wu doo wu faa, beŋ me akfuun beŋ kune kimbun beŋ lege le, ‘Chiji Kikwεε, gwenyε kimbun be lee.’ Wu mo wu chvuu beŋ le le, ‘Ge ŋkee a beŋ ja yo ge.’

²⁶ Beŋ mo beŋ ke beŋ taanyi le, ‘Le bee ba chi jii mwεε bee ka muu mwεε. Wo ge jienyi wo yeɣi bamii bante besa le.’

²⁷ Wu ka wu kaase wu chvuu le, ‘Nseŋe lo beŋ le le ge ŋkee a beŋ ja yo ge. Beŋ ja lo a me fwεεŋ beŋ bane beŋ jienyi beŋ fige mwεε.’

²⁸ Beŋ lé beŋ gè beŋ yêŋ Ablaham be Asik mo Yakob mo bamii ba ntun wu Nyo bachii anteneε a bvunfon bvun Nyo, beŋ nyu ba ban beŋ akfuun, beŋ mo beŋ beede beŋ ŋgeji bige.

29 Bamii lé bo já bimbe le bichii, kɛge a juu saane yo gɛene bude a chi seele yo mo aweawe be akuuakuu a won, bo to bo shii bo jii antenɛɛ a bvunfon bvu Nyo.

30 Bɛɲ kɛɛ lɛ bamii bamu ba le ajiɲ mɛɛsɛ lé bo gɛ bo nyû fwe, bamu ba le fwe mɛɛsɛ lé bo gɛ bo nyû ajiɲ.”

Jiso kɛɲ ye bɛ Yɛlusalɛm
(Macho 23:37-39)

31 Lɛ nyu gɛh kife kiyu le, Bafalashii jɛmɛ Jiso le lɛ, “Bu fiun wo ja wo gɛene kimbe kimi le nje Nfon Helod goone ki wu yû wo.”

32 Jiso chvuu bo le lɛ, “Bɛɲ gɛɛɲ bɛɲ du nchombian wuyu le lɛ mbvuuse banchɛndaa ba debele ye yi bamii le abɛɲ, ɲka nfɛde binchɛɲ, nyu gɛh no nlɛ mbû ɲge fɛwɛge, doo nyume fɛ bu she ataana, mɛ mo mmɛsɛ lɛmɛ chan.

33 Geenɛ, nle ɲkɛ jiɛnyɛ wan wu Yɛlusalɛm abɛɲ, ɲka mbu ɲjiɛnyɛ fɛwɛge gɛene bude fɛ bu she fɛwɛge. Fi baan koje gɛ lɛ ba yuuyɛ muh wu ntun wu Nyo kijusɛ kimi le fedɛ Yɛlusalɛm gɛ.”

34 No Jiso jɛmɛ nɛ, wu mo wu kɛɲ ye lɛ, “Yɛɛbɛɛ Yɛlusalɛm! Yɛɛbɛɛ Yɛlusalɛm! Wo wû yuuyi bamii ba ntun ba Nyo, wo ka tume bamii ba Nyo tun fɛ wo le bɛ ata. Le wa kingane kimɛɛ no mɛ mon ki mbanyɛ boon bun ɲɛ no bweshii to wu banyɛ boon be yi kfuɛ, a bibɛɛ bie le, wo fan?

35 Bije yɛɲ, yeh yo lé yi gɛ yi tu binfu. Nsɛɲɛ bɛɲ le lɛ gɛ bɛɲ baan bɛɲ ka bɛɲ yɛɲ mɛnɛ gɛ, gɛene bude kife ki bɛɲ lé bɛɲ dû lɛ, ‘Nyo le wu non kimbone yi muh wu too a jee chi Tada Nyo le.’ ”

14

Jiso ka wu fε muh juu chi yuun

¹ Gε bee juu chi yuun chimi, Jiso gεen ki wu jī mwεε a muh wù baan wumu yeh. Muh wεε gè bee muh wu Bafalashii. Bamii ba gè bee fo tu bo weede Jiso ki bo yεn fiεε fi wu lé wu gē.

² Gε bee muh mu lεme fo a Jiso jii wu chene bε chi gon chi ge wa chiaaη bε bikaa muji.

³ Jiso biih Bafalashii bε bamii ba gè kee banchi ba Nyo ba gè bee fo le le, “*Nchi wese le wu bεen le tanlo ba fε muh juu chi yuun noo wu baan bεen gε le?*”

⁴ Bo gε chvuu fiεε gε. Jiso jije muh wεε le, wu fε wu wu tεmε, wu mo wu jemε le wu gēene.

⁵ Jiso biih bo le le, “*Le yεen a bεη ntenεε wù keme mwa* kεnε naa wu gwe a fwεη le juu chi yuun mwεdε gε bvuse lo kimimia gε?*”

⁶ Bo ma fiεε fi bo chvuu.

Muh jōde ye ye fεkuu

⁷ Jiso gè bijε wu yεη no bamii too bo chage gεh nyu manjuu ma fwe fε bo shiide fo, wu ma nηaη bo le le,

⁸ “*Sege muh ka bvuguu, ba tεen wo fo wo gεen, keefε wo shīi nyu fε kijuse kī fwe le gε, nje tanlo nyu ba sεen tε muh mu wù baan wù fede wo le.*”

⁹ Chiji bvuguu wù chi tεηe bεη bachii nε lé wu já wu tô wu mo wu dû wo le le, ‘Já we wo nyá kijuse kun muh wù baan wunε le.’ Wo mo wo ja bε bvuya wo gεen wo shii nyu wa ajin.

¹⁰ Sege ba sεen wo ηka wu bvuguu, wo gεen fo, wo shii nyu ajin, wu le chiji bvuguu lé wu já wu tô

* **14:5** Banwa ba kege bamu tεηe le, “Jaki.”

wu dû lo wo le le, 'Nsaa yan, ja we fene wo geeŋ wo shii nyu fwe.' Noo, wo mo wo keme mbeŋse fwe a bamii bachii ba le fo.

¹¹ Le geh yeŋyeŋ no muh wuchii wu beŋse kikwee ke lé ba nyû ba gê ba shiishê lo wu. Muh wu shiishi kikwee ke ba lé ba beŋse lo wu."

Muh jŋŋe nyu fe bamii ba ŋe le

¹² Jiso mo wu ja wu kaase wu jeme chiji yeh wu ge teŋe wu a wu yeh le le, "Sege wo goone ki wo tēŋ bamii le bo to bo ji mwēē, keefe wo tēŋ nyume nsáa yo kene boon ba bwoo kene kfuu chuŋ ge, mo nyu bamii ba kwa bo le nte wo le ge. Wo ne teŋe nyu bobaa bamii, tu bo lé bo gê bo kâase bo teŋ te wo a bo yeh, fi mo fi nyume le bo le bo chvuu wa kibo kuŋ.

¹³ Sege wo gee ŋka, wo teŋ nyu bamii ba kifufe, biŋkele be ba teŋlaase mo binfeŋ.

¹⁴ Wo ge noo, wo mo wo keme kimbone, nje ge bo baa bamii keme fiee fi taŋlo bo kaase bo chvuu wo le ge. Le geh Nyo wu lé wu lânge wo juu chi bamii ba chaan lé bo gê bo bûde yi kwe le."

*Ŋgaŋ kune ŋka wû baan
(Macho 22:1-10)*

¹⁵ No Jiso jeme noo, muh mu wu be bo ge jii mwēē mo wu jeme wu le le, "Kinlanje ki baan le ki muh wû lé wu gê wu jii mwēē antenee a bvunfon bvu Nyo."

¹⁶ Jiso mo wu chvuu wu le le, "Ge bee kife kimi le, muh mu seesē ŋka wû baan, wu teŋ bamii ba duude.

17 Juu gè to chi koje, wu tun mwa ye wu leme le wu jienye wu seen bamii le bachii ba gè bee ki bo to le, le mwee munchii le ba seesé wa.

18 Mwa ye wu leme wee mo wu geen wu yen bo le, bo ke bo beeyi ye wu mumwaa wu mumwaa, muh wu fwe gè ja wu jeme wu le le, 'Nchi ngu mwe wan wu fwen, nkeme ki geen njine. Kii wo, keefe ben chieene me ge.'

19 Wu ka wu yen muh mu le, mwee jeme le, 'Nchi ngu banaa ban ba leme yuufe, geen meese ki me mmon bo. Kii wo, keefe ben chieene me ge.' 20 Wu yen muh mu le, wu jeme fie le, 'Nchi njo kwese, ge kife nyume yu ki tanlo nto ge.'

21 Le bo chvuu noo, mwa muh wu leme wee mo wu tu jin wu geen wu seen fie fichii chiji kikwee ke le. Chiji nka wee yu, fitele lujé lo wu. Wu mo wu kaase wu tun mwa ye wu leme wee wu jeme le, 'Bu chige, wo geen alaanten wo jienye ntase yi je le be bifian bi je le bichii, wo kun bamii ba kifufe, batenlaase, be binfeen mo binkele, le bo to.'

22 Wu geen wu kaase wu to wu jeme le, 'Chiji kikwee, nle nge wa no wo be jeme, geen, yeh baan yise ge.'

23 Chiji wee jeme wu le le, 'Bu meese wo geen wo jienyi a je le be bifian bi je le bichii, wo kun lo bamii bo to, yeh yan yise.

24 Kee le ge muh wu mumwaa antenee a bamii ban ba nchi n'ya mbe bo, nyu bo ge bo mon lo fiee fian fijile a bo mu ge.' "

*No Tanlo muh seesé fe wu lee ngoo yi jiso le
(Macho 10:37-38; 5:13; Maliku 9:50)*

25 Jiso ka wu ja wu gɛɛne, binchvu bi bamii bɪ duude bii wu le. Wu ja wu kaase ye wu jemɛ bo le le,

26 “Gɛ tanlo muh nyu muh wan wu ngoo nje wu koɲe mɛ wu yage bwee bɛ chiji sɛɲ gɛ, wu ka koɲe mɛ wu fede kwɛɛ bɛ boon be mo boon ba bwee mo jemɛ ye gɛ. Wu kɛmɛ tɛ ki wu kɔɲe mɛ wu fede no wu koɲe kikwɛɛ ke.

27 Gɛ tanlo muh tɛ nyu muh wan wu ngoo nje wu le wu tuu ke kintaan wu bii mɛne sɛɲ gɛ.

28 Le yɛɛɲ a bɛɲ ntɛnɛɛ wu goone ki wu jɔɔɲ yeh yɪ ndefe fɛwe, wu gɛ ya wu shii fɛkuu wu kwajɛ laa wu kɛmɛ gɛ bige bi kooji bɪ tanlo wu joon yeh yinɛ yu wu mɛsɛ la?

29 Wu nɛ baan noo ge gɛ tu wu lɛ wu gɛ wu jɔ wu gɛ kinfu ki yeh, yeh ya wu ki wu mɛsɛ. Sege bamii fede bo mo bo buu wu bo duu le,

30 ‘Mbwe wunɛ chi wu kɛ yeh yi ya wu ki wu mɛsɛ.’

31 Gɛh yɛɛɲyɛɛɲ tɛ, le nfon wu la wu goone ki wu tɪɲ jɛɲ bɛ nfon wumu wu gɛ ya wu shii fɛkuu bɛ bamii be wu kwajɛ laa tanlo wu bɛ bamii be ba jɛɲ ba banchvuge yuufe tɪɲ jɛɲ bɛ nfon wumu wu le bɛ bamii be ba jɛɲ banchvuge mbanfiɛɛ gɛ?

32 Wu nɛ le wu kwajɛ wu yɛɲ lɛ fi lɛ fi gɛ fi ghá wu, wu mo wu tɪɲ bamii be bamu bo gɛɛɲ bo yɛɲ nfon wumu wɛɛ le wu baan je yɪ ndefe le bo lɛgɛ wu lɛ nyiɛgee nyu a bo ntɛnɛɛ.

33 Fi mo fi nyu lɛ, muh wu baan chinɛ gɛ mwɛɛ mwe le munchii gɛ, wu gɛ nyu muh wan wu ngoo gɛ.

34 Nka le fiɛɛ fi joɲe. Geenɛ, sege yi chii, wo ge nɛɛ bɛ yi fɛ yi ka yi kaase yi jɛɲɛ?

³⁵ Tu yi le yi lɛɛ wa achiji. Gɛ yi baan no ba non mwene nje chvune gɛ. Yi le wa geh ɛ ba non lo. Muh wù keme bintun ki wu yû, wu yu.”

15

*Ngan kune shon yi gè lɛɛ
(Macho 18:10-14)*

¹ Bamii ba gè kooɗe ŋwa mo bamii ba befe bamu gè too fɛ Jiso le ki bo yegɛ fiɛɛ fi wu gè yeyi.

² Bafalashii bɛ bamii ba gè duunyi banchi ba Nyo kɛ bo tu bo shunshi, bo duu ɛ, “Muh wunɛ fii bamii ba befe wu ka jii mwɛɛ bɛ bo.”

³ Noo, Jiso mo wu ma ngan wunɛ bo le ɛ,

⁴ “Le muh wù la wu keme shón gwee, wu nɛ le wu lɛɛ yimimia. Wu gɛ chine yi banbvuuɛ ncho bvuuɛ le nchvuun wu gɛɛn wu goon yimimia yɛɛ yi lɛɛ, gɛɛne bude sege wu yɛn yi le sɛn? ⁵ Nɛ wu le wu goon wu yɛn, wu yu njon, wu tuu yi fɛgbwe,

⁶ wu kwɛɛde bɛ yi fɛ yeh le. Wu doo wu kwɛɛ bɛ yi, wu mo wu tɛɛn nsáa ye bɛ bamii ba chee mbebe ye le wu du ɛ, ‘Bɛn tɔ bee lanje nje shon yan yi be lɛɛ, ŋkaase n'yɛn yi le.’

⁷ Geh noo nseɛ bɛn le ɛ le geh yɛɛnyɛɛn no kinlanje kɔ baan lé ki nyû won wù fɛwe le, nje muh wu kimbefe wu mumwaa wu le wu kuse fitele fie. Bo lé bo lânje ye fɛ wuwɛɛ muh le fede bamii ba mbanbvuuɛ ncho bvuuɛ ba le chaan ba baan gɛ bo goone ŋkuse gɛ.

Ngan kune jise chi bige chi gè lɛɛ

⁸ Noo, laa le kwɛɛ wu la wù keme bige yuufe, jise nɛ le chi lɛɛ fo wu tu wu laame? Wu gɛ chu

kin'yesε wu yεεε, wu yεεε yeh, wu goonj chuule gεεη bu sege wu yεη gε?

⁹ Wu nε le wu goonj wu yεη, wu mo wu banyε nsáa ye bε bamii ba chee mbebe ye le wu du le, 'Bεη tō be lanje, jise chanj chi bige, chi be leεε, ηka ηkaase n'yεη chi le.'

¹⁰ Nsεηe bεη le le, le gεh yεηyεη no banchendaa ba Nyo lé bo lanje nje muh wu kimbefe wu mumwaa wu le wu kuse fitele fie."

Ngaη kune mwa wu gε leεε

¹¹ Jiso ka wu jεme le, "Muh mu gε kεmε boonj ba bilεηε bafεε.

¹² Wu ajinj mo wu ja wu jεmε wu le le, 'Chii, gaa bwanj bvushε wo nya mεne mεεε.' Noo, chiji mo wu ga bvushε bwεε bo le.

¹³ Mwa wu ajinj wεε fi bwe bvushε, le doo nyu ajinj a aju shige, wu baanyε bwe bvushε wu gesε wu mo wu la bala wonj wumu wu je yi ndefe le, wu mo wu gεεη wu tu wu jii kinganj wu chεηe bε bige biyu yi kinche ki achiji le.

¹⁴ Wu gε doo wu bunj bi ka, jεη yi tεεme ja yi koo wonj kwεε le, wu tu wu fuge fiεε fijile.

¹⁵ Noo, wu mo wu gεεη wu goonj lεme muh mu wu wonj kwεε le. Muh wεε mo wu tunj wu wu gεεη wu chiεene munyujja mwe.

¹⁶ Wu mo wu ja wu konje ki wu jii mwεε munjile mu munyujja to mu jii. Geenε muh gε nyaa gε wu bε fiεε fi wu ji gε.

¹⁷ Wu mo wu ke wu tu wu kwaji mwεε, le wu doo wu tεεη bvufee bwe jin, wu mo wu du le, 'Bamii ba lεne chii le bo kεmε mwεε munjile wesee mu yage bo, nε mε fεnε ηkwee bε jεη.

18 Nlé njâ we, ngêen fê chii le, ndu wu le ɛ, “Chii, nle nge kimbefe fê Nyo le mo fê wo le.

19 Gɛ mbaan nka nkooji ɛ ba ka ba tɛnɛ mɛ ɛ mwa yo gɛ. Jôo gɛh lo mɛ mɛɛse nje muh wo wu lɛme.” ’

20 Noo, wu mo wu ja wu tuu jin fê chiji le. Wu doo wu too wu bude wa mbebe la le, chiji non ajii wu yɛn wu le. Wu koo yii bɛ mwa ye, wu ja we, wu legɛ wu gɛɛn, wu kfugɛ wu, wu mo wu shinɛ wu.

21 Mwa wɛɛ mo wu jɛmɛ wu le ɛ, ‘Chii, nle nge kimbefe fê Nyo wu fɛwe le mo fê wo le. Mbaan gɛ nka nkooji ɛ ba ka ba tɛnɛ mɛ ɛ mwa yo gɛ.’

22 Geenɛ, chiji ka wu tɛɛn lo bamii be ba lɛme wu jɛmɛ le, ‘Bɛn gɛɛn chige, bɛn goon kikun kɪ jone chuule bɛn to bɛn non wu ye le bɛn ka bɛn leesɛ wu fincha kwaan le mo jé bikaa bie le.

23 Bɛn gɛɛn bɛn kòo kijunɛ ki naa wù fan bɛn sêɛ besabɛn jɪ be lânɛye,

24 nje mwa yan wunɛ chi bee wu kwe wa wu kaasɛ wu tu yu. Wu chi bee wu lɛsɛ wa, wu kaasɛ wu yɛnɛ.’ Noo, bo mo bo kɛ bo lanɛye.

25 Fiɛɛ finɛ gɛ kooshi noo, mwa wu ngamu gɛ bee nchvuun. Lɛ wu doo wu kwɛɛde, lɛ wu to wu bu mbebe la le, wu yu no ba kude bine ba bine.

26 Wu tɛɛn muh wu lɛme wumu wu biih laa ba bine nyu la ɛ.

27 Wu chvuu wu le ɛ, ‘Mwa bwoo le wu tu jin abɛn. Noo, chiji wene sɛɛ kijunɛ ki naa wù fan, nje wu bee wu yɛn mwa bwoo le wù nyu yu, wu tɛɛme.’

28 Wu yu noo shɛn ka yi toonyɛ lo wu, wu mo wu fan ki wu lêe yeh. Chiji bu wu gɛɛn wu tu wu choonɛ wu ɛ wu lee ye.

29 Geene, wu tu wu chvuu chiji le le, 'Bije yêh, nchi nlene wo le nje nfwá yi bilun biné le bichii, nge mbaan a nfan ge ki nge fiee fiun fimi ge. Wo ge mbaan a nya ge me mo bu mwa bi le nlanje yu besa nsáa yan ge.

30 Mwa yo wune wù chi gene wu bun bvushe be bikese ba le binjikuu, doo wu to, wo mo wo koo lo kijune ki naa wù fan wo see nje wu.'

31 Chiji chvuu wu le le, 'Mwa yan, besa wo le geh fene segechii, fiee fichii fi nkeme le ge fiun.

32 Geene, fi bee jone le bee lanje nje mwa bwoo wune chi bee wu kwe wa, wu kaase wu tu yu, wu chi bee wu lese wa, wu kaase wu yene.' "

16

Mwa leme wù gè ge kinfí

1 Jiso ka wu jem boon be ba ngoo le le, "Muh wu kwa wumu gè keme mwa ye wu leme wù wu gè gele le wu jine fe kwa we le. Wu ja wu yu le mwa ye wu leme wee bune lo bige bie.

2 Wu mo wu teen mwa ye wu leme wee wu biih wu le le, 'Fene fi n'yuge kune wo le la? Banye banwa bachii ba wo chi sanje kwa wan yo wo tô wo chvuu mene. Ge wo baan wo ka wo lene mene ge.'

3 Mwa ye wu leme wee geen wu shii wu kwaje le, 'No chiji kikwee kan kune wa be me fe leme le, nlé ngê nee? No nle nje nkeme bvunga bvú nlene be ji sen, nkeme bvuya ki nlege kilege.'

4 Wu mo wu ja wu kwaje le, 'Nle nkee wa fiee fi nlé ngê, fi le le sege ba kun be me fe leme le, nka nkeme nsán yí tanlo yi fii me yéh yiboo le.'

5 Noo, wu mo wu tɛɛŋ bamii ba gɛ kɛme fioo yi chiji kikwɛɛ ke wu mumwaa wu mumwaa. Wu fwe to wu biih wu le ɛ, ‘Wo laaŋe chiji kikwɛɛ kaŋ nɛɛ?’

6 Wu chvuu ɛ, ‘Le munkaan mu mɛɛ mù baan baan gwii.’ Wu jɛmɛ ɛ, ‘Kó ŋwa wo wu fioo wunɛ wo shíi fɛkuu chige, wo kúɛ wo sán ɛ le munkaan mbaansheŋ.’

7 Wu kaase wu biih muh mu le ɛ, ‘Wo laaŋe yo, nɛɛ?’ Wu chvuu ɛ, ‘Le bikiɛ bi agin gwii.’ Wu jɛmɛ ɛ, ‘Kó ŋwa wo wu fioo wunɛ wo kúɛ wo sán ɛ le bikiɛ mbanyaan.’

8 Chiji kikwɛɛ wù mwa lɛme wɛɛ gɛ yɛŋ no wu gɛ fige wu noo, wu ka wu bɛɛŋsɛ lo wu le wu le wu feefe baan.” Jiso mo wu mɛsɛ ɛ, “Bamii ba kinƙfuun kinɛ le feefe yi mwɛɛ mu bo gee le fede no bamii ba n'yuu feefe yi muboo mu le n'yuu le.

9 Noo, nɛɛmɛ bɛŋ le ɛ, bɛŋ jóde kwa wene wu fɛkuu fɛnɛ bɛŋ koodɛ nsán yu, fi le ɛ, sege wu ka, Nyo fi bɛŋ a wu yeh fɛ bɛŋ lé bɛŋ gɛ bɛŋ nyúme fo segechii.

10 Muh wù tanlo wu kɛɛ ki wu bíjɛ fɛ fiɛɛ fi shige le chuule tanlo wu kɛɛ ki wu bíjɛ tɛ fɛ fi kuge le. Muh wù fɛde kinfi yi fiɛɛ fi shige le, tu tanlo wu fige tɛ yi fi kuge le.

11 Nɛ bɛŋ le nɛ bɛŋ tanlo bɛŋ kɛɛ ki bɛŋ bíjɛ fɛ bvukuge bu fɛkuu fɛnɛ le sɛŋ, lé nya yɛɛŋ bɛŋ kwa wù nchiɛŋ?

12 Bɛŋ le nɛ bɛŋ tanlo bɛŋ kɛɛ ki bɛŋ bíjɛ fɛ fiɛɛ fi muh mu le chuule sɛŋ, ge nya yɛɛŋ bɛŋ fiena?

13 Gɛ nƙwa tanlo wu lɛne bachiji kikwɛɛ le bafɛɛ gɛ. Wu nɛ lɛne noo, wu báne wumu, wu kɔŋe wumu, kɛnɛ wu yuge wumu le chuule wu jode

wumu fɛkuu. Gɛ tanlo bɛŋ lɛne Nyo le bɛŋ ka lɛne bige le gɛ.”

¹⁴ No Jiso jɛme noo, Bafalashii yu mwɛɛ munchii bo ja bo tu bo buu lo wu, nje bo gɛ konɛ bige baan.

¹⁵ Jiso mo wu jɛmɛ bo le lɛ, “Le bɛŋ banɛ ba du-unyi ye lɛ bɛŋ lɛ bamii ba jonɛ a bamii fwe, geenɛ Nyo kee mwɛɛ munchii mu le muntele mwɛna le. Bɛŋ kɛɛ lɛ mwɛɛ mù bamii bɛɛŋse, le mwɛɛ mù Nyo jiinɛ mu kuufe ye fɛ wu le.”

Nchi bɛ bvunfonɛ bvɛ Nyo

¹⁶ Jiso ka wu jɛmɛ lɛ, “Gɛ bee fwɛɛle ba feeji nyu banchi ba Musɛ bɛ mwɛɛ mu bamii ba ntunɛ ba Nyo gɛ san. Geenɛ, kɛge no Jon gɛ to, bo tu bo feeji wa nyu saaka wù jonɛ wù kune bvunfonɛ bvɛ Nyo. Muh wuchii mo wu tu wu tanɛ ki wu lɛɛ antɛnɛɛ a bvunfonɛ bvɛ Nyo bvuyu le.

¹⁷ Fi le chige fɛ kibvulɛ bɛ nshɛŋ ka, fede fɛ jise chi ŋwa lɛsɛ achiji a ŋwa wu banchi le.

¹⁸ Fi nyume lɛ, muh kunɛ bɛ kwɛɛ, wu jo wumu, tu wu le wu ge kimbefɛ bvushi bvɛ Nyo le nje kinjan. Muh jo kwɛsɛ wu bu wa a muh yeh, tu mwɛdɛ le wu jo kwɛ muh.”

Lasulo bɛ muh kwa

¹⁹ Jiso ka wu ja wu jɛmɛ lɛ, “Muh kwa wumu gɛ bee yu, wu susɛ ye bɛ njú yɛ jonɛ yi kwa, wu jii ki kfuunɛ ke aju achii.

²⁰ Muh kifufe wumu nyu tɛ yu, jee che nyu Lasulo. Binɛkogo gɛ koo wu ye yichii. Ba gɛ gɛɛ wu wu shee wu gime jwe wu fwɛsɛ wu muh wu kwa wɛɛ le,

21 wu chiεene laa sege wu jii mwεε fieε shεε wu bonj wu ji la. No wu gε gime fo noo, bvú mεεse yi too yi laaji binjogo bie.

22 Yi kife kimi le, muh kifufe wεε kwe, banchendaa ba Nyo gε tuu wu bo gεεη bo gεε wu kijuse ki jone le mbebe Ablaham le. Muh wu kwa wεε gε kwe te ba jiiye wu.

23 Wu gεεη wù nyu wonj wu banjku le wu tu wù nyu fo yi nge wù baan le. Wu gε ja wu nonj ajii, wu yeη Ablaham le je yĩ ndefe le be Lasulo mbebe ye le.

24 Wu tεεη le, ‘Chii Ablaham, kóo yii fe mεne wo chíiηse Lasulo le wu lêese nyi yi kwaan yi kibo ke a joo le wu tô wu jĩεεse lemε chanj yu. Nle lo yi manlun mà baan le yi ngu kfunε le.’

25 Ablaham chvuu fie le, ‘Mwa yan, kwaje sege wo gε baan wo chee yi nshεη le. Wo gε keme mwεε mù jone munchii sege kεε, Lasulo yεne fie nyu nge. Mεεse Lasulo le yi bvujonj le, wo nyu yi malunj le.

26 Gε mε geh fine fieε maa gε. Wo kêe te le mεese kinjon ki baan le ba seesε le gε tanlo muh ja fεne wu danjε wu to fe wo le gε, gε tanlo te muh ja fe wo le wu danj wu to te fεne gε.’

27 Muh kwa wεε ka wu lege le, ‘Kii wo chii, tũη geh Lasulo fe bee kfuunj.

28 Nkeme boon ba bwεεη batεη, wu gêεη wu chíise bo le le bo yêne keefe bo tô te fe kijuse ki nge kinε le gε.’

29 Ablaham chvuu fie le, ‘Boon ba bwoo keme banwa ba Muse gε sanj be banwa ba bamii ba ntunj wu Nyo gε sanj, bo nyu bo yũge mwεε mu bo duu.’

30 Muh kwa wεε fanj wu jemε le, ‘Aay chii Ablaham, be bee nyu muh mu wù bu yi kwe le wu gεεη

wu feje bo le, tu bo bee bo yu bo kuse muntele muboo.’

³¹ Ablaham chvuu wu le le, ‘Bo fan ki bo yu fiεε fi Muse be bamii ba ntun wu Nyo duu, tu ge tanlo bo yu te mo fiεε fi muh wu bu yi kwe le jeme ge.’ ”

17

N'ye ye wu Jiso kune kimbefe be mbeme mo leme

¹ Jiso jeme boon be ba ngoo le le, “Ge mweε mù tele bamii fe bo gee kimbefe nyu nje mu lé mu nyû yu sen ge. Geenε, nge wù baan le fe muh wù tele le bamii gee bimbefe le.

² Fi jonε fe wu weε muh le le ba shen she ki bwee ki jene a kindon ke le, ba toon se wu a joo yî baan le, fede fe wù gee boon banε gee bimbefe.

³ Ben doo ben nyume ben yêne. Mwa bwoo ne le wu ge fiεε fi befe, wo jeme wu le. Wu ne le wu kuse, wo foose wu.

⁴ Wu ne le wu ge mweε mù mbefe fe wo le, kingane kinsooshwi yi juu le, wu kaase wu to wu ku chiaa le wu le wu jiaa, tu wo keme ki wo fôose wu.”

⁵ Boon ba Tada ba ntun ja bo jeme wu le le, “Gee le mbeme wese teeme chuule.”

⁶ Tada chvuu bo le le, “Nse ne ben nchiεε le, ben ne be keme mbeme wu le geh nje shan yî nsuu, tu tanlo ben du kite kî baan kinε le le ki muge ye, fene ki gee ki leε a joo yî baan le, tu ki lé ki mo ki yû lo ben le.

⁷ Ben jo le muh wu ngoo yene keme mwa ye wu leme, wu she wu lene mwene, kene wu be jiine nyu fe shón le, wu doo wu kweε, tanlo wu mo wu du

le mwa ye wu lɛme wɛɛ gɛɛn lo wu jo mwɛɛ mwe munjile wu shii wu jii?

⁸ Gɛ tanlo fi nyu noo gɛ. Fiɛɛ fi wu tanlo wu du le gɛ lɛ wu gɛɛn wu kûsɛ njú, wu sêesɛ mwɛɛ munjile mwe wu tô bɛ mu, wu mo wu chíɛɛne, wu doo wu jii mwɛɛ, wu muu, wu bânyɛ shú fɛ wu gɛɛn wu jii mwe.

⁹ Mwa ye wu lɛme wɛɛ ge mwɛɛ munɛ munchii, wu she wu nyaa wu kiyone?

¹⁰ Le gɛh yɛɛnyɛɛn no fiena le. Bɛn doo bɛn ge wa lɛme chí ba gɛ nya bɛn le chi ka, bɛn du lɛ, ‘Bee le gɛh lo fiesa boon ba lɛme, bee le be ge wa lɛme chesa.’ ”

Jiso fɛ bamii ba gon yi baan yuufe

¹¹ Jiso gɛ gɛɛne Yɛlusalɛm, wu fedɛ a kijwe ki won wu Samaliya bɛ ki Galalee le.

¹² Wu gɛ gɛɛne wu doo wu leese ntɛ wumu le, bilɛɲsɛ bamu yuufe ba gɛ chɛne bɛ gon yi baan yɛn wu le bo nyu je yi ndefɛ le,

¹³ bo mo bo tɛɛn bɛ jɛ yi tɛɛme lɛ, “Jiso chiji kikwɛɛ, koo gɛh yii fɛ bee le.”

¹⁴ No Jiso yɛn bo le, wu jɛmɛ lɛ, “**Bɛn gɛɛn bɛn dûnyɛ ye yɛnɛ bachiji kintanyɛ le.**” No bo ja bo gɛɛne bo mo bo tɛmɛ bo yuu bo baan a je.

¹⁵ Muh mu a bo antɛnɛɛ yɛn lɛ wu le wu tɛmɛ wa, wu kaasɛ wu tu jin fɛ Jiso le wu yuuse Nyo fɛwɛɛwe.

¹⁶ Noo, wu gɛɛn wu mo wu gwe a Jiso jii, wu nya wu kiyone. Muh wuyu gɛ bee muh wu Samaliya.

¹⁷ Jiso jɛmɛ lɛ, “**Bamii bee yuufe ba mbe nɛ bo mo bo yuu, ba bvuugɛ le faane?**

¹⁸ **Fi le lɛ muh baan nyu gɛ yu, wù yɛn lɛ wu lé wu kâasɛ wu tu jin wu nya mbɛɛɲsɛ Nyo le fedɛ ntolo wunɛ gɛ?”**

¹⁹ Jiso mo wu jemε wu le le, “Ja we wo gêene fiuη. Fitele fi wo lese yi ye yaη le, le fi ge wa wo tεme.”

*Bvunfon bvυ Nyo bvυ mεεse bε bvυ too
(Macho 24:23-28,37-41)*

²⁰ Bafalashii γε ja bo biih Jiso le laa bvunfon bvυ Nyo bvυne le bvυ to sege la le. Wu chvuu le, “Ge njiηe nyu yu wù lé wu gê wu dûnye sege Nyo lé wu gê wu kê wu sâge bvunfon bwe bvυne γε.

²¹ Ge muh nyu yu wù lé wu gê wu dû le, ‘Beη jîηe beη yêη, ne Nyo wune wu sage fεne’, keηe le, ‘Ne wu wege wu sage fεge γε.’ Beη yêge beη yû, bvunfon bvυ Nyo le nyu a beη nteηε.”*

²² Wu mo wu kaase wu jemε wa nyu boon be ba ηgoo le le, “Kife too lo kî beη lé beη gê beη gôone ki beη yêη muh wù jee che le Mwamuh le geh yi juu le chimimia, beη γε yeη γε.

²³ Lé gê nyû kife keε le bamii bamu duu le, ‘Beη jîηe beη yêη, ne muh wege fεge’, keηe le, ‘Beη jîηe beη yêη, ne muh wune fεne.’ Bo doo bo jemε noo, keefe beη bîi bo le γε. Keefe beη gêene beη biji γε.

²⁴ Beη kee no jaη to yi lale we ne mwamwamwa, abu a won a ana le achii yuu ne mwaan, bamii bachii yeη. Le geh yeηyeη no bamii bachii lé bo tô bo yêη muh wù jee che le Mwamuh le juu chî wu kaase wu too.

²⁵ Geene, no wu lé wu gê wu gêene, fe wu kaase wu to, lé wu kême ki wu yâ wu yêη banγε ba duude kingoge ki mεεse kine faη wu.

* **17:21** Keηe le, “Bvunfon bvυ Nyo le nyu a muntele mu bamii le.”

26 Gêh yeenyeen no fi gè bee kife kî Nyua le, nyu gêh no fi lé fi gè fi nyûme kife kî muh wù jee che le Mwamuh.

27 Bo gè jii mwêê, bo ka muu, bikese bε bilenεε taashe bvuguu, bamii nyaa boon ba taashi bvuguu bε bo, gēen bu juu chi Nyua gè lese a nguh le, joo gè bu yi to yi leeshe bo bachii.

28 Fi lé fi gè fi nyû te gêh yeenyeen no fi gè bee kife ki Lod le. Bamii gè jii mwêê, bo muu, bo kame waan, bo lene ηε, bo ka joone yéh.

29 Juu chi Lod gè bu Sodom, Nyo mo wu shiishe ngu we wu shiide wu bede nje munkan, wu shii wu mo wu leeshe bamii ba Sodom bachii.

30 Le gêh no fi lé fi gè fi nyûme juu chi muh wù jee che le Mwamuh lé wu gè wu jâge wu bunε.

31 Lé tô nyû abvu bwêê, keefe muh wu le kigo ki yeh le, mwêê mwe nyume yeh, ka wu shii ki wu lêe yeh le wu jo fiεε fi le yeh gε. Yeenyeen te, keefe muh wu le nchvuun ka wu kwêede ki wu tô wu jo fiεε gε.

32 Bεn kwâji fiεε fi gè kooshe bε kwε Lod.

33 Muh wù goone ki wu bâji kinche ke le keefe wu lese gε, tu wu lé wu lêε lo. Muh wù lese kinche ke tu wu lé wu bâji lo kinche ke.

34 Nduu bεn le le, lé gè nyû kintan keε le, bamii lé bo gè bo gîme fenta bafεε, ba jo wu mumwaa wu mumwaa sheε.

35 Bikese bafεε lé bo gè bo gôge bvuleen fe jεen, ba jo wu mumwaa wu mumwaa sheε.

36 [Bilenεε bafεε lé bo gè bo nyû mwene, ba jo wu mumwaa wumu sheε.”]†

37 Boon be ba ngoo biih wu le le, “Tada, fiεε fiyu lé fi gè fi kôoshe nyu faan?” Wu chvuu nyu a ngan

† 17:36 Gε banwa ba kege bamu keme kinchin kine gε.

le le, “Fε gvune chi fιεε to chi nyume fo le geh fo fε bangvulun to bo taashi fo.”

18

Ngan kune kwεηkfu bε muh wù sage bansa

¹ Jiso mo wu ma ngan wumu ki wu yêye boon be ba ηgoo, le bo keme ki bo bûune segechii bo ya fwεene γε.

² Wu jemε le, “Muh wù sage bansa wumu gè bee a kinlaantenj kimi le, wu faane γε Nyo γε, wu yede γε jise chi muh le γε.

³ Kwεηkfu wumu gè bee tε a kinlaantenj kεε le. Wu gè γεene segechii wu kude chiaanj muh wù sage bansa wεε le le wu fih wu ki wu sùune nsa we bε muh we wu kimbane.

⁴ Muh wεε leese γε gvune atunu γε, kwεηkfu wεε mε geh wu γεene fo. Ajinj ayu muh wεε jemε kikwεε ke le le, ‘No nle fεne γε nfane Nyo γε, γε muh kooji fιεε a mε jii γε,

⁵ geenε no kwεηkfu wune too geh wu fuunse mε nε, nlé n'yêη le nlé nsùune nsa we no wu goone, fuge noo sen, tu wu lé wu mε geh wu tôo wu jêese mε nε, muh lé wu já wu kwê lo a wu bo.’ ”

⁶ No Tada ma noo, wu mo wu jemε le, “Bεη yu fιεε fi muh wu gè sage bansa ba kinfι, wune γε jemε.

⁷ No wu γε fi kwεηkfu wεε nε, γε tanlo Nyo fi tε bamii be ba wu le wu cha wa ba beede fε wu le antanj bε fεnshe γε? Tanlo wu tu wu chiide lo ye?

⁸ Nseηe bεη le le Nyo lé wu sùune lo nsa wuboo chige. Geenε muh wù jee che le Mwamuh doo wu kaase wu too, wu lé wu yêη bamii nyu yu ba leese muntele yi Nyo le fεkuu fεne noo?”

*Ngan kune muh wu Bafalashii be muh wu koode
ηwa*

⁹ Jiso ja wu ka wu ma ngan wumu, nyu bamii ba gè yede ye yiboo le, le bo le bamii ba chaan, bo mo bo tu bo nyien̄se lo bamii bamu.

¹⁰ Wu jem̄ le, “Bamii bamu baf̄e gè bee bo b̄en̄ bo ḡen̄ yeh yi kintanȳ le, ki bo buun̄. Muh mu gè bee muh Bafalashii, wumu nyu muh wu koode ηwa.

¹¹ Bo ḡen̄ bo lee yeh yi kintanȳ le, muh wu Bafalashii w̄e ḡen̄ wu l̄en̄ fie wu mo wu buun̄ le, ‘Nyo, nnyaa wo kiyone n̄je ḡe m̄e nyume n̄je bamii bamu ḡe. Ḡe n̄ȳede ajii yi mw̄e le ḡe. Ḡe n̄fige kinfi ḡe. Ḡe n̄jan̄e bik̄e bamii le ḡe, ḡe m̄e nyume t̄e n̄je muh wu koode ηwa wege ḡe.

¹² Nto mbane mw̄e munjile aju afaa yi kima le. Nto nnyaa kimbe kimimia wo le a n̄ten̄e a bimbe yuufe bi mw̄e munchii mu ηk̄eme.’

¹³ Geen̄, muh wu gè koode ηwa w̄e ḡe l̄en̄ fie je ȳi ndefe le, wu ḡe bij̄e mo we ḡe, wu so kikw̄e, wu koo yii, wu mo wu buun̄ le, ‘O Nyo, nle fian̄ muh wu befe, k̄oo yii f̄e m̄ene.’ ”

¹⁴ No Jiso ma n̄e, wu mo wu du le, “N̄s̄en̄e b̄en̄ le le muh wu gè koode ηwa w̄e ḡe bu wu bohge a wu yeh, wu nyu chaan̄ a Nyo jii fede muh wu Bafalashii w̄e. Le geh̄ ȳen̄ȳen̄ no muh wuchii wu b̄en̄se ye ye, lé ba nȳu ba ḡe ba shiish̄e lo wu, muh wuchii wu shiishi kikw̄e ke, ba lé ba ḡe ba b̄en̄se lo wu.”

*Jiso kon̄e boon̄ ba shige shige
(Macho 19:13-15; Maliku 10:13-16)*

¹⁵ Bamii gè ja bo too bε boon ba shige shige fε Jiso le le wu kun bo le. Boon be ba ngoo yεn noo, bo tu bo leese lo bo.

¹⁶ Geenε, Jiso tεεn boon bayu le bo tōo, wu mo wu jεmε boon be ba ngoo le le, “Bεn chīnε boon ba shige shige too fε mεne. Keefε bεn jēese bo gε, nje bvunfon bvū Nyo, le nyu fε bamii ba le nje boon banε le.

¹⁷ Nsεnε bεn nchiεεn le, muh wù baan fi gε bvunfon bvū Nyo nje mwa wù shige gε, tu gε wu nyu wu gε wu lee fε bvunfon bvuyu le gε.”

Jiso bε muh kwa

(Macho 19:16-30; Maliku 10:17-31)

¹⁸ Muh wù baan wumu bih Jiso le le, “Muh wu N'yeyε, wo wù muh wù jonε, fiεε fi nkεme ki nge fε nkεmε kinche kī kage gε, le la?”

¹⁹ Jiso bih wu le le, “Wo tεnε mε le muh wù jonε nje la? Gε muh nyu yu wù jonε gε. Mε gεh Nyo maa wù jonε.

²⁰ Geenε, ki ntu jin yi fiεε fi wo be bilε le, wo kee gε banchi ba duu le,

‘Keefε wo jân kwε muh gε,

keefε wo yûuyε muh gε,

keefε wo chôn bvuchon gε,

keefε wo bēε jin yi nsa wu chimbian gε’,

bε le,

‘Wo ngvûune chijo bε bwoo’ gε?”

²¹ Wu chvuu le, “Banchi banε bachii nge nkε wa ngεede mbaan chumu.”

²² Jiso yu noo, wu jεmε wu le le, “Tu fiεε le fi shεε fimimia fi wo baan wo ge. Genε, wo gesε mwεε mwun munchii, wo ga bige biyu bamii ba fuude

le, wo mo wo keme nchvu nyu won wù fewe. Wo doo wo ge noo, wo mo wo tô wo bí mène.”

²³ Geenε le wu yu noo, ye mo yi woon lo wu, nje wu gè keme kwa baan.

²⁴ Jiso biji wu nε, wu jemε le, “Fi tεeme baan fε muh wu kwa lee fε bvunfon bvu Nyo le.

²⁵ Fi le chige fε nyambala le* ki yi lêe a jise chi nsala le fede fε muh wu kwa ki wu lêe yi bvunfon bvu Nyo le.”

²⁶ Bamii ba gè bee fo yu noo, bo biih le, “Finε le noo, yu to bone yεε?”

²⁷ Geenε Jiso chvuu le, “Gε fiεε fi ghage bamii ki bo ge tanlo fi gha Nyo no wu ge gε.”

²⁸ Bita jemε wu le le, “Bijε yêη, bee le be chinε wa mwεε mwesa le, bee tu be bii wo le.”

²⁹ Jiso chvuu bo le le, “Nσεη βηη nchiεη le, gε muh nyume yu wù le wu chinε la che le, kεne kwεε le, kεne boon ba bwee le, kεne chiji le be bwee le, kεne boon be le, nje bvunfon bvu Nyo,

³⁰ wu ge wu nyu wu nyume nje wu kemε bamii be mwεε wesee yi kinkfuun kinε le yage mù wu chinε le gε. Lé tô nyûme yi kife ki kinkfuun kî too le, wu kême kinche kî kage gε.”

Jiso ka wu jemε kune kwe ye

(Macho 20:17-19; Maliku 10:32-34)

³¹ Jiso ja wu jo boon be ba ηgoo ba yuufe ncho bafεε be bo kenεε yo. Wu jemε bo le le, “Bη yêgε βηη yû, bee bεene wa bee gεene Yelusalem, sege bee bεη be bu yo, fiεε fichii fi bamii ba ntun wu Nyo gè san kune muh wù jee che le Mwamuh lé fi tô fi koje.

* **18:25** Nyambala yine le a je yi bala le le, “kamel.”

³² Fi mo fi tu fi nyu le ba lé ba nyâ wu chiaaŋ yi bituŋ le, ba chwεεse wu, ba naanyi wu, ba chuuyi wu bε nchwene ye ye le.

³³ Ba taane wu bε munte, ba yuuyε wu, ge doo nyume aju atade, wu bu yi kwe le.”

³⁴ Jiso jemε noo, fi fuuŋsε bo, bo baan kεε gε laa wu jemε le la le, nje fīεε fimi gè ge le fε bo kεε gε.

Jiso gwenyε ajii a kinfeen

³⁵ Jiso gè doo wu fede a kinlaantεŋ ki Jelikulu le, kinfeen kimi shii jwe wu je le, ki lεge mwεε.

³⁶ Wu yu no kinchvu ki bamii kfuunε ki fede, wu mo wu biih laa le la le?

³⁷ Bo chvuu wu le le, le Jiso wu Nasale wu fede.

³⁸ Wu mo wu kε wu tu wu wane le, “Jiso, Mwa Nfon Dabi, kôo yii fε mēne.”

³⁹ Bamii ba gè saa fwe, waŋ wu bo jemε le wu ban lo. Geenε wu ka wu mεsε lo wu waŋ fεwεεwe le, “Mwa Nfon Dabi, kôo yii fε mēne.”

⁴⁰ Jiso yu, wu lεεŋ wu jemε le bo to bε wu. Bo to bε wu, Jiso biih wu le le,

⁴¹ “**Wo goone le ŋge la fε wo le?**” Wu chvuu le, “Tada, gēε le ŋka yεnε mwεε le.”

⁴² Jiso mo wu jemε wu le le, “**Wo yēne la mwεε le. Fitele fiuŋ fi wo lese yi ye yaŋ le, le fi ge wa ajii awo gwenyε.**”

⁴³ Kimimia noo, wu mo wu kaase wu tu wu yede mwεε le. Wu mo wu ja wu tu wu bii Jiso le wu tume maŋkuŋ ma Nyo. Bamii bachii ba gè bee fo yεŋ, bo nya mbεεŋsε Nyo le.

19

Jiso bε Sakio

¹ Jiso gεεη wu lee a kinlaantεη ki Jεliku le, wu fede.

² Muh mu gè bee yo jee che nyu le Sakio, nyu chiji kikwεε ki bamii ba koode ηwa, nyu tε muh wu kwa.

³ Wu gè goone ki wu yêη Jiso le no wu fede. Geenε, fi ya wu nje wu gè kfufe lo, kinchvu ki bamii banε wu.

⁴ Wu mo wu legε wu gεεη fwe, wu gεεη wu bεεη yi kite kimi le le Jiso ge doo wu fede wu yεη wu le. Nje wu gè bee ki wu fê je yo.

⁵ Jiso gεεη wu bu fo, wu nonη ajii wu yεη wù le fεwe, wu tεεη wu le, “**Sakio, shîle chige wo tô, nje ηkεme ki nche a wo yeh a bεη.**”

⁶ Wu mo wu tεeshε lo wu shii yi kite kεε le, wu fi Jiso bε kinlanje.

⁷ Bamii bachii ba gè yεη no Jiso gè gεεne bε wu, bo mo bo kε bo tu bo shunshi bo duu le, “Muh wunε gεεne wa ki wu gêεη wu che bε muh wù befe wunε.”

⁸ Lε bo doo bo gεεη bo nyume Sakio ja wu lεεη we wu jεmε Jiso le le, “Tada, bîje yêη, nlé ngâ mwεε mwanη antenεε nya bamii ba kifufe le. Nε ηgè mbee nfi wa muh, tu nlé ηkâase nchvuu kingane kinεh, mwεdε le.”

⁹ No Jiso yu noo, wu jεmε wu le le, “**Yi abεη le, nfi le wu to wa yeh kfune, no chiji la chine le tε mwa Ablaham.**

¹⁰ Muh wù jee che le Mwamuh gè to ki wu gôonη bamii ba le bo lεsε wa, wu bvusε bo.”

*Ngan kune bige
(Macho 25:14-30)*

¹¹ No bamii gè yege no Jiso jεmε mwεε munε, wu ja wu mo wu gεεη fwe wu ma ηganη wumu bo le, nje

gè sheshi wa shige wu lee Yelusalem, bamii kwaji le segemu Nyo le wa ki wu kê wu sage bvunfon bwe.

¹² Wu jemε le, “Gè bee kife kimu, mwa nfon wumu ja won wuboo le wu gεεn won wumu le, je yĩ ndefe le, le ba gεεn ba ghaa wu nfon le, fε wu kaase wu to wu sage bvunfon bwe.

¹³ Wu gè doo wu jade, wu tεεn boon be ba lεme ba yuufe, wu ga bige bo le kikεε kikεε, wu jemε le, ‘Bεn kô, bεn shêε bεn gêe waan yu fε ntoo.’

¹⁴ Wu mo wu ja, bamii ba won kwεε le gè bane wu baan. Bo mo bo shεε bo tun bamii a wu jin le, bo gεεn bo du le gε bo kone muh wεε le wu nyume nfon wuboo gε.

¹⁵ Ba gè gεεn gεh ba ghaa wu. Sege wu gè tu jin wu nyu wu fi wa bvunfon, wu du ba tεεn boon be ba lεme baa ba wu gè ga bige bo le, ki wu yêñ laa bo gè shεε bo ge waan bo kεmε mbe la.

¹⁶ Wù fwe to wu jemε le, ‘Chiji wese, kikεε kun ki bige kĩ wo gε nya mεne, nle nshεε nkεme mbe yo bikεε yuufe.’

¹⁷ Wu yu jon, wu choonε wu, wu jemε le, ‘Wo le mwa lεme wù jone. No wo le wo shεε wo kεε ki wo bĩje fε fiεε fi shige le. Noo, nlé ngêε wo wo sâge bantε yuufe.’

¹⁸ Wù bii fo tε to wu jemε le, ‘Chiji wese, kikεε kun ki bige kĩ wo gè nya mεne nle nshεε nkεme mbe yo bikεε bitεn.’

¹⁹ Wu jemε wu le le, ‘Nlé ngêε wo wo sâge bantε batεn.’

²⁰ Mwa lεme wumu to wu jemε fie le, ‘Chiji wese, kikεε kun ki bige kinε nle nshεε kaan a nchanja yi nju le ngεε.

21 Nchi gɛɛde nje wo tɛɛme ajin, nfane wo. Wo gɛ beɛ nje wo le wo gɛɛ sɛn, wo mo wo to wo jo lo. Doo nyume nje wo le wo mboon fiɛɛ sɛn, wo mo wo to wo gweji lo.'

22 Chiji kikwɛɛ we jɛmɛ wu le lɛ, 'Wo le mwa wù befe. Njɛmɛ wù bu jwe wo le le wu, wù nlé njo nsa wo yu. Wo gɛ kee lɛ ntɛɛme ajin, njode fiɛɛ nje nle ngɛɛ sɛn, nle nje mboon fiɛɛ sɛn mo nto gweji lo.

23 Wo gɛ doo wo kee noo, gɛ ge la fɛ wo jo bige bian wo gɛɛn wo gɛɛ a nchvu le sɛn, wu lɛ sege nkaase nto nfi bɛ mbe?'

24 Wu mo wu jɛmɛ bamii ba gɛ lɛmɛ mbebe ye le lɛ, 'Bɛn fi kikɛɛ ki bige kiyu a wu le, bɛn nyâ muh wù kɛmɛ bikɛɛ bi bige yuufe le.'

25 Bo kaje lo, bo jɛmɛ lɛ, 'Chiji kikwɛɛ, wù kɛmɛ wa bikɛɛ bi bige yuufe.'

26 Wu jɛmɛ lɛ, 'Nsɛnɛ bɛn le lɛ muh wù kɛmɛ fiɛɛ lé ba nyû ba bîsɛ. Geenɛ muh wù kɛmɛ gɛ, fi shige fi wù kɛmɛ lé ba nyû ba fi lo a wu le.

27 Yi mɛɛsɛ le, bamii baa ba gɛ banɛ mɛ, bo fanɛ lɛ keefɛ mɛ nyû nfon wuboo gɛ, bɛn gɛɛn bɛn tô bɛ bo bɛn yûuyɛ a mɛ jii.' "

Ba fi Jiso Yɛlusalem nje Nfon

(Macho 21:1-11; Maliku 11:1-11; Jon 12:12-19)

28 Ajin ayu no Jiso gɛ jɛmɛ mwɛɛ munɛ, wu mo wu ja wu tu wu saa fwe wu bɛɛnɛ wu gɛɛnɛ Yɛlusalem.

29 Sege wu gɛ doo wu fɛɛsɛ ntɛ wù Bɛfash bɛ wù Bɛtani le, bo nyume mbebe yi mbegɛ wu Bite bi Olif le, wu mo wu baa boon be ba ngoo bamu bafɛɛ wu tun bo,

30 wu jɛmɛ lɛ, "Bɛn gɛɛn ntɛ wù fwe wege le. Bɛn doo bɛn lese yo, bɛn yɛn mwa jaki le, ba shuudɛ wù

muh gɛ baan yu we a bɛɛn gɛ, bɛn faanyɛ bɛn to bɛ wu fɛnɛ. ³¹ Bɛn doo bɛn faanyɛ, muh nɛ le wu biɪh laa bɛn faanyi nje la lɛ, bɛn chvuu lɛ Chiji Kikwɛɛ goone lo.”

³² Boon ba ngoo baa gɛ gɛɛn bo yɛn fɛɛ fichii nyu gɛh yɛɛnyɛɛn no wu be jɛmɛ.

³³ Bo gɛ doo bo faanyi mwa jaki wɛɛ, bamii ba gɛ kɛmɛ biɪh lɛ, “Bɛn faanyi mwa jaki wɛɛ nje la?”

³⁴ Bo chvuu lɛ, “Chiji Kikwɛɛ goone ki wu bɛɛn yu.”

³⁵ Bo mo bo jo bo to bɛ wu fɛ Jiso le, bo dɛn bikun biboo yi jaki wuyu wɛɛ le, bo mo bo bɛɛn sɛ Jiso yu we.

³⁶ Wu ja wu gɛɛnɛ, bamii dɛnɛ bikun biboo a je, wu fedɛ yu.

³⁷ Wu gɛɛn, lɛ wu fɛsɛ fɛ je yɪ bohge a mbegɛ wu Bite bi Olif le, kinchvu ki bamii be ba ngoo bachii janɛ, bo tu bo wuule bo yuuse Nyo fɛwɛɛwɛ, nje bɪŋgha bi mwɛɛ bichii bɪ bo gɛ yɛnɛ le.

³⁸ Bo tu bo wuule bo duu lɛ, “Nyo le wu non kimbonɛ yi Nfon wù too a jee chi Tada le. Nyiɛgee le fɛwɛ, bvukugɛ nyu bvɛ Nyo wù fɛwɛ le.”

³⁹ Bafalashii bamu ba gɛ bee a kinchvu kɛɛ ntɛnɛɛ mo bo ja bo jɛmɛ Jiso le lɛ, “Muh wu N'yɛyɛ, dɹ lɛ bamii bun ba ngoo banɛ bɹn lo.”

⁴⁰ Jiso chvuu lɛ, “Nɛnɛ bɛn le lɛ bo be ban lo, ata kanɛ wuule gɛh lo.”

⁴¹ Jiso doo wu bu mbebe Yɛlusalɛm le, wu biɛ yo nɛɛ, wu kɛsɛ bɛ kwe,

⁴² wu tu taanyi lɛ, “O Yɛlusalɛm, nɛ bɛn banɛ be kee fɛɛ fi tanlo fi to bɛ kimbonɛ fɛ bɛn le yi juu chi abɛn le! Geenɛ mɛɛsɛ gɛ tanlo bɛn kɛɛ gɛ.

⁴³ Noo, beŋ kêe le kife too lo ki bamii bena ba kimbanε lé bo nyû bo gê bo tô bo jôonj kitanj bo geŋ beŋ bo keŋε, bo baŋ beŋ antenj bimbe bichii.

⁴⁴ Bo lé bo gê bo lêe bo lêeshε lo beŋ mo boonj bena, bo sa yeh yene, tede ge sheε yi chimi le ge. Fi lé fi gê fi kôoshε noo, nje beŋ baanj keε ge kife kî Nyo gè to fε beŋ le ge.”

Jiso kunj bamii ba waan fε yeh yi kintanyε ki Nyo le

(Macho 21:12-17; Maliku 11:15-19; Jon 2:13-22)

⁴⁵ Jiso geεŋ fε yeh yi kintanyε le, wu ke wu kunje bamii ba gè gese mwεε fo,

⁴⁶ wu duu bo le le, “**Fi le ba sanj le Nyo duu le, ‘Yeh yanj le yeh yi buunε.’**
Geenε beŋ kaase yi tu ‘Bvuta bvû bachonj.’”

⁴⁷ Jiso shee wu yeyi bamii fε yeh yi kintanyε le aju achii. Bachiji kintanyε ba baan baan bε bamii ba gè duunyi banchi ba Nyo, mo bamii ba baan baan ba yo tu bo weede ki bo yuuyε wu.

⁴⁸ Geenε bo ge kemε je ge, nje bamii bachii gè shee geh lo mbebe Jiso le, bo goone ge ki bo sho lo fiεε fimimia fε mwεε mù wu gè yeyi le ge.

20

Bamii ba wonj biih fε Jiso jo bvunja fo
(Macho 21:23-27; Maliku 11:27-33)

¹ Le nyu juu chimi Jiso yeyi bamii, wu ka feeji saaka wù jonε wu Nyo bo le fε yeh yi kintanyε le. Bachiji kintanyε ba baan baan bε bamii ba duunyi banchi ba Nyo, mo bamii ba sage wonj to,

² bo biih wu le le, “Geh sêen bee mu wù nya wo bvunga le wo gêe mwêe munê? Nya yêen bvunga bvuyu wo le?”

³ Jiso chvuu bo le le, “Mε tε nlé mbîi bεn fîεε. Bεn sêen mεne mεεεe.

⁴ Bvunga bvù Jon gè leese bamii yu a joo gè ja fεwe noo gè nya muh wu wun le?”

⁵ Bo mo bo koo nchvuun lεbolεbo le, “Bee chvuse le gè nya Nyo, wu biih bee le laa gè ge la le fε bee bεen Jon le la?”

⁶ Bee chvuse le gè nya muh wu wun, bamii bachii tume bee bε ata, nje bo gè bεen le le nchiεen le Jon gè bee muh wu ntun wu Nyo.”

⁷ Noo, bo mo bo chvuu le, “Gε bee kee muh wu gè nya gε.”

⁸ Jiso mo wu jεmε bo le le, “Tu gε mε nyu nsεen tε bεn muh wù nya bvunga mεne le ngêe mwêe munε yu gε.”

*Ngan kune bamii ba bo gè gεle mwene
(Macho 21:33-46; Maliku 12:1-12)*

⁹ Jiso mo wu ja wu ma ngan bamii le le, “Muh mu gè len mwε wu muntan mu mbvuun. Wu gεε mwε kwεε bamii le, wu mo wu ja wu gεen kitun kimi le, wu gεen wu che yo wesee.

¹⁰ Kife kî ba to ba kege muntan gè to ki kojε, wu tun mwa ye wu lεme le wu gεen wu fi mwe muntan. Wu gεen, bamii baa ba wu gè gεle mwε wu muntan kwεε bo le, bo sun lo wu, bo kun bε wu, wu tu jin chiaan chiaan.

¹¹ Muh wεε ka wu tun mwa ye wu lεme wumu, bo ka bo sun wuwεε, bo choose lo wu, bo kun wu, wu tu jin chiaan chiaan.

12 Wu ka wu tun wumu kintede, bo junse wu, bo nonj wu akfuun.

13 Muh wu mwe wu muntan kwee kwaje le, 'Nlé ngê nee? Nlé ntun wa meese nyume mwa yan wu le fitele fian. Segemu bo geeŋ bo gvuun wu.'

14 Geene bamii baa ba wu gè gele mwe kwee bo le bo yeŋ wu le, bo nchvuun nchvuun lebolebo le, 'Wune le njibvushè bvū muh wu mwe kfunè. Bee yuuyè wu bee mo be jo mwe kfunè.'

15 Bo mo bo koo wu, bo bvuse mwene kwee bo yuuyè."

No Jiso ma noo, wu mo wu biih le, "Beŋ kwaji le muh wu mwe kwee le wu to wu ge nee be bamii baa?

16 Nseŋe beŋ le le wu lé wu gê wu tô wu lêeshè lo bamii bayu, wu gee mwe kwee nyu wa bamii bamu le." No bamii yu noo, bo kaje lo le, "Nyo lôŋse lo."

17 Jiso biŋe bo nee, wu biih le, "Tu finè fi ba sanj a Nwa wu Nyo le jeme le la, fi le le, 'Tede chiyu chiee chi bamii ba joone gè fan, gè kaase chi tu tede chi buu chi yeh?'

18 Tede chiyu chine le chi chi muh gwe yu wu chiaafe lo, chi gwe yi muh le, chi baaje lo mwede."

Mbile kune noonj nwa

(Macho 22:15-22; Maliku 12:13-17)

19 No Jiso ma nğan wune ne, bamii ba gè duunyi banchi ba Nyo be bachiji kintanye ba baan baan mo bo goone le bo koo wu kife kee le. Bo gè goone ki bo koo wu nje bo gè kee le wu gè ma nğan wee nyu bo le, geene bo faane bamii.

20 Bo tu bo bii bikaa bie le, bo ke bamii, bo tun bo geeŋ bo keeyi wu, bo buuse le bo le bamii ba chaan.

Bo gè gee noo ki bo yu fiεε jwe we le, bo mo bo koo wu bo nya chiaanj yi muh wù sage kimbe kǐ Lum kεε le.

²¹ Bamii bayu mo bo ja bo biih wu le le, “Muh wu N'yeyε, bee kee le mwεε munε mù wo jεme mo mù wo yeyi le mu kooji, gε wo jiine jise chi muh gε. Wo yeyi nchiεεn nyu fiεε fi Nyo goone le bamii gée.

²² Bee mo bee biide le laa, nchi le wu bεεn le bee laanje nwa Kaisa Nfon wu Lum le?”

²³ Jiso kεε fiεε fi bo wεεne bε fi, wu jεme le,

²⁴ “**Bεn tō bε danale wu mumwaa n'yεn.**” Bo to bε wu, wu biih le, “**Kikwεε kinε kǐ le yu le ki yεεn, jee chinε le chi yεεn le?**” Bo chvuu le, “Le ki Kaisa, jee le tε che.”

²⁵ Jiso mo wu jεme le, “**Bεn nyâa Kaisa le fiεε fi le fi Kaisa, bεn nyâa Nyo le fi le fi Nyo.**”

²⁶ Bamii baa yu fi fuunεε bo, bo mε geh jwe wuchile bo ka kεme gε fiεε fi bo koo wu yu a bamii jii gε, antεnεε a mwεε mù wu gε jεme le.

Mbile kune bu yi kwe le

(Macho 22:23-33; Maliku 12:18-27)

²⁷ Bamii bamu ngoo yi Basadushii le gè ja bo to fε Jiso le. Basadushii banε gè bee bamii ba gè duu le gε bamii nyu bo ge bo bu yi kwe le gε.

²⁸ Bo biih wu le le, “Muh wu N'yeyε, Musε gè san a nchi wese le le,

‘Nε muh kεme kwεse wu kwe njε bε wu le bo boo mwa sεn,

tu mwa bwee kεme ki wu gêε kwεse wuyu, bε wu boo boon a jee chi nkfu mwa bwee le.’

²⁹ Mεεse, boon ba muh mu gè bee bvusooshwi, mwa wù ngamu gè kεme kwεse, wu kwe bε kwεε kεme gε mwa gε.

30 Mwa wù gè bii wu le gɛɛ kwɛsɛ wɛɛ, wu kwe tɛ mwa sɛŋ.

31 Wù gè ka bii wu le, ka wu gɛɛ tɛ kwɛsɛ wɛɛ, wu kwe tɛ mwa sɛŋ. Fi gè kooshɛ noo bɛ boon ba bvusooshwi baa bachii, muh bo le baan boo gɛ mwa bɛ kwɛsɛ wɛɛ gɛ.

32 Ajiŋ ayu kwɛsɛ wɛɛ kwe tɛ.

33 No bamii ba bvusooshwi bayu gè jo kwɛsɛ wɛɛ bachii, lé gè doo nyûme sege bamii bude yi kwe le, wù nyu kwɛ yɛɛŋ?”

34 Jiso chvuu bo le ɛ, “Yi kinƙfuun ki abɛŋ le, bilɛŋsɛ bɛ bikɛsɛ le bo taashi bvuguu, bamii ka nyaa boon bamii taashi bvuguu bɛ bo.

35 Geenɛ, bamii ba le ba kojɛ ki bo kɛme kijusɛ yi won wu too le sege bo kaasɛ bo bu yi kwe le, gɛ bo nyu bo ka bo taashi bvuguu gɛ, bamii baan gɛ bo ka bo nyaa boon bo taashi bvuguu gɛ.

36 Gɛ bo baan bo ka bo kweeyɛ gɛ, nje bo lé bo gè bo nyû wa nje banchɛndaa ba Nyo. Bo lé bo tô bo nyûme wa boon ba Nyo, nje bo lé bo kâasɛ wa bo bu yi kwe le.

37 Nchiɛŋ wɛɛ le le Musɛ kibɛɛ gè yuusɛ wa bamii, no bo lé bo gè bo kâasɛ bo bu yi kwe le, no wu gè san wa kune kite ki mbian ƙi wu gè yɛŋ ki bɛde. Wu tɛŋe Tada kijusɛ ki ŋwa kiyu le ɛ wu le Nyo wu Ablaham, bɛ Nyo wu Asik mo Nyo wu Yakob.

38 Wu nɛ tɛŋe noo, tu banƙfu banɛ le bamii ba baan yu, gɛ Nyo nyume Nyo wu banƙfu gɛ, wu le Nyo wu bamii ba baan yu, nje fɛ Nyo le, bamii bachii ba le fo le ba wuŋɛ.”

39 No Jiso jɛmɛ noo, bamii ba gè duunyi banchi ba Nyo, bo bɛɛŋsɛ wu bo jɛmɛ ɛ, “Muh wu N'yeyɛ, wo le wo chvuu chuule.”

⁴⁰ Gêh noo, muh ka wu mon lo wu biih wu fiεε gε.

*Mbvuse wù Nyo gè ka, le mwa yεεη
(Macho 22:41-46; Maliku 12:35-37)*

⁴¹ Jiso mo wu ja wu biih fie bo le le, “Bamii jienyi nεε fε bo tu bo duu le, Mbvuse wù Nyo gè ka le mwa Nfon Dabi?

⁴² Gε bεη kee le Dabi kibεε gè bee wu san a Nwa wu Yuuse le le,

‘Tada Nyo gè jεmε Tada wan le le,
wu shii a kibo ke kinchiεεη le,

⁴³ gεεη bu sege nlé ηgê ηgiinεε bamii be ba kimbanε,
wu tomε bikaa bie yi bo le, nje kitege ki bikaa.’

⁴⁴ Nε Dabi tenje wu le Tada we, fi ka fi jienye nεε fε
wu tu wù nyu mwa ye?”

*Jiso jεmε le bamii yêne kune bamii ba duunyi
banchi*

(Macho 23:1-36; Maliku 12:38-40)

⁴⁵ Jiso mo wu ja wu tu wu jεme wa nyu boon be
ba ηgoo le, bamii bachii yuge. Wu jεmε bo le le,

⁴⁶ “Bεη yêne kune bamii ba duunyi banchi ba
Nyo. Bo konje ki bo noon nyu bikun bı ndefe bo
jienyi be bi, bo konje le bamii yêese bo le manjuu ma
ba kame chi waan be ηgvunε. Bo konje ki bo shiide
binta bı baan baan yéh yi buunε le. Sege bo lé bo
gêεη fε nka le, bo konje ki bo shiide nyu fwe.

⁴⁷ Bo shiishi bakwεηkfu, bo lεede be bo, bo fii
yéh be mwεε muboo, bo buuse bo be chibuunε chí
ndefe. Wuboo ηgε lé wu gê wu yâ lo.”

21

*Nnya yi kwεηkfu wu muh kifufe
(Maliku 12:41-44)*

¹ Jiso ja wu non jise, wu yeŋ no bamii ba kwa geede nnya yiboo a ŋku wu nnya le fe yeh yi kintanyε le.

² Wu yeŋ te kwεŋkfu wumu nyu muh wu kifufe, no wu gε gele munini munfee a ŋku wuyu le.

³ Wu mo wu jemε le, “Nseŋe beŋ nchiεεŋ le kwεŋkfu wunε wu le muh kifufe nε, le wu nya wu fe bamii bachii ba be nya.

⁴ Bamii bachii ba be nyaa, be too nyu be bimbεge bi bvukugε bvuboo bvù gè bee bvu yise wa bvu tu bvu fuushi kuu. Geenε kwεse wunε wu le kifufe kifufe nε le wu nya fieε fichii fi wu geede kikwεε ke yu le.”

Jiso seεŋ le ba leh ba sa yeh yi kintanyε

(Macho 24:1-2; Maliku 13:1-2)

⁵ Boon ba Jiso ba ŋgoo bamu gè ja bo kune kitada kune yeh yi kintanyε, bo beεŋse ata a joŋe a ba gè joone yu, be mwεε mù bamii gè nyaa ki ba kenyi yu. Wu jemε bo le le,

⁶ “Beŋ yεne mwεε mune le? Juu too lo chĩ gε tede chimimia nyu chi ge chi shεε yi chimi le gε nje ba keεε fekuu seŋ gε.”

Baŋge be kimbane

(Macho 24:3-14; Maliku 13:3-13)

⁷ Bo biih wu le le, “Muh wu N'yeyε, fine lé fi gè fi kôoshε sege la? Njinε wu lé wu gè wu dûnyε kife kĩ fi lé fi gè fi kôoshε le nyu la?”

⁸ Jiso chvuu le, “Beŋ yêne keefe muh to wu leε be beŋ, beŋ jiaa je gε. Beŋ kêe le bamii lé bo gè bo tôo wesee, bo jode jee chan bo tɛyi fe jii, muh mo wu duu le, le mε wù le Mbvuse, kife too wa mbebe le. Bo doo bo gee noo, keefe beŋ yêge gε.

⁹ Sege beŋ yu ba tune jəŋ manjuu le manjuu le, banɛ nyu won le, Keefe beŋ fáane ɛ. Mwɛɛ mune keme ki mu yá mu kooshe. Geenɛ, ɛ fi duunyi le won lé wu ká sege yu ɛ.”

¹⁰ Jiso ka wu jemɛ bo le le, “Kitunj lé ki tûne jəŋ be kimi, nfon wumu tune jəŋ be wumu.

¹¹ Binɣa bi mwɛɛ lé bi ɛ bi kôoshi manjuu le manjuu le. Nshəŋ lé yi ɛ yi shîŋshi be bvunɣa. Jəŋ lé yi ɛ yi kôode, binchəŋ lé bi ɛ bi nyû manjuu le manchii. Banjinɛ ba kuufe ye lé bo ɛ bo dûunyi ye yi kibvule le bo nyaa nfaan bamii le.

¹² Beŋ kêe le mwɛɛ muyu fe mu ge mu kooshi, ba lé ba ɛ ba kôoyi beŋ ba nyiege be beŋ. Ba lé ba ɛ beŋ, ba sa yéh yi buune le, ba chiinɛ beŋ yeh yi ncha le. Ba ka ba jo beŋ nje jee chan ba ɛ beŋ fwe a ba nfon be bamii ba sage bimbe bi won le,

¹³ sege kɛɛ mo nyume kife fe beŋ le kî beŋ jeme kune mɛ bo le.

¹⁴ Sege ba koo beŋ noo, beŋ ɛ le ɛ nyume beŋ buge laa beŋ lé beŋ ɛ beŋ tâanyi jwe le la le,

¹⁵ nje nlé ɛ nnyá njeme jwe wene le, mo bvufee beŋ le. ɛ bamii bena ba kimbanɛ nyu bo leŋ ki bo tɛnyi be beŋ ɛ.

¹⁶ Bamii ba lé bo ɛ beŋ lé nyû bachiji bena, be ba bwe bena, mo boon ba bwee bena, mo kfuu chena be nsáa yene. Lé nyá ɛh bo beŋ fe ba yuuyɛ beŋ bamu.

¹⁷ Bamii bachii lé bo ɛ bo bânɛ beŋ, nje jee chan.

¹⁸ Geenɛ, mo nyu yvu yimimia ɛ yi nyu yi leɛ a beŋ fwa ɛ.

¹⁹ Beŋ kâan shén, beŋ lé beŋ ɛ beŋ kême kinche.

Jiso sɛɛŋ lɛ ba lé ba fɪsɛ Yɛlusalɛm
(Macho 24:15-21; Maliku 13:14-19)

²⁰ Sege bɛŋ yɛŋ bamii ba jɛŋ tun kingan bo kɛnɛ kinlaantanɛŋ kɪ Yɛlusalɛm bo tasɛ, bɛŋ mo bɛŋ kɛɛ lɛ kife le ki kojɛ ka ki ba lé ba lɛsɛ ki.

²¹ Sege fi doo fi koosɛ noo, bamii ba le Judia mo bo fɛɛ lo bo bɛɛŋ yi bambegɛ le, bo le a kilaantanɛŋ kiyu le bu. Keefɛ muh wù le nchvuunɛ wu ka wu too ki wu lɛɛ yo gɛ.

²² Aju kaa le, le wo a Nyo le wu nonɛŋ nge Yɛlusalɛm nje kingɛ kiboo, ki fi gɛ fi to fi kojɛ no ba gɛ san wa a Nwa wu Nyo le.

²³ Ngɛ wù baanɛ, yi aju kaa le, lé wu gɛ nyu wu bikɛsɛ ba le bɛ chifwe, mo ba yanse boonɛ. Nyo lé wu gɛ wu tɔonyɛ shɛŋ bɛ bamii banɛ, wu nonɛŋ nge wù baanɛ yi wonɛ kfunɛ le.

²⁴ Ba lé ba gwɔɔjɛ lo bamii bamu, ba kooyɛ bamu ba gajɛ bo gɛɛŋ bo nyu nfa yi bitunɛ le bichii. Bamii ba kee gɛ Nyo gɛ lé bo gɛ bo yɪgɛ lo Yɛlusalɛm, bo gɛɛŋ bo bu no kife kiboo le ki kojɛ.

Jiso sɛɛŋ banjinɛ ba lé ba nyû sege wu kâase wu tɔo

(Macho 24:29-35; Maliku 13:24-31)

²⁵ Banjinɛ ba kuufe ye lé bo gɛ bo dûunyi ye yi juu le bɛ yi kwii le mo yi jón le. Fi yi nshɛŋ le, le nyu le bitunɛ lé bi gɛ bi nyû yi malunɛ le, bi ngɛɛsɛ no joo yɪ baanɛ lé gɛ yi kfũune yi yode.

²⁶ Nfaanɛ lé wu gɛ bamii gũde, bo shiɛshi nɛ kikikiki. Bo lé bo gɛ bo kwáji mwɛɛ mu kuufe ye mù lé mu ge mu kɔoshi yi nshɛŋ le, mwɛɛ mù fɛwe munchii mù kɛmɛ bvunga shiɛshi.

27 Noo bamii mo bo yeŋ no muh wù jee che le Mwamuh shiide wu too kimbɛ le wù kɛme bvunɣa mo bvukugɛ bvù baanɣ.

28 Sege mwɛɛ munɛ kɛ mu kooshi, bɛŋ lêɛŋ we, bɛŋ kɛme bikwɛɛ we, nje kife kɪ Nyo le wu bvuse bɛŋ le wa a bo.”

29 No Jiso jɛmɛ noo, wu mo wu be lɛ, “Bɛŋ yêyɛ fiɛɛ yi kingvunɣ bɛ bite bimi bɪ kalɛ le.

30 Bi kɛge ki bi chône, bɛŋ mo bɛŋ kɛɛ lɛ akfuunɣ kuse wa.

31 Le geh yeŋyeŋ no bɛŋ ge doo bɛŋ yene mwɛɛ munɛ kooshi, bɛŋ mo bɛŋ kɛɛ lɛ bvunfonɣ bvɔ Nyo le wa a yeh fwɛɛŋ.

32 Nsɛŋɛ bɛŋ nchiɛɛŋ lɛ gɛ kingogɛ ki mɛɛsɛ kinɛ, nyu ki to ki ka nje mwɛɛ munɛ munchii jo kijuse sɛŋ gɛ.

33 Kibvulɛ bɛ nshɛŋ lé ki kâ, geenɛ gɛ jɛ yanɣ nyu yi to yi shiinshɛ gɛ.

34 Bɛŋ yêne keefɛ bɛŋ jɪɛnyi bɛŋ jii nyu bikwɛɛ biɛna gɛ, bɛŋ muu bɛŋ jedɛ gɛ! Keefɛ bɛŋ gêɛɛ bvufɛɛ nyu yi kinche ki kinganɣ le gɛ, juu chiɣu lé chi gê chi jâ chi jânɛ chi kôo bɛŋ gɛ nje kintase.

35 Fiɛɛ fi yi juu chiɣu chinɛ le, lé fi gê fi tô yi bamii le bachii ba le yi kikwɛɛ ki nshɛŋ le.

36 Bɛŋ mo bɛŋ lêmɛ bɛŋ tɛɛmɛ, bɛŋ búune Nyo segechii, lɛ munɛ mwɛɛ ge doo mu kooshi, wu nya bɛŋ bɛ jɛ yɪ bɛŋ lé bɛŋ wêɛŋ bɛŋ fɛ yo fɛ bɛŋ lɛɛŋ fwe a muh wù jee che le Mwamuh.”

37 Jiso mo wu shee wu yɛyi bamii yeh yi kintanyɛ le aju ayu le achii. Yi binfu le bichii, wu bɛɛne wu gɛɛne wu chee yi Mbegɛ wu Bite bi Olif le.

38 Bamii bachii gè bude bo gɛɛne fɛ yeh yi kintanyɛ le, bo yuge yɛyɛ we.

22

Juda bɛɛŋ ki wu gɛsɛ Jiso

(Macho 26:1-5,14-16; Maliku 14:1-2,10-11)

¹ Kife ki Nka wu Blɛd wù ba baan kinshilɛ yo gɛɛ gɛ, wù ba tɛŋɛ lɛ Nka wu Ndanfɛ, gɛ bee wu too wa mbebe le.

² Bachiji kintanyɛ ba baan baan bɛ bamii ba gɛ duunyi banchi ba Nyo, bo gɛ goone je yɪ bo yuuyɛ Jiso nyu nyilɛ le, nje bo gɛ faane bamii.

³ Satan lee a fitele fi Juda wù ba gɛ tɛŋɛ lɛ Ekaliot le, nyu muh wu ŋgoo yi boon ba Jiso ba yuufe ncho bafɛɛ.

⁴ Wu ja wu gɛɛŋ fɛ bachiji kintanyɛ ba baan baan le, bɛ bikwɛɛ bi nchi bɪ gɛ chieɛne yeh yi kintanyɛ. Bɛ bo mo bo seesɛ no wu lé wu gɛ fɛ wu gɛsɛ Jiso bo le.

⁵ Bo yu njon bo mo bo bɛɛŋ ki bo lanɛ wu bɛ bige.

⁶ Wu bɛɛŋ, wu mo wu gɛɛŋ wu kɛ wu goone je yɪ wu lé wu nyâ Jiso chiaaŋ yiboo le, sege bamii ba duude ya fo gɛ.

Nseesɛ wu Nka wu Ndanfɛ

(Macho 26:17-25; Maliku 14:12-21)

⁷ Juu chi Nka wu Blɛd wù ba baan Kinshilɛ yo gɛɛ gɛ, chi ba lé ba sɛɛ mwa kiya wu Nka wu Ndanfɛ wɛɛ gɛ to chi koje,

⁸ Jiso mo wu tunj Bitɛ bɛ Jon wu jɛmɛ lɛ, “Bɛŋ gɛɛŋ bɛŋ sɛɛsɛ mwɛɛ mù bee lé be gɛ be jɪ Nka wunɛ yu.”

⁹ Bo bih wu le lɛ, “Wo goone lɛ bee gɛɛŋ be seesɛ nyu faane?”

¹⁰ Wu chvuu bo le lɛ, “Bɛŋ yû, sege bɛŋ lese bɛŋ gɛɛne alaantɛŋ, bɛŋ lé bɛŋ yêŋ muh mu le wu tuu joo a shaan le, bɛŋ bɪ wu le, yeh yɪ wu gɛɛŋ wu lee yu.

11 Beη doo beη bi, beη jême chiji yeh yeε le ε Muh wu N'yeε biide laa kibuu ki bamii ba njiεnye keε kî be boon be ba ηgoo le bo ji Nka wu Ndanfe yu le faane la?

12 Wu mo wu dunye kibuu ki yeh ki awe, ba nyu ba seese wa ba kenye, beη mo beη sêese mweε munjile yu.”

13 Noo, bo geη bo yeη mweε geh yeηyeη no Jiso gè jeme bo le. Bo mo bo seese mweε munjile mu Nka wu Ndanfe wuyu fo.

*Jiso be boon be gè ji nte wu Tada Jiso
(Macho 26:26-30; Maliku 14:22-26)*

14 Le kife to ki koje, Jiso be boon be ba ntun to bo shii bo jii mweε.

15 Wu ja wu jeme bo le ε, “Nchi ηkoηe lo baan ki nji Nka wu Ndanfe wune be beη fe ηge yeη ηge wu too le.

16 Beη kêe le ge mbaan ηka ηge nji ηka wune ge, geεne bude no fi lé fi gè fi tô fi kôje sege Nyo lé wu gè wu sâge bvunfon bwe.”

17 Wu jo fiηkoo, wu nya kiyone Nyo le wu jeme le, “Beη kô beη mù beη bachii beη keε. 18 Nseη beη le ε, kege mεese geεne, ge mbaan ηka mu mbvuun ma nchweη wu kite ki laane mane ge, geεne bude sege bvunfon bvυ Nyo lé bvυ gè bvυ tô”

19 Wu jo bléd, wu nya kiyone Nyo le, wu bwεyeε wu nya bo le wu jeme le, “Fine le ye yan yi nnya nje beη. Beη gèe fine noo ki beη kwâji me.”

20 Geh yeηyeη no bo mεese mweε munjile, wu jo fiηkoo wu jeme le, “Fiηkoo fine le mankan ma manfeη ma Nyo gwo be kilεme kan ki bu nje beη.

21 Geene, beŋ yêge beŋ yû! Muh wù lé wu gêse me jii mwêe fene besa wu.

22 Beŋ kêe le muh wù jee che le Mwamuh lé wu gêeŋ geŋ no Nyo gè seesε. Geene, ŋge wù baan le fe muh wù lé wu gêse wu le.”

23 Bo mo bo ke bo biide ye yi biboo le laa muh wù tanlo wu ge noo a bo ntenεε le yeŋ.

Jiso yeŋe no bamii be keme ki bo jôde bikwεε biboo

24 Bo gè ja bo ke kintεenyε lebolebo laa bo le ne muh wù baan a bo ntenεε le yeŋ?

25 Jiso jemε bo le le, “Banfon ba bituŋ keme bvunŋa a bamii baboo we, bamii ba sage wonŋ bo duu le ba tēŋe bo le bitoon bi bamii.

26 Geene, ge tanlo fi nyûme noo be beŋ ge. Muh wù baan a beŋ ntenεε jôde le wu le mwa wù shige, muh wu le kikwεε le nje muh wù lene beŋ le bachii.

27 Muh wù baan le wù la, muh wù yeŋe wu jii lo nji le noo, muh wù deede le? Ge nyu muh wù yeŋe wu jii lo ge? Geene nle a beŋ ntenεε nje muh wù lene beŋ le.

28 No nshee n'yede banŋe segechii, le geŋ beŋ banε ba to ba nyume besabeŋ.

29 Fi mo fi nyu le, geŋ yeŋyeŋ no Chii le wu nya me bvunfon le nsâge, nnya te beŋ bvunŋa le beŋ sâge.

30 Nnya wu le besabeŋ ge be jii mwêe, be muu mwêe kijuse kimimia a nto wan le, beŋ shiiye yi bakala le, beŋ sage chikfuu chi Ishwala chi yuufe ncho chifεε.”

Jiso seŋ no Bita lé wu gê wu fân wu

(Macho 26:31-35; Maliku 14:27-31; Jon 13:35-38)

31 Jiso mo wu ja wu tɛɛn Bitɛ le, “Samon, Samon yegɛ yu wo kɛɛ le Satan le wu fi bvunɔa ki wu chɛgɛ bɛn bachii wu bvuse bamu gɛh nje no muh to wu fɛɛde agin wu bvuse munyi.

32 Geenɛ nle mbuunɛ fɛ wo le, le keefe fitele fiun mo fi bu lo yi ye yan le gɛ. Sege wo kaase wo tɛɛn bvufɛe bwun jin, wo nya bvunɔa boon ba bwoo le.”

33 Bitɛ du le, “Tada, mo nyu ki nɔgɛɛn ncha, no nyu kɛnɛ ki nkwe lo, tu nle gɛh besa wo.”

34 Jiso chvuu wu le le, “Bitɛ, yɔ nsɛnɛ wo le, nyishii lɛ yi gɛ yi tɔn abɛn, wo nyu wo fan wa mɛ kinɔane kintɛde, le gɛ wo kee mɛ gɛ.”

Jiso tɛfɛ no boon be ba nɔoo bo seesɛ muntele

35 Wu ja wu biih bo le le, “Bɛn kwaji kife ki nɔgɛ ntun bɛn bigɛ sɛn, kikeɛ sɛn, jɛ sɛn, no bɛn gɛ gɛnɛ bɛn jienyi, bɛn gɛ bee bɛn fu fiɛɛ?” Bo chvuu le, “Ayɛɛ, bee gɛ baan fiɛɛ fu gɛ.”

36 Wu mo wu jemɛ bo le le, “Yi mɛɛsɛ le, muh nɛ kɛmɛ bigɛ, mo nyu kikeɛ, wu jo. Muh nɛ kɛmɛ gɛ nyo yi jɛn gɛ, wu gesɛ kikuɔ ke wu gu nyo yu.

37 Njemɛ finɛ nje fiɛɛ fi ba gɛ san a Nwa wu Nyo le le,

‘Ba gɛ tan wu bɛ bamii ba befe’,
fi kɛmɛ ki fi koosɛ bɛ mɛ mɛɛsɛ. Bɛn kɛɛ le mwɛɛ mɔ ba gɛ san kune mɛ lɛ mu tɔo wa ki mu kɔje munchii.”

38 Bo mo bo janɛ le, “Tada, bɔje yɛn bee kɛmɛ nyɔ yi jɛn yifiɛɛ.” Wu chvuu le, “Bɛn lɔ noo!”

*Jiso buunɛ yi mbegɛ wu Bite bi Olif le
(Macho 26:36-46; Maliku 14:32-42)*

39 Jiso gè ja wu bu alaantɛn bɛ boon be ba ngoo, bo mo bo kɛ bo bɛɛne mbegɛ wu Bite bi Olif, nyu no wu to wù gee.

40 Bo bɛɛn bo bu fɛ bo gè gɛɛne fo, wu jɛmɛ bo le lɛ, “Bɛn búune lɛ keefɛ mon to fɛ bɛn le, wu ya bɛn gɛ.”

41 No wu jɛmɛ noo, wu mo wu kɛɲsɛ wu gɛɛn wu bu fɛ tanlo muh non tɛdɛ chi gɛɛn chi bu fo, wu mo wu ngvuume fɛkuu wu buunɛ lɛ,

42 “Chii, fi nɛ le fi kojɛ fɛ wo le, wo chiaase fiŋkoo fi ngɛ finɛ lɛ keefɛ mmu gɛ. Geenɛ gɛɛ gɛh no wo konɛ, keefɛ wo gɛ no ŋkonɛ gɛ.” [

43 No wu buunɛ noo, nchɛndaa Nyo shii we wu to fɛ wu le, wu nya wu bvunga.

44 Jiso nyu fitele fie suume wu baan nɛ wɛɛmm wɛɛmm. Wu buunɛ lo chi shan chiɛɛ, mbunyɛ chiɛɛnyi yi nshɛn le nɛ bitɛde bi kilɛmɛ.]*

45 Wu buunɛ wu mɛsɛ, wu tu jin fɛ boon be ba ngoo le, wu yɛn lefɛ ge wa bo fwɛɛn bo tu bo lefe.

46 Wu biih bo le lɛ, “Bɛn ka lefe lo? Bɛn já we bɛn búune fɛ mon ge wu to fɛ bɛn le, wu ya bɛn gɛ.”

Bamii ba won koo Jiso

(Macho 26:47-56; Maliku 14:43-50; Jon 18:3-11)

47 Gɛh no wu gè baan wu jɛmɛ, kinchvu ki bamii bunɛ bo tu bo too, nyume gɛh Juda wù gè bee muh wu ngoo yi boon ba Jiso ba yuufe ncho bafɛɛ le, wu gè too bo fwe. Wu to mbebe Jiso le wu ŋkfugɛ wu.

48 Geenɛ, Jiso biih Juda le lɛ, “Wo nɛ goone ki wo kfûgɛ Muh wù jee che le Mwamuh nɛ ki wo dûnye lɛ ba koo wu?”

* 22:44 Gɛ banɲa ba kege bamu ba bo gè ya san jɛ yi Nyo yo kɛmɛ binchin binɛ gɛ 43-44.

⁴⁹ Boonj be ba ngoo ba gè bee mbebe ye le yeh fiε fi gè kooshi le, bo biih le, “Tada, bee gwôoje bamii banε?”

⁵⁰ Muh mu bo le gè goone ki wu gwô, wu mo wu chun nyu kintun kinchiεn ki fwa wu kikwεε ki bachiji kintanyε.

⁵¹ Jiso kan le, “**Keefe muh ka wu môn γε!**” Wu mo wu kun kintun ki muh wuyu le ki mo ki kâase ki tu fo.

⁵² Bamii ba gè too ki bo koo Jiso gè bee bachiji kintanyε ba baan baan be bikwεε bi nchi bi gè chiεene yeh yi kintanyε mo bamii ba gè sage won. Wu biih bo le le, “**Bεn to ki bεn kôo mε, bεn mo bεn too be nyó yi jεn mo bimbuge nje bεn too ki bεn kôo nyume chon?**”

⁵³ Nchi nshee le juu le juu mo fe yeh yi kintanyε le, fe bεn koo mε sεn nje la? Geenε, mεese le kife kena ki tanlo bεn ge fiεε, nyume kife ki bvunga bvu ki kijibe.”

Bitafan Jiso

(Macho 26:57-58,69-75; Maliku 14:53-54,66-72; Jon 18:12-18,25-27)

⁵⁴ Bamii bayu mo bo koo Jiso bo gεene be wu fe la chi kikwεε ki bachiji kintanyε le, Bita bii ajin je yi ndefe le.

⁵⁵ Bo gεen bo fwεε ngu lakfulε fe ntenεε, le bo shii bo yese. Bita mo wu to wu shii be bo.

⁵⁶ No ngu kwεε gè bede noo, mwa wu kwese wumu wu gè lene fe la chiyu le ja wu yeh Bita le no wu shii. Wu bije wu ne tunj wu jemε le, “Muh wunε be bee be muh wege.”

⁵⁷ Bita mo wu kaje lo ye, wu jemε le, “Kwese wunε, ge ηkee wu γε.”

58 Kife doo ki keɲse ge ne shige, muh mu ka wu yeɲ wu le, wu mo wu jeme le, “Wo te le muh ngoo yiboo le.” Geenε Bita jeme le, “Jweɲse, ge me nyume muh mu a bo nteɲεε ge.”

59 Kife geɲ ki bu nje ntaɲ wu kife kimimia, muh mu ka wu taɲ le, “Nchieɲ, muh wune be bee be wu, nje wu le te muh wu Galalee.”

60 Bita mo wu faɲ wu jeme le, “Jweɲse wune, ge ηkee fiε fi wo jeme ge.” Ge no wu geh baɲ wu jeme, kimimia nyishii mo yi toɲ.

61 Tada kaase ye ajii a we tase be a Bita. Bita kwaje njeme wu Tada be jeme wu le le, “**Nyishii lé yi tōɲ abeɲ, wo nyu wo faɲ wa me kingane kintede.**”

62 Wu ja fo wu bu akfuɲ, wu bee kwe baɲ.

*Bo buu Jiso bo ka suɲe wu
(Macho 26:67-68; Maliku 14:65)*

63 Bamii ba ge jiji Jiso le bo mo bo ke bo buu wu, bo suɲe wu,

64 bo baɲe bvushi bwe be nju, bo duu wu le le, “Ge gee la muh wu ntun wu Nyo kun. Geh seɲ muh wu sun wo.”

65 Bo ka bo baade lo wu be bachun wese.

*Bo sa nsa wu Jiso
(Macho 26:59-66; Maliku 14:55-64; Joɲ 18:19-24)*

66 Akfuɲ gè doo a yuude a too, bamii ba sage won be bachiji kintanye ba baɲ baɲ mo bamii ba duunyi banchi ba Nyo banye ye bachii. No bo banyi noo, bo mo bo jo Jiso bo geɲ be wu fe bo gè sage bansa fo.

⁶⁷ No bo gɛnɛ bɛ wu noo, bo biɪh wu le lɛ, “Nɛ le wo wu le Mbvuɛ wù Nyo gè ka, wo sêɛn bee le?” Wu chvuu lɛ, “**Nsɛnɛ lo bɛn le, bɛn gɛ bɛɛn gɛ.**

⁶⁸ **Mbiide fiɛɛ bɛn le, bɛn gɛ chvuu gɛ.**

⁶⁹ **Geenɛ, kɛge yi mɛɛse le, muh wù jee che le Mwamuh lé wu gê wu shíi a kibo kinchiɛɛn ki Nyo wu bvunga le.”**

⁷⁰ Bo mo bo janɛ bo bachii lɛ, “Fi nɛ le lɛ, le wo wu le Mwa Nyo?” Wu chvuu lɛ, “**Fi le no bɛn jɛme.”**

⁷¹ Bo mo bo jɛmɛ lɛ, “Taɲlo bo ka bo goone lo muh mu ki wu sêɛn lɛ la? Bee le be yu wa fiɛɛ fi wu jɛme bɛ jwe we.”

23

Balet bɛ Hɛlod biɪh mwɛɛ Jiso le

(Macho 27:1-2,11-14; Maliku 15:1-5; Joɲ 18:28-38)

¹ No ɲgoo yi bamii ba sage bansa jɛmɛ noo, bo mo bo ja bo bachii bo jo Jiso bo gɛɛne bɛ wu fɛ Balet le.

² No bo gɛnɛ bo bu fo, bo kɛ bo tu bo chuuyi mwɛɛ ye ye le, bo duu lɛ, “Muh wunɛ jienyi wu cheɲe bɛ wonɲ wese, wu faɲe lɛ keefɛ bamii laaɲe ɲwa Kaisa wù Nfon wu Lum le gɛ, wu ka jɛmɛ lɛ wu le Mbvuɛ wù Nyo gè ka, fi duunyi lɛ wu le Nfon wumu tɛ.”

³ Balet biɪh Jiso le lɛ, “Le wo wu le Nfon Bajuu?” Jiso chvuu wu le lɛ, “**Le no wo jɛme.”**

⁴ Balet mo wu ja wu jɛmɛ bachiji kintanyɛ ba baanɲ baanɲ bɛ kinchvu ki bamii ki gè bee fo le lɛ, “Mbaanɲ yeɲ gɛ fiɛɛ fi muh wunɛ jiale le gɛ.”

⁵ Bo bachii tu bo nyiide gɛh lɛ, “Muh wunɛ jienyi wu yeɲi bamii wonɲ wu Judia le wuchii wu nyiise lɛ

bo tɛɛme bikwɛɛ. Wu gè kɛ Galalee, wu le wu to wa wu fɛɛ mɛɛse a kinlaantɛ kinɛ le.”

⁶ No Balet yu finɛ noo, wu mo wu biih wu le lɛ, “Muh wunɛ le muh wu Galalee?”

⁷ Bo bɛɛɲ, wu mo wu tun Jiso fɛ Nfon Hɛlod le, nje le wu wù gè sage kimbe ki won kwɛɛ le, wu gè bee tɛ Yɛlusalɛm kife kiyu le.

⁸ Bo gɛɛɲ bɛ Jiso, Nfon Hɛlod yɛɲ wu le wu yu njon baan, nje wu gè shee wu yuge kune wu, wù kɛme kinƙonɛ ki wu yɛɲ wu le, wu jiɲɛ tɛ lɛ segemu Jiso lé wu gè fiɛɛ fi duunyi bvunga bvɛ Nyo wu yɛɲ.

⁹ Wu she wu biih mwɛɛ Jiso le wesee, geenɛ wu gɛ chvuu fiɛɛ gɛ.

¹⁰ Wu gè biide bachiji kintanyɛ ba baan baan bɛ bamii ba gè duunyi banchi ba Nyo lɛme tɛ fo bo chuunyi mwɛɛ mù tɛɛme ye yi Jiso le.

¹¹ Nfon Hɛlod bɛ bamii bɛ banchi ja bo mo bo kɛ bo keede wu, bo sɛɛse wu, bo suse wu bɛ njú yi won, bo chwɛɛse wu bo chvuu wu tu jin fɛ Balet le.

¹² Gè bee Balet bɛ Nfon Hɛlod banɛ. Abvubwɛɛ, bo tu nsanɲ.

Balet suunɛ nsa no bamii gɛh kɔɲɛ

(Macho 27:15-26; Maliku 15:6-15; Jon 18:39-19:16)

¹³ No bo chvuse Jiso jin, Balet kun bachiji kintanyɛ ba baan baan mo bamii ba gè sage won, wu ka wu kun bamii bachii.

¹⁴ Bo taashe, wu du bo le lɛ, “Bɛɲ be too bɛ muh wunɛ fɛnɛ lɛ wù gee bamii tɛɛme bikwɛɛ, ndoo ntaa mwɛɛ mu bɛɲ nyiide bɛ mu a bɛɲ jii, bɛɲ yêgɛ bɛɲ yû, mbaan yɛɲ gɛ mwɛɛ mù bɛɲ chuunyi ye ye le lɛ wu le wu ge fiɛɛ fimi gɛ,

15 Nfon Helod tɛ be baan yɛn gɛ. Le fiɛ fi be ge fɛ wu kaasɛ wu chvuu muh wunɛ jin besabɛn le. Bɛn yɛn tɛ lɛ muh wunɛ baan jiaa gɛ fiɛ fi tanlo ba yuuyɛ lo wu gɛ.

16 Noo, nlé ntâan gɛh lo wu, nchɛnɛ wu le, wu gɛnɛ.”

17 [To nyume kife ki Nka wu Ndanfe wunɛ, tu Balet kɛmɛ ki wu bvuse muh wu mumwaa yeh yi cha le wu nya bamii le.]

18 Bamii bachii mo bo ja bo kɛ bo wanɛ lo bo gɛnɛ yu lɛ, “Wo lɛshɛ lo muh wunɛ, wo bvuse Balaba yeh yi cha le wo nyâ bee le!”

19 Balaba wunɛ gɛ bee yeh yi cha le nje wu gɛ kɛ nge alaantɛn wu yu muh.

20 Balet yu noo wu ka wu jɛmɛ bamii bachii le nje wu gɛ goone ki wu chɛnɛ Jiso le.

21 Geenɛ, bo tu bo wanɛ gɛh lɛ, “Ba tâ lo wu yi kintan le, ba tâ lo wu yi kintan le!”

22 Balet ka wu jɛmɛ bamii le kingane kintɛde lɛ, “Ba tâ wu nje la? Fiɛ fi befe fi wu ge le la? Mbaan n'yɛn gɛ jialɛ chɛ wu ge le, ki ba yuuyɛ lo wu gɛ. Nlé ntaan lo wu, nchɛnɛ wu le.”

23 Bo mo bo mɛ gɛh bo wanɛ lo bɛ bvunga lɛ, “Ba tâ lo wu yi kintan le.” N'wan wuboo ya Balet.

24 Noo, Balet suunɛ nsa wu chinɛ wu le, lɛ bo ge bɛ wu no bo konɛ.

25 Wu mo wu bvuse muh wɛɛ yeh yi ncha le, nyu wu wù bo gɛ biide, wù gɛ kɛ nge alaantɛn wu ka wu yuuyɛ muh. No wu bvuse, wu mo wu nya Jiso no bo gɛ goone.

Bo ta Jiso yi kintaan le
(Macho 27:32-34; Maliku 15:21-32; Jon 19:17-27)

²⁶ Bo mo bo jo Jiso bo gɛɛne bɛ wu. No bo gɛɛne, bo tase bɛ muh mu wu kwɛɛde nchvuun, jee che nyu le Samon, nyu muh wu Selin. Bo toonɛ wu bo mo bo gɛɛ kintaan ki Jiso fɛ wu gbwe, wu mo wu tuu wu bii Jiso le.

²⁷ Bɛ bo mo bo gɛɛne, kinchvu ki bamii ki duude bii bo le. Bamu nyu bikɛse bo gɛ beede, bo taanyi banɛ be.

²⁸ Jiso ja wu kaase ye wu jemɛ bo le le, “**Bikɛse ba Yelusalem, keefɛ bɛn bɛede fɛ mɛne gɛ. Bɛn bɛede nyu fɛ bikwɛɛ biɛna le, mo fɛ boon bena le.**

²⁹ **Bɛn kɛe le kife too lo ki ba lɛ ba gɛ ba jɛme le, njon wu baan le wu bikɛse ba le kaa bo baan mwa boo gɛ, bo gɛ baan mwa a yanɛ gɛ.**

³⁰ **Lɛ gɛ nyu kife kiyu le, bamii wane le bambegɛ ba baan baan le le, ‘Bɛn gwɛɛye ye yese le’, bo wane bambegɛ ba shige shige le le, ‘Bɛn bɛn bee’.**

³¹ **Bo lɛ bo gɛ bo wane noo nje bamii gee kfuu chi finɛ fiɛ bɛ kite ki baan ki jiɛ, bo ge nɛ bɛ ki le ki yunɛ ka.”**

³² No bo gɛ gɛɛne bɛ Jiso noo, bo gɛ kɛme bamii bancha bafɛɛ ba bɛ bo gɛ gɛɛne ki bo yuuyɛ bo tɛ.

³³ Bo gɛɛn bo bu kijuse kimu ki ba tɛnɛ le Ngboge wu Kikwɛɛ, bo mo bo ta Jiso yi kintaan le, bo ta tɛ bamii bancha bafɛɛ baa yi bintaan le, wu mumwaa a kibo ki Jiso kinchiɛn le, wumu a kibo kinɛn le.

³⁴ Jiso ja wu jemɛ le, “**Chii, lɛshɛ bimbefɛ bi bamii banɛ, nje gɛ bo kee fiɛ fi bo gee gɛ.”** Bamii bayu jo

njú yi Jiso bo tun kan yu ki bo ga bikwεε biboo le.
*

³⁵ Mwεε mune munchii gè kooshi bε Jiso noo, bamii lεme fo bo jiine. Bamii ba gè sage won ka bo ja fiboo bo buu lo wu bo duu ε, “Wu chi fii bamii bamu, wu fi ε kikwεε ke mεese, wu nε le Mbvuse wù Nyo gè ka, wu cha.”

³⁶ Bamii ba nchi tε tu bo chwεese wu, bo nya wu mbvuun ma ngbwame,

³⁷ bo jεmε ε, “Wo fεnε le Nfon wu Bajuu, fih kikwεε kun.”

³⁸ Bo san nwa bo ta a kikwεε ki Jiso we ε, “Wunε le Nfon wu Bajuu.”

³⁹ Muh wu ncha wumu wù bε bo gè shenε yi bintaan le fo, wu ja wu tu wu naanyi Jiso, wu duu ε, “Le gεh wo wù Mbvuse wù Nyo gè ka? Fih kikwεε kun, wo fih tε bee.”

⁴⁰ Muh mu wεε yu fiεε fi wu jεme, wu wame wu bii ε, “Gε wo faane Nyo gε? Wo le yi nge le yεen nje no wu le.

⁴¹ Besa wo kwee nchiεen nchiεen nyu nlanε wu mwεε mù mbefe mu besa wo ge le, geenε muh wunε kwe fie wu baan jiaa gε fiεε gε.”

⁴² Muh ncha wunε mo wu jεmε ε, “Jiso, wo ge wo tâne mε sege wo lé wo sâge bvunfon bwun.”

⁴³ Jiso jεmε wu le ε, “Nseñe wo nchiεen le aben le nyu besa wo kijuse ki njon ki Nyo le.”

Jiso kwe

(Macho 27:45-56; Maliku 15:33-41; Jon 19:28-30)

* **23:34** Banwa ba kege bamu keme gε kinchin kine gε.

⁴⁴ Juu gè bɛɛŋ chi leesɛ, akfuun ja ajiin, won wuchii gɛɛne bude juu bikaa bitɛde fɛnshɛ,

⁴⁵ Nju yĩ gè gade yeh yi kintanyɛ yi mo yi suunɛ antɛnɛɛ yi tu bimbe bifɛɛ. ⁴⁶ Jiso gè bee yi kintaan le, wu ja wu wan fɛwɛɛwe lɛ, “**Chii, nnyaa kiyo kan chiaan yo le.**” No wu jɛmɛ noo, wu mo wu yɛnɛ n'yɛnɛ wu kimaga.

⁴⁷ Chiji kikwɛɛ ki bamii ba nchi wù gè lɛme fo, wu doo wu yɛn fɛɛ fi kooshi le, wu nya mbɛɛŋsɛ Nyo le wu jɛmɛ lɛ, “Nchiɛɛŋ nchiɛɛŋ, muh wunɛ chi bee gɛ bɛ jialɛ gɛ.”

⁴⁸ Bamii bachii ba gè taashe fo ki bo yɛn fɛɛ fi kooshi le, bo yɛn noo bo mo bo ja bo kaase bo kwɛɛde ala aboo le, bo soge bikwɛɛ.

⁴⁹ Nsáa yi Jiso yichii gè to fiboo yi lɛɛŋ nyu je yĩ ndefe le bo tu bo yɛde fɛɛ fi kooshi le. Bamu gè bee bikɛse ba gè ja Galalee bo bi wu le.

Bajiiyɛ Jiso

(Macho 27:57-61; Maliku 15:42-47; Jon 19:38-42)

⁵⁰⁻⁵¹ Muh mu gè bee kife kiye le ba tɛŋɛ lɛ Yosɛf, gè bee muh wu a kinlaantɛŋ ki Bajuu kimi kɪ ba gè tɛŋɛ lɛ Alimatia. Wu gè bee muh wù jonɛ, ka nyume muh wù chaan a Nyo jii, wu chiɛɛne tɛ kife kɪ Nyo lé wu gɛ wu tó wu ságe bvunfon bwe. Wu gè bee tɛ muh wu ŋgoo yi bamii ba gè sage bansa le. Geenɛ, wu gè baan bɛɛŋ gɛ fie fɛɛ fi bo gè seese ki bo ge bɛ Jiso gɛ.

⁵² Wu gɛɛŋ fɛ Balet le, wu lɛgɛ ki wu gɛɛŋ wu jo gvunɛ chi Jiso.

⁵³ Balet bɛɛŋ, wu mo wu gɛɛŋ wu shiishe gvunɛ chiyu, wu banɛ a nju le wu tuu, wu gɛɛŋ wu giŋsɛ

a jɛŋ yi ba gɛ cho yi kimbaaŋ le, ba baan muh yo a jiiye gɛ.

⁵⁴ Gɛ bee Juu chi nseese ki bo lee juu chi yuun le, shege wa shige yuun chiyu kɛ.

⁵⁵ Bikese baa ba gɛ ja Galalee bo bi Jiso le, bo bi Yosef le fɛ jɛŋ, ki bo geeŋ bo yeŋ no wu giŋse gvune chi Jiso a jɛŋ.

⁵⁶ Bo gɛ ja fo, bo mo bo tuu jin ala aboo le, bo geeŋ bo seese mee ma jone ma yefe ma gwee wun ma bo gɛ yeefe agvuun yu. Gɛ bee juu chi yuun, bo she yuun no nchi wuboo gɛ goone.

24

Jiso bu yi kwe le

(Macho 28:1-10; Maliku 16:1-8; Jon 20:1-10)

¹ Juu chi yuun gɛ fe, bvuyuu juu chi fwe yi kima le. Bikese baa bu bo yanse lo an'yule, bo jo mee ma gwee wun ma bo gɛ seese bo mo bo geene be mo fɛ jɛŋ.

² Le bo doo bo geeŋ bo bu fo, bo yeŋ ba binse wa tede chi ba gɛ banɛ jwe wu jɛŋ yee yu. ³ Le bo lee bo geeŋ a jɛŋ bo ge yeŋ gvune chi Tada Jiso le gɛ.

⁴ Bo gɛ leŋ fo bo ngeɛ lo. Fi kooshe le bilense bafɛ gɛ bee bo ja bo to bo leŋ mbebe yiboo le, bo non njú yi baan yi lale.

⁵ Bikese baa gɛ faan baan, bo mo bo tun bikwee fekuu. Bilense baa bih bo le le, “Le nje la wu ben goone muh wu baan yu antene a banifu?”

⁶ Ge wu nyu fene gɛ, wu le wu bu wa yi kwe le. Ben kwaje fɛe fi wu gɛ jemɛ ben le sege bena bo gɛ bee Galalee.

⁷ Wu gè bee wu jεmε le, ‘Muh wù jee che le Mwamuh lé ba kême ki ba nyâ wu chiaañ yi bamii ba befe le, ba ge ba ta wu yi kintaañ le, doo bu aju atade, wu bu yi kwe le.’ ”

⁸ Bo mo bo kwaje fiεε fi Jiso gè jεmε bo le.

⁹ Bo gè ja fε jεη, bo kaasε bo tu jin bo gεεη bo sεεη mwεε munε munchii boon be ba ηgoo ba yuufe ncho wu mumwaa le mo bamii bachii ba gè bii wu le.

¹⁰ Bikεse ba gè sεηε fiεε fi gè kooshε fiyu boon ba ntun ba Jiso le gè bee Mεεle Madalen, Joana mo Mεεle wu bwe Jεm bε bikεse bamu.

¹¹ Bo yu njεmε wuyu geh nje le njεmε wu achiji, bo gε bεεη gε.

¹² Geenε, Bitaja we, wu legε wu gεεη wu bu fε jεη, wu ηgvuumε wu bijε a jεη wu yεη geh nyu njú yi ba gè ginε Jiso yu le. Wu mo wu ja wu tuu jin fε yeh le wù kεme kingha yi fiεε fi kooshi le.

*Bamii bamu yεη Jiso le je yi Imayu le
(Maliku 16:12-13)*

¹³ Fi gè kooshε geh abvu le, bamii bamu bafεε bo gè bii Jiso le bo gè ja Yelusalem bo gεεne nte wù ba tεηε le Imayu le, gè bee nje bama bvusooshwi ki wo gêεη wo bu yo.* ¹⁴ Bo tu bo gεεne bo jεme lεbolebo kune mwεε mù gè kooshε munchii.

¹⁵ No bo gè jienyi bo jεme bo tuu fo noo, Jiso gè bee wu kεηε wu to mbebe yiboo le wu tu wu jienyi bε bo.

¹⁶ Fiεε fimi ge le keefe bo kêε muh wuyu gε.

* **24:13** Ma wu mumwaan le batan ba jienye le nchvuge bε gii bvusooshwi (1,700).

17 Jiso mo wu ja wu biih bo le le, “**Le fiε fi la fi beη jienyi beη jeme kune fi?**” No wu biide noo, bo leεme be yii yi manshi maboo le.

18 Muh le bo le wu jee che gè bee le Kleofa wu biih wu le le, “Me geh wo maa wu le ntolo Yelusaleμ wù baan keε ge mwεε mu chi kooshe yo aju kane le ge?”

19 Wu biih le, “**Mwεε mù la?**” Bo chvuu le, “Mwεε mù chi kooshe be Jiso wu Nasale. Muh wune chi bee muh wu ntun wu Nyo. Mwεε mù wu chi gee mo mù wu chi jeme chi bee mù ghage. Chi bee muh wù kuge baan a Nyo fwe be bamii bachii.

20 Bachiji kintanyε ba baan baan be bamii ba sage wonj wese chi bo nya wu le ba yuuyε. Bo chi bo mo bo ta wu yi kintaan le.

21 Bee chi be geε wa bvufee yi ye ye le, le le wu wù lé wu gê wu sūun bamii ba Ishwala chiaaη yi ηge le. Geenε le ge wa aju atade no mwεε muyu chi kooshe.

22 Fimi nyu bikese bamu ηgoo yese le, bo be bo jemε fi fuunse lo bee, le bo le bo bu bo geεη fe jεη ataana,

23 bo baan yeη ge gvune che le ge. Bo doo bo kaase bo tuu jin, bo seεη le bo bee bo yeη banchendaa ba Nyo le nje bo yeη a kifile le, bo jemε bo le le Jiso le yu.

24 Bamii bamu ηgoo yese le, le bo geεη fe jεη fe yu bo yeη yi le geh yeεηyeεη no bikese bayu be jemε, geenε, bo baan yeη ge Jiso le ge.”

25 Jiso jemε bo le le, “**O oo, biyun bine, muntele mwena jieε baan ki beη bēεη mwεε mù bamii ba ntun wu Nyo gè jeme.**

26 **Ge beη kee le Mbvuse wù Nyo gè ka gè keme ki wu yēη bange fe wu lee yi bvukuge bwe le ge?**”

27 Jiso mo wu ke wu naji bo mwεε munchii mù ba gè san a Nwa wu Nyo le kune wu kege yi mù Musε gè san le, gεεη bu tε yi mu bamii ba ntun wu Nyo le.

28 No bo gè too wa bo bude mbebe nte wu bo gè gεεne yo le, Jiso ja wu tu wù gee nje wu fede lo.

29 Bo lεge wu wesee bo jεmε le, “Bee gêεη be chê, kife le ki gεεη ka baan, akfuun ke wa a jime.” Noo, wu bεεη ki wu gêεη wu che bε bo.

30 Bo gεεη, bo doo bo jii mwεε, wu jo chefe yi blεd, wu nya kiyone Nyo le, wu bwεεyε wu nya bo le.

31 Kimimia noo, ajii aboo yuu, bo mo bo kεε wu. Wu janε wu lεεε a bo jii.

32 Bo shεε bo tu bo maηe lεbolebo le, “Gε muntele mwesa besa wo be yuufe sege wu be jεme besa wo le a je, wu naji mwεε mu a Nwa wu Nyo le gε?”

33 Bo mo bo ja kimimia kinfu kεε le juu chi yu bo mo bo tuu jin Yelusalem. Bo doo bo gεεη, bo yεη boon ba Jiso ba ηgoo ba yuufe ncho wu mumwaa le bo banyε ye kijuse ki mumwaa bε bamii bamu bo gè kε bo bii wu le.

34 Bo jεme le, “Nchiεεη nchiεεη, Tada wese le wu bu yi kwe le. Wu bee wu jagε wu bunε a Samon jii.”

35 Bo mo bo sεεη tε bo fiεε fi be kooshe bε bo a je, bo mo bo najε tε no bo be kεε le le wu, sege wu be bwεεyε blεd.

*Jiso bunε a boon be ba ηgoo nteεε
(Macho 28:16-20; Maliku 16:14-18; Jon 20:19-23)*

36 Geh no bo gè baan bo jεme noo, Jiso jagε wu bunε a bo antεεε wu mo wu yεεε bo le le, **“Kimbonε nyûme fε bεη le.”**

37 Njan̄ koo bo, bo tu bo faane, bo kwaji ɛ bo le bo yɛn̄ nyu kiyi kimi le.

38 Wu biih bo le ɛ, “Bɛn̄ faane la? Ge la fɛ bɛn̄ man̄ ɛ?”

39 Bɛn̄ jɪn̄ ɛ bɛn̄ yɛn̄ chiaan̄ yan̄ bɛ bikaa bian̄, bɛn̄ mo bɛn̄ kɛɛ ɛ le mɛ kibɛɛ. Bɛn̄ monyɛ ye yan̄ bɛn̄ mo bɛn̄ kɛɛ, nje gɛ kiyi to ki kɛmɛ nyan̄ yi ye bɛ bin̄kufɛ no bɛn̄ yɛdɛ n̄kɛmɛ nɛ gɛ.”

40 No wu jɛmɛ noo, wu mo wu dunyɛ chiaan̄ ye bɛ bikaa bie bo le.

41 Bo bijɛ Jiso, njon̄ yuuyɛ lo bo, bo mo bo n̄gɛsɛ lo. Fi ya bo ki bo bɛɛn̄ ɛ le wu. Wu ja wu biih bo le ɛ, “Bɛn̄ kɛmɛ fɛɛ fɪjɪlɛ fɛn̄?”

42 Bo jo kinchin̄ ki biɛn̄ yi ba yon̄ wa, bo nya wu le.

43 Wu fi wu ji a bo jii.

44 Wu mo wu jɛmɛ bo le ɛ, “Mwɛɛ mun̄ mu bɛn̄ yɛn̄ abɛn̄ le mu mù n̄gɛ n̄jɛmɛ bɛn̄ le kune mu mbaan̄ besabɛn̄. N̄gɛ ndu ɛ mwɛɛ munchii mù ba gɛ san̄ kune mɛ a N̄wa wu Musɛ le, bɛ a Ban̄wa ba bamii ba ntun̄ wu Nyo le mo a N̄wa wu Mbɛɛn̄sɛ le, mu kɛmɛ ki mu tô mu kojɛ.”

45 Wu mo wu gwenyɛ bvufɛɛ bvuboo, bo kɛɛ mwɛɛ mu le a N̄wa wu Nyo le.

46 Wu jɛmɛ ɛ, “Ba le ba san̄ ɛ Mbvuse wù Nyo gɛ ka kɛmɛ ki wu yɛn̄ n̄gɛ wu kwe, doo ge aju atade, wu bu yi kwe le.

47 Fi mo fi nyu tɛ ɛ bo lé bo kê Yɛlusalem, bo fêɛji bitun̄ le bichii kune jee che ɛ bamii bachii kuse muntele muboo, fɛ Nyo lɛɛshɛ bimbefɛ biboo.

48 Lé ge fêɛji bɛn̄ ban̄ ba yɛn̄ mwɛɛ mun̄ le.

49 Bɛn̄ yêgɛ bɛn̄ yû, nlé n̄gɛ n̄chɪn̄sɛ nnya yɪ Chii gɛ ka wa bɛn̄ yu. Noo, bɛn̄ mɛ gɛh alaantan̄ yan̄ bɛn̄

chíene bvunga bvù lé bvú gê bvú shíi fêwe bvú tô
fê bɛɛ le.”

Jiso bɛɛɛ we
(Maliku 16:19)

⁵⁰ Wu jo bo wu bu bɛ bo a kinlaantɛɛ kiyu le, bɛ
bo gɛɛɛ bo bu mbebe ntɛ wù Bɛtani le, wu chiaasɛ
chiaaɛ ye we, wu non kimbonɛ ye yiboo le.

⁵¹ Gɛ no wu gè baan wu noon kimbonɛ ye yiboo
le noo, wu mo wu ja wu tu wu bɛene we, wu mo wu
bɛɛɛ wu lɛsɛ.

⁵² Bo nya mbɛɛɛsɛ wù baan wu le, bo mo bo ja fo
bo tuu jin Yelusaleɛm bɛ kinlanyɛ fɛ muntele muboo
le.

⁵³ Bo gɛɛɛ bo mo bo shee yeh yi kintanyɛ le, bo
bɛɛɛsɛ Nyo bo yuuse wu segechii.

Nchane (Ncane)
The New Testament in the Ncane language of
Cameroon: Nchane (Ncane) (New Testament+)

copyright © 2020 Wycliffe Bible Translators, Inc.

Language: Nchane (Ncane)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-16

PDF generated using Haiola and XeLaTeX on 19 Dec 2025 from source files dated 16 May 2025

5108ebb0-51ad-5d6b-94ef-93cc302ed337